

ŊICWOFUŊ II

Ahazia hāmoc-ticnere binan

1 Ahaba hāmome Moabi ŋic jaŋe Israe ŋic rāŋgenke-jarembiŋ.

² Eme Ahazia e Samaria marenko juhuc ficticne fengagne 2 irec sac âte tantagnerâ waha qarâ huc bame fowec. Fohuc kiŋanŋic-fâcne ziŋuc muhuc jaza sorec ewec: “Ŋoŋe rarâ Ekoronŋe nemu Baali-Ŗebubu e huc zizi behecnuocmu me mâcne irec mu wioc ecneniŋ.” ³ Ehame Wofunŋe aŋelozi Tiŋibe ŋic moc zâŋene Elia ziŋuc âzâcnewec: “Ajoc, go faharerâ ra Samaria ŋicwofunŋe kiŋanŋicfâc bâfuac-joparâ ziŋuc jazac: ‘Hâc, ŋoŋe manapie Israe marenko Anutu mi jukac irec Ekoronŋe nemu Baali-Ŗebubu e mu wioc ecneniŋte ranŋopien?’ ⁴ Irec Wofuŋ e ziŋuc mukac: ‘Go fofogaonec mi faharehuc hâmo-jâmbânŋkecmu hâcne!’” Iŋuc âzâcneme Elia e faharerâ rawec.

⁵ Eme kiŋanŋic jaŋe ŋicwofunŋtao risiepie wio-jarerâ muwec: “Ŋoŋe wemocte risienŋopien?” ⁶ Mume jaŋe âzâcnerâ mumbiŋ: “Ŋic moczi fiŋi bâfuac-nâporâ ziŋuc nâzâjec: ‘Ŋoŋe ŋicwofuŋ sorec-ŋopajec erao mocwâc risierâ ziŋuc âzâcneniŋ: Wofuŋ e ziŋuc mukac: Go manatec Israe marenko Anutu mi jukac irec Ekoronŋe nemu Baali-Ŗebubu e mu wioc ecneniŋte ŋic sorec-jopakomec? Irec go fofogaonec mi faharehuc hâmo-jâmbânŋkecmu hâcne.’” ⁷ Jaŋe iŋuc âzâcnepie wio-jarerâ muwec, “Ŋic e weninucnezi fiŋi bâfuac-ŋoparâ dâŋ i ŋazajec?” ⁸ Mume dâŋ ziŋuc bâtikiecnembiŋ: “E qizec susuc-ticne zoricne, erâ umbika moc becsahaczi bakicne i ombânŋao jomajec.” Iŋuc âzâcnepie muwec, “I Tiŋibe ŋic zâŋene Elia eki hâcne.”

⁹ Ŋicwofunŋi iŋuc murâ momori 50 jaŋere micne moc e momorifâc-ticne 50 jaŋehc sorec-jopawec. Eme Elia e tiki mocte botânŋao ŋehame momori jaŋere micnezi fe fiŋirâ ziŋuc muhuc âzâcnewec: “O Anuture ŋic, go ŋicwofunŋi hufâcmurâ mukac.” ¹⁰ Iŋuc mume Eliazi momori 50 jaŋere micne dâŋ ziŋuc bâtikiecnewec: “No Anuture ŋic jukopacko sambânŋkonec zoc waharâ go gahacne â momorifâcge 50 ŋoŋe zâŋeŋ-ŋopazejec.” Iŋuc muhame mi sambânŋkonec zoc waharâ micne e jahacne â momorifâc-ticne 50 zâŋeŋ-jopa-fârezejec i.

¹¹ Ehame ŋicwofuŋ e mocwâc momori 50 jaŋere micne moc e momorifâc-ticne 50 jaŋehc sorec-jopawec. Eme momori jaŋere micne e ferâ Elia ziŋuc muhuc âzâcnewec: “O Anuture ŋic, go ŋicwofunŋi biac jâmbân hufâcmurâ mukac.” ¹² E iŋuc mume Eliazi dâŋ ziŋuc bâtikiecnewec: “No Anuture ŋic jukopacko sambânŋkonec zoc waharâ go gahacne â momorifâcge 50 ŋoŋe zâŋeŋ-ŋopazejec.” Iŋuc muha izia Anuture zoczi sambânŋkonec waharâ micne e jahacne â momorifâcne 50 zâtâmirec-jopawec.

¹³ Ehame ŋicwofuŋ e harierâ momori 50 moc jaŋere micne e momorifâcne 50 jaŋehc sorec-jopawec. Eme momori 50 i jaŋere micne eki fe fiŋirâ Elia dienzi hecnewec. Ehuc mu wâwâŋic ecnehuŋ muwec, “O Anuture ŋic, go ŋicwofuŋ juju-nane â kiŋanŋ qaqafâcge zi jaŋere juju i honetec wiac furi sâko ezejec.” ¹⁴ Manakic, sambânŋkonec zoczi waharâ momori 50 jaŋere micne

jajahec â gurufâc-jekic 50 guru jajahec jaha mâmâc zâtâmirec-jopawec; nore juju ine sifu honetec furi sâko ezejec.” ¹⁵ Iguc mume Wofunŋe anelozi Elia zīguc âzâcnewec: “Go ehec huc; go ere mi hâwicguoc.” Iguc mume Elia e faharerâ momori jaŋere micne ehec ŋicwofunŋtao hupic. ¹⁶ Hu fisirâ ŋicwofunŋ zīguc muhuc âzâcnewec: “Wofunŋ e zīguc mukac: ‘Go Israe mârenŋo Anutu mi jume tinac Ekoronŋe nemu Baali-Žebubu e mu wioc ecneninŋe kiŋaŋ sorec-jopamenŋe fofogaonec mi faharehuc hâmo-jâmbân-kecmu hâcne.’”

¹⁷ Eme ŋicwofunŋ e Eliazi Wofunŋe dân muwec irec sâc hâmowec. E hâmome ŋokâ-ticne moc mi juwecte qaticne Jehoramzi tucticne qawec. I Josafata ere ŋokâ Joramzi Juda ŋicwofunŋ jume jara jajahec eha iguc fuawec. ¹⁸ Ahaziazi wiac gâcne ebac ewec i zengoma Israe ŋicwofunŋ jaŋere Binanŋ Qâhâcko qârenŋe-fârekicne.

Eliazi sambânŋo fewec

2 Juku Wofunŋi zâzâkirinŋ mânânŋo Elia sambânŋo bafeocte damen bawec i bembenŋkeme Elia â Elisa jahe Giligali haeonec hahata rapic.

² Ehuc Eliazi Elisa zīguc âzâcnewec: “Go zira juc; no ine Wofunŋi Bete hao rapemurâ sorecnukac.” Iguc mume Elisazi muwec, “Wofunŋ e jujâm-bânŋkekac â go wâc jukic, irec erâ no mi behecgupemu.” Iguc mume jahe mâmâc jaha Bete hao hupic. ³ Hu fisiŋire porofete jaŋere motecfâc Bete hao jumbinŋ jaŋe Elisarao fisirâ zīguc âzâcnembinŋ: “Go miŋecgac Wofunŋi bombonŋe gowac roocmu i moc manahuc jukomec me?” Iguc wiocnepie dân zīguc bâtikie-jarewec: “Oc, i manakopac, irec boc mi muninŋ.”

⁴ Iguc mume Eliazi zīguc âzâcnewec: “Elisa, go zira juc; no ine Wofunŋi Jeriko hao rapemurâ sorecnukac.” E iguc mume dân zīguc bâtikiecnnewec: “Wofunŋ e jujâm-bânŋkekac â go wâc jukic, irec erâ no mi hetaracgupemu.” Iguc âzâcneme jahe mâmâc jaha raku Jeriko hao fisiŋic. ⁵ Fisiŋire porofete jaŋere motecfâc Jeriko hao jumbinŋ jaŋe Elisarao fisirâ zīguc âzâcnembinŋ: “Go miŋecgac Wofunŋi bombonŋe gowac roocmu i moc manahuc jukomec me?” Iguc mupie dân zīguc bâtikie-jarewec: “Oc, i manakopac, irec boc mi muninŋ.”

⁶ Iguc mume Eliazi âzâcnewec, “Go zira juc, no ine Wofunŋi Jordanŋ opâo rapemurâ sorecnukac.” E iguc mume Elisazi muwec, “Wofunŋ e jujâm-bânŋkekac â go wâc jukomec, irec erâ no mi hetaracgupemu.” Iguc mume jahe mâmâc jaha zuhuckerâ rapic. ⁷ Ehame porofete motecfâc-ŋenŋic jaŋeraonec 50 jaŋe wâc bâjâpec-jofarâ jahehec mâmâc jaha rarâ taicko domahuc Jordanŋ opâ mecnao domahapiŋe honec-jofambinŋ. ⁸ Eme Eliazi ŋaqi-ticne qâzâkirinŋkerâ opâ qame tâcnerâ ŋifec â ŋifec ferâ domaha jahe kereŋnao fotâcnepic.

⁹ Fotâcnerâ Eliazi Elisa âzâcnerâ muwec, “No mi rocnuhapie gohec jukopackoa wemo wiac egarepemurâ manasukic i nazac.” Iguc âzâcneme Elisazi muwec, “Gore mârozi norao qârânŋea fome rauckepemurâ enarekac.” ¹⁰ Iguc mume Eliazi muwec, “Go dân mukomec i manape ŋemâcne ekac. Erâ rocnuŋie honecmuo ine mukomec iguc hâcne fua-gareocmu. Mi honecmuo ine mukomec i wâc mi fua-gareocmu.” ¹¹ Iguc âzâcneme nazaŋ gazaŋ ehuc rahapiŋe keretac â becâsic zocbârũŋnehec ututunŋ jaha fuarâ bârâwiŋ-jofahuc Elia zâzâkirinŋ mânânŋo rorâ sambânŋo

bafembij. ¹² Bafepie Elisazi wiac i honerâ owackehuc muwec, "Mamac-nane, mamac-nane, Israere keretac â becâsicko rara ŋic!" Ŋuc murâ Elia honeocte fiipiewec.

Elisazi Eliare tuc qawec

Ŋuc erâ e jahacne ŋaqi qoruc rorâ fârehuc bâsuckeme dâkâne jajahec ewec. ¹³ Erâ Eliazi ŋaqi hetaramewahawec i rorâ risie ra Jordan opâ mecnaw domawec. ¹⁴ Ehuc Eliazi ŋaqi hetaramewahawec i rorâ zinguc muhuc opâ qawec: "Eliare Wofuŋ Anutu e wena?" Ŋuc muhuc opâ qame opâzi râwiŋnerâ ŋifec â ŋifec ferâ domaha fotâcnewec.

¹⁵ Eme Porofete jaŋere motecfâc Jeriko haeo jumbiŋ jaŋe domahuc honeku mumbiŋ, "Eliare mârozi Elisarao fotâcnekac hâcne." Ŋuc murâ fisi bâfuârâ manfuŋnao mârenko fodapembiŋ. ¹⁶ Ŋuc erâ zinguc âzâcnembiŋ: "Manakic, kiŋaŋ qaqafâcge nâŋerao ŋic tâpirihec 50 jungopieŋ, jaŋe manajaretec rarâ bombonge basanzepieŋ. E Wofuŋte Mârozi ro baferâ tiki botâŋko me wâneŋ mocko behejec mecne." Ŋuc mupie muwec, "Ŋoŋe mi sorec-jopanzepieŋ." ¹⁷ Eme jaŋe fotariecnekupie fafierâ mume ŋic 50 sorec-jopambiŋ. Eme jaŋe rarâ zoaŋ gie bapa jahec â moc basambiŋ, erâ sifu mi bâfuambiŋ. ¹⁸ Eme Elisa e Jeriko haeo juhame risiepie jazarâ muwec, "Wiac no mi raninŋe ŋazapo i."

¹⁹ Eme hae irec ŋic jaŋe Elisa zinguc âzâcnembiŋ: "Hae-nâŋec zi biaŋne jâmbâŋ bakicne ŋekac i go gahac sâcne honekomec. Mocjaha, opâzi sâqocne â mâreŋ wâc guec tâmiric." ²⁰ Ŋuc mupie muwec, "Râqâc qâricne moc hâwec râerâ baware-nareniŋ." Ŋuc mume rorâ râcnembiŋ. ²¹ Râcnepie e opâ zâŋeo rarâ hâwec beheme hume muwec, "Wofuŋ e zinguc mukac: No opâ zi bâpiaŋkekopacte hâmo qanzaraŋ tâmiric fua sawec erahuc junzepieŋ." ²² Irec Elisazi dâŋ muwec irec sâcko opâ i damen zinguczia hucukic tâmiric foweczi fokac jaha.

²³ Eme Elisa e Jeriko haeonec Bete haeo fewec. E hatao fehame motec piic piic gâcne jaŋe haeonec waharâ bâfuahuc mu zoraŋ ecnehuc mumbiŋ, "Utu pârâc go ferac! Utu pârâc go ferac!" ²⁴ Jaŋe ŋuc epie e forisierâ honec-jopahuc Wofuŋte zâŋeo sâwec-jopawec. Sâwec-jopame bea* ŋokacne jajahec jahe kâteonec wefurâ motec 42 kisuc qâsuc-jopapic. ²⁵ Eme irecne ine Karamele tikio rawec. Erâ fotâcnerâ Samaria mârenko risiewec.

Jehoramzi Israe ŋic jaŋere ŋicwofuŋ juwec

3 Josafata e Juda ŋicwofuŋ jume jara 18 eha Ahaba ŋokâ-ticne Jehoramzi Samaria mârenko juhuc Israe ŋic jaŋere ŋicwofuŋ ewec. Erâ jara 12 ŋicwofuŋ gie bahuc juwec. ² Ehuc Wofuŋte zâŋe faio wiac mamakâcne ewec. Erâ i nengoc mamac jahecne jahere sâc wâc mâcne, e mamac-ticnezi Baali nemure wâtun âkendânne rawec i bârârie-fârewec. ³ Erâ sifu Nebatere ŋokâ Jeroboamzi Israe ŋic hehesic eninŋe qafeŋ-jopawec hehesic ira qohotawec.

Elisazi Moabi ŋic bawahac-jopaocte findaŋdân muwec

⁴ Moabi ŋicwofuŋ Mesa e lama gume bâsokac ejare jujec. Erâ
*Qowi mimicne â kâcŋene mocte zâŋe.

mucnekicne sâc jarane jarane lama motecne 100 tauseng jaha rorâ Israe ģicwofuŇtao râme rajuec. ⁵ Juku Ahaba hâmomme Moabi ģicwofuŇzi Israe ģicwofuŇ rânġenġecnewec. ⁶ Ĵuc eme ģicwofuŇ Jehoramzi dameġ ira Israe ģic biric-jopa-fâreocte Samaria hae beheřa ĵaġerao rawec. ⁷ Ehuc Juda ģicwofuŇ Josafatarao dâġ râehuc muwec, "Moabi ģicwofuŇ e rânġenġe-narekac. Ĵrec Moabi ģic ĵaġehc zika qanacte nohec sâcne racmu me?" Ĵuc mume dâġ zġuc bâtikiecnnewec: "No fâpemu. Erâ wiac sasawa fonarekac i gore biġe jaha, no nahacne mecne, ġicfâc-nane mecne, â becâsicfâc-nane mecne, nâġe gore hâcne." ⁸ Ĵuc murâ zuhuckerâ wiocnewec, "Hata wenġucpec râsi fisi-jarenanġmu?" Ĵuc wiome Jehoramzi âzâcnnewec, "Edom mâreġ burocnaopec râsi fisi-jarenġepenġe."

⁹ Ĵuc murâ Israe ģicwofuŇ e Juda ģicwofuŇ â Edom ģicwofuŇ ĵahehec rawec. Eme ĵaġe râsi fisi-jarenġte zoaġ ġie bapa 7 râreckehuc ĵuhapie momori â qowi bacjopa rambiġ ĵaġere opâ omaewec. ¹⁰ Ĵuc eme Israe ģicwofuŇzi muwec, "Opon, WofuŇ e ģicwofuŇ ĵahc â moc nânġc zġ Moabi ģic ĵaġere meo râec-nâpoocte hefârec-nâpowec." ¹¹ Eme Josafatazi muwec, "Ĵondeġ-nâġecko WofuŇte porofete moc mi ĵukac me? E ecnepene WofuŇ mu wioc ecnezac!" Ĵuc mume Israe ģicwofuŇte ġiġaġ qaġafâc ĵaġeraonec moczi dâġ zġuc bâtikiecnnewec: "Safatare ġokâ Elisa e zġra ĵukac, eki hâcne Eliare ġiġaġ qaġa juwec." ¹² Ĵuc mume Josafatazi muwec, "WofuŇte dâġzi erao fokac wâc." Ĵrec Israe ģicwofuŇ â Josafata â Edom ģicwofuŇ ĵaġe mâmâc jaha Elisarao humbiġ.

¹³ Eme Elisazi Israe ģicwofuŇ dâġ zġuc âzâcnnewec: "Go norao wemocte warekic? Go nengoc mamac ĵahcġe ĵahere porofetefâc ĵaġerao rac." E ġuc mume Israe ģicwofuŇzi âzâcnerâ muwec, "Aricne, WofuŇ e ģicwofuŇ ĵahc â moc zġ nâġe Moabi ģic ĵaġere meo râec-nâpoocte hefârec-nâpowec." ¹⁴ Ĵuc mume Elisazi muwec, "Anutu Tâpiri Qunġqasaġ WofuŇ e ĵuġâmbânġkeme ġiġaġ qacneekopacte no Juda ģicwofuŇ Josafata ere boc mi enareme muzac go wâc mi honeġguzapo. ¹⁵ Zġ ine gae hehe ġic moc jowa wareniġ." Eme gae hehe ġiczi fisirâ gae heme WofuŇte tâpirizi Elisarao fotâcnnewec. ¹⁶ Fotâcneme muwec, "WofuŇ e zġuc mukac: 'No opâwâc ġerġekiecnne zġra mupe opâ zâkânġe zâkânġe fua fezejec.' ¹⁷ WofuŇ e zġuc hâcne mukac: 'Ĵoġe mânâġ me hoe moc mi honeġapie opâzi wâc qârosoc zġra fuse-fâreocmu. Ehame ġaġacne â qowifâc-ġenġic, bulimakaofâc-ġenġic hâcne, ġoġe nâniġmu.' ¹⁸ WofuŇzi wiac ġucne eocte moc mi qunġekac. Erâ Moabi ģic ĵaġe meġenġicko râec-jopaocmu wâc. ¹⁹ E ġuc eme ġoġe hae saccsanġhec sasawa â hae hone ġacnehec i ro rauc efâreniġmu. Ehuc ĵâc biġne i qafararâ opâ zâġe sasawa i âte bâzicke-fâreniġmu. Erâ wâc mâreġ dâkâne biġne i qânâzi hefuse-fâreniġmu." ²⁰ Hae fureme taha bâzi ee dameġko opâzi Edom mâreġkonec waharâ mâreġ i sâcke-fârewec.

²¹ ĴicwofuŇ ĵaġe Moabi ģic râsi roġarehuc fisiġie biġe-ġenġic manarâ zġkare wiac babajune ġicmotec â ġic ĵâmbân mâmâc hefârec-jopapie fisiġie mâreġ-ġenġicte mao biric-jopambiġ. ²² Eme Moabi ģic ĵaġe furic uupicte faharerâ honeġie zoaġzi wefurâ opâo âeckeme opâzi soc tinac bâbârġ ewec. ²³ Ĵuc honerâ mumbiġ, "Keci soc ĵâmbân i, ĵâmbomac, ģicwofuŇ ĵaġe ĵaġaczġa qâġâhâmoc embiġ. Ajoc, ġicbureġ, mafa-ġenġic rozo ranaġ!" ²⁴ Ĵuc murâ Israe ģic ĵaġere teunġo fisiġie Israe ģic ĵaġe faharerâ jopapie wisembiġ. Wišeġie jopa ĵâpec eġarehuc Moabi ģic afecne mi jopambiġ. ²⁵ Erâ hae imackehuc mâreġ guecnehec ira qânâ ropie ferâ ġefacke-fârewec. Erâ opâ

zâŋe sasawa âte bâzicke-fârembiŋ â jâc biagne i zengoma qafara-fârembiŋ wâc. Iŋuc ekupie Kiri-Harese hae mocjahazi sawa ŋewec. Ehame tacbaŋ qaqa ŋic jaŋe wâc fisirâ hae somâckehuc zika qambiŋ. ²⁶ Eme Moabi ŋicwofuŋ e, sâcne mi sanankepemu iŋuc honerâ zika bapa ŋic 700 rocjoparâ Edom ŋicwofuŋ maickehuc somâmanŋkonec wiseniŋte zika qambiŋ. Erâ sifu mi sananŋkambiŋ. ²⁷ Eme Moabi ŋicwofuŋ e mârâc ŋokâ-ticnezi tucticne qarâ juocte mukicne e rorâ taha bâzi ririkere sac faio râerâ rikewec. E iŋuc eme Israe ŋic jaŋe manapie mamakâcne eme e beherâ mâreŋ-jengiŋco risiambiŋ.

Ŋokac hozec nocte wokemaŋzi mi omaewec

4 Juku porofete jaŋere motecfâc jaŋeraonec moc ere ŋonânzi Elisa wâsickehuc muwec, "Ŋowe-nane kiŋaŋ qaqage e hâmwec. Erâ manakic, kiŋaŋ qaqage e Wofuŋ araŋ bacnehuc juwec. Ehame zi tofa-nane bajukac ŋic eki ŋokâ jahec-nane rocjofarâ kiŋaŋ qaqa bacjofaocte warejec." ² E iŋuc âzâcneme Elisazi dân zŋuc bâtikiecnawec: "No wenigucko baficgupemu? Ficgao wemo wiac fokac i nazac." Iŋuc mume ŋokaczi muwec, "Kiŋaŋ naruge no wiac moc mi fonarekac. Mâc, wokemaŋ zopo mocjaha jâmbân ŋenarekac." ³ Iŋuc âzâcneme Elisazi muwec, "Wiac go hurâ ra diguracfâcge jaŋeraonec zopo tacne bâfuacmu sâc rozemec. ⁴ Erâ ficgao risierâ motec jahecge jahehec motâc herâ ŋehuc zopo bafisicmu ira wokemaŋ i qoŋgiŋketec hurâ fuseme sâc bârârietec ŋezejec." ⁵ Eme ŋokac e ŋokâ jahecne jahehec ficmaŋko razirâ motâc hewec. Erâ wokemaŋ qoŋgiŋkeme sâc ŋokâ jahecne jahe qosecne râcnepic. ⁶ Eme zopo i fuse-fâreme ŋokâ-ticne moc âzâcnerâ muwec, "Ajoc, zopo moc narec." Iŋuc mume ŋokâ-ticnezi muwec, "Qosackejec." Ehame wokemaŋzi mâc wahahuc fowec i tâcnawec. ⁷ Iŋuc eme ŋokac e Anuture ŋic erao rarâ âzâcneme eki muwec, "Go rarâ wokemaŋ irec furine rorâ tofage bazuc. Eme tucne ŋeocmu izi ine go gahacne â ŋokâ jahecge dopec-ŋopame juŋzepien."

Elisa â Sunem ŋokac jahere binaŋ

⁸ Dameŋ mocko Elisa e Sunem haeo ŋokac moc mafa sâkohec juwec ira rawec. Rame ŋokac e nânâ nâocte fotariecnawec. Irec juku dameŋ ira me ira hata iŋucpec fotâcnehuc fic ira ferâ nânâ nâjujec. ⁹ Iŋuc eme ŋokaczi gowe-ticne âzâcnerâ muwec, "Manakic, no ŋic zi honepe Anuture tirinŋic moc ekac. E dameŋ sâc hata zira fotâcnehuc juekac. ¹⁰ Irec nâhâc ficbupuo magne piticne moc âke tâcnechenac. Erâ ira fofoc moc â tebo moc â ŋeŋe moc erâ lambe moc iŋuc râcnezeperec. Eme e dameŋ ira me ira nâhâcnao wareocmuo ine ira ŋeŋe juju ezejec."

¹¹ Eme dameŋ mocko fic ira fisirâ magne piticne ira ferâ waha fowec. ¹² Fohuc kiŋaŋ qaqa-ticne Gehasi âzâcnerâ muwec, "Sunem ŋokac e wiracnec." Iŋuc mume Gehasizi wiracneme ra maŋfuŋ-ticnao domawec. ¹³ Domame Elisazi kiŋaŋŋic-ticne âzâcnawec, "Go zŋuc âzâcnec: Honekic, go wiac sasawa zi enâcte-fâremeŋ, irec nâhe wemo wiac jaha egarenacmu? Gore okacne ŋicwofuŋ me momori jaŋere micne moc sâcne dân âzâcnenacmu me?" Iŋuc mupire ŋokaczi dân zŋuc bâtikiewec: "No ŋicfâc-

-nane jaŃehac sâcne juekopac.” ¹⁴ IŃuc mume Elisazi muwec, “Eme wemo wiac jaha ecnezo?” Mume Gehasizi dâŃ zĩŃuc bâťikiecnawec: “No zĩŃuc sawa honekopac: E Ńokâ moc mi jucnekac â Ńowe-ticne e Ńicqizec jâmbâŃ.” ¹⁵ IŃuc mume Elisazi muwec, “Wiracnec.” IŃuc mume Gehasizi wiracneme fisi motâcko domawec. ¹⁶ Domahame Elisazi muwec, “Go juku damerŃ zĩŃucne motec moc rorâ bajucmu.” IŃuc âzâcneme Ńokaczi muwec, “Aricne, Anuture Ńic, bomboŃ-nane, go kiŃaŃ naruge no mi eatucnuc.” ¹⁷ Eme Ńokac e juku zoaŃ damerŃ fuŃkehame Elisazi motectę âzâcnawec irec sâcko moc kiweckerâ rowec.

¹⁸ Eme motec e soka-fârerâ zoaŃ mocko padi roro ehuc jumbĩ ira mamac-ticnerao rawec. ¹⁹ Rarâ mamac-ticne wâsickehuc zĩŃuc muwec: “O utu-nane, utu-nane!” IŃuc mume mamac-ticnezi kiŃaŃ qaqa-ticne âzâcnerâ muwec, “Hâporâ nengoc-ticnerao rac.” ²⁰ IŃuc âzâcneme kiŃaŃ qara e bafahare hâporâ nengoc-ticnerao rawec. Eme nengoc-ticnezi qicticnao râeme Ńeha guŃpitic eme motec e hâmwec. ²¹ Hâmome nengoc-ticnezi rorâ bafe Anuture Ńic ere fofoo râewec. Râeme foha motâc herâ rawec. ²² Rarâ Ńowe-ticne wiracnehuc muwec, “Go kiŃaŃŃic jaŃeraonec moc â dongi moc iŃuc râe-naretec no Anuture Ńic erao biac rarâ risiepe.” ²³ IŃuc mume Ńowe-ticnezi muwec, “Go miŃecgac wemocte erao racmu. MiŃecgac i mosa furune me sabata hombaŃ mi ekac.” IŃuc mume ŃonâŃ-ticnezi muwec, “Izi wemo eocmu.” ²⁴ Eme Ńokac e dongi sate hecnerâ kiŃaŃŃic-ticne zĩŃuc âzâcnawec: “Go qowi zĩ ecnetec gasackezejec, unerŃ unerŃ mi juzejec. No nahac gazape ira sawa bâŃininŃezemec.” ²⁵ Eme Ńokac e raku Anuture Ńiczi juwecko Karamele tikio fisiwec.

Eme Anuture Ńic e Ńokaczi fisime honerâ kiŃaŃ qaqa-ticne Gehasi zĩŃuc âzâcnawec: “Sunem Ńokac taicko warekac ocni, honec. ²⁶ Go picpac jaha rarâ bâfuac. Ehuc zĩŃuc wiocnec: ‘Go sâcne jukomec? Ńowege e sâcne jukac me? Erâ motec e wâc sâcne jukac me?’” Eme Ńokaczi dâŃ zĩŃuc bâťikiecnawec: “Sâcne juřâreŃgopenerŃ.” ²⁷ IŃuc murâ ra tikio Anuture Ńic erao fisirâ kike-ticnao rorâ basanaŃkewec. IŃuc eme Gehasi e ro bârârieocte warewec. Wareme Anuture Ńiczi muwec, “E busâqoc faio juhuc ekacte behetec eoc. WofuŃ e wiac i hesoŃkehuc mi mufua-narewec.” ²⁸ Eme Ńokaczi muwec, “BomboŃ-nane, no motecte moc numu-garepo me? Erâ, ‘Go mi eatucnuc,’ iŃuc mi gazapo me?” ²⁹ IŃuc mume Elisazi Gehasi zĩŃuc âzâcnawec: “Umbikage jomarâ gunu-nane rorâ rac. Ńic i me i moc hatao bâfuac-joparâ ‘zoaŃ bian’ mugarepie okacne mi bâťikiezemec. Mâc raku gunu-nane i motecte maio râezemec.” ³⁰ IŃuc mume motecte nengoczi muwec, “WofuŃ e jujâmbâŃkekac â go wâc jukic, irec no mi behecgupemu.” IŃuc mume Elisa e faharerâ bâjâpewec. ³¹ Gehasi e bânierâ ra gunu i motecte maio râewec. Râeme qâreocte fânâŃ me qiriŃ wiac moc mi fuawec. Irece Gehasi e bomboŃ-ticne bâfuaocte risierâ bâfuahuc zĩŃuc âzâcnawec: “Motec e mi qârejec.”

³² Eme Elisa e fisirâ ficmaŃko razirâ motec e fofoticnao hâmocne foha honewec. ³³ Honerâ motâc herâ WofuŃ numucnawec. ³⁴ Erâ motecte faio ferâ masûne motecte masuo iticnawec, erâ zâŃe â meťicnezi iŃuc jaha efârerâ motecte faio fohame motecte sahaczi hâroŃkewec. ³⁵ IŃuc eme faharerâ ficmaŃkoa rac warec ewec. Izi motecte faio mocwâc ferâ waha fowec. Eme motec e kisiec arec 7 qawec, ehuc zâŃe fiwec. ³⁶ IŃuc eme Elisazi Gehasi hefârehuc muwec, “Go Sunem Ńokac wiracnec.” Wiracneme

ŋokaczi Elisarao fisime âzâcnewec, "Ŋokâge rorâ bafaharec." ³⁷ Iguc âzâcneme ŋokac e Elisare kikefuŋko fodapehuc zâŋe mai-ticne mâreŋko hetutuckewec. Iguc erâ fahare ŋokâ-ticne rorâ hâpome rapic.

Elisazi mâsi bawec

³⁸ Eme Elisa e Giligali hao mocwâc risiewec damen ira Israe mâreŋko roroc fuarâ fowec. Eme porofete jaŋere motecfâc jaŋe maŋfuŋnao ŋehapie kiŋaŋ qaqa-ticne Gehasi âzâcnerâ muwec, "Kuzi kâcŋene herâ porofete motecfâc-ŋenji jaŋere sic rikec." ³⁹ Eme ŋic moczi gieo romboe roocte ra juku kâteonec rumiwarec muc irec hândâŋne i honerâ bojazaŋ hâcne muhuc bocjaha ameckewec. Erâ hao fisirâ wiac i wemo wiac i mi manahuc qame sic kuzio huwec. ⁴⁰ Eme i ŋic jaŋe nânŋte hoŋke-jarewec. Jaŋe ine sic i nâhuc owackerâ mumbiŋ, "O Anuture ŋic, kuzi zira hâmoc fokac." Iguc murâ sic i mi nâmbiŋ. ⁴¹ Eme Elisazi muwec, "Nânâ poroŋ uucne bawarenij." Eme poroŋ i kuzio hoŋkeme hume muwec, "Ajoc, ŋic hoŋke-jarepie nâniŋ." Eme kuzi ira ine sisipiric moc mi fowec.

⁴² Eme Baali-Salisa haonec ŋic moczi gie-ticne qâricnaonec padi bâbâ-roŋzi poroŋ 20 bakicne i erâ jacgoŋ qâricne kânoŋ-ticnao ŋierâ Anuture ŋic e bafisicnewec. Eme Elisazi muwec, "Ŋic jaretec nâniŋ." ⁴³ Iguc mume kiŋaŋ qaqa-ticnezi muwec, "No wiac zi weniguc ŋic 100 sâko zi jarepe sâcjoaocmu?" Iguc mume harierâ muwec, "Ŋic jaretec nâniŋ. Wofuŋ e ziŋuc hâcne mukac: 'Jaŋe nâ tiwâ eniŋmu.'" ⁴⁴ Iguc mume manarâ hejarewec. Eme ŋic jaŋe Wofuŋzi muwec irec sâcko nâ tiwâ embiŋ.

Naemaŋ fâsâewec

5 Siria ŋicwofuŋ ere momorifâc jaŋere micne sâko zâŋene Naemaŋ e kâcŋene-ticnezi mana biankecehuc manacneme fewec. Naemaŋ e hâcne momori micne bajareme zika gie bahuc jumbiŋko Wofuŋzi mana-jareme Siria ŋic jaŋe râsifâc-ŋenji sananke-jare jumbiŋ. Eme momori wânzân ŋic e hâcne wicsanaŋ fuacneme ihec juwec. ² Damaŋ ira Siria ŋic jaŋe zika hata juhuc Israe ŋic jaŋere mâreŋkonec naru piticne moc rombiŋ, eme naru eki Naemaŋ ŋonân-ticne kiŋaŋ qacnehuc juwec. ³ Juku naru eki hâcne ŋokac bomboŋ-ticne ziŋuc âzâcnewec: "Bomboŋ-nane e Samaria hao porofete moc jukac ere maŋfuŋko jume muzac ine porofete eki wicsanaŋ-ticne bâsomiezac." ⁴ Naemaŋ e dâŋ i manarâ kâcŋene-ticnere ficko ferâ âzâcne muwec, "Israe mâreŋkonec naru e dâŋ iguc â iguc mukac." ⁵ Eme Siria ŋicwofuŋzi muwec, "Wiac sâcne, rac. No ine Israe ŋicwofuŋ ere papia moc qâreŋkerâ garepe bara râcnezemec."

Eme rawec hâcne, ehuc siliwa monen ŋemâc-ticne 10* â gol monen 6 tausen erâ hombaŋ ŋaqi 10, wiac iguc barâ rawec. ⁶ Eme Israe ŋicwofuŋ ere papia bara râcnewec ira dâŋ ziŋuc fowec: "Papia keczi bâfuacguhuc dâŋ ziŋuc mufua-garezejec: Kiŋaŋŋic-nane Naemaŋ wicsanaŋ bâsomiec-necmurâ gorao sorepe fakac." ⁷ Israe ŋicwofuŋ e papia i woserâ ŋaqi-ticne bâsuckerâ muwec, "No Anutu, juju roro â juju bâbâfua me, irec ŋic keci e ŋicticnere wicsanaŋ bâsomiepemurâ dâŋ râeme warekac! Keci honeniŋ, wiac izi âki eha nohec zika bâfuaocce mâsi ekac hâcne."

* I 20 tausen kinare sâc tinac ekac.

⁸ Israe ŋicwofuŋ e ŋaqi-ticne bâsuckewec irec biŋe Anuture ŋic Elisa ere hazecko hume ŋicwofuŋtao dâŋ kecziŋuc râeme rawec: "Wemocte ŋaqige bâsuckekomec? Ŋic e norao soretec wareoc me, erâ Israe guruo porofete moc jukac irec fuŋne manazejec." ⁹ Dâŋ iŋuc rame Naemaŋ e becâsic â keretac-ticnehec ra Elisare ficko fisirâ becâsic bâniniŋ-jopawec. ¹⁰ Eme Elisa e dâŋ kecziŋuc muhuc kiŋaŋŋic-ticne soreme Naemaŋtao wahawec: "Go Jordani opâo hurâ opâ arec 7 ruazemec. Iŋuc etec sahaŋge bianiŋkeme sahaŋc fâsâc erâ jucmu." ¹¹ Naemaŋ e ine dâŋ i manahuc mana gâpârerâ risiehuc kecziŋuc muwec: "No manasupac, e fickonec waharâ maŋfuŋ-naneo ware domahuc Wofuŋ Anutu-ticnere zâŋe riwaseckeocmu, erâ meticnezi qajaŋ qahuc wicsanaŋ bâsomieocmu. ¹² Damasko haeo opâ Abana â Farapa jahe Israe mârenŋe opâ sasawa siric-jopa-fârekopirec. Opâ ruarâ sahaŋc fâsâc eere hata fome ira sâcne mi ruazapo me?" Iŋuc muhuc aaric sâko manarâ risie rawec hâcne. ¹³ Ehame kiŋaŋ motecfâcne jaŋe maŋfuŋnao rarâ ziŋuc âzâcnembiŋ: "Mamac, porofete e wiac ŋemâcne moc mutâcne-gareme mi enzaŋ me? Eme, 'Opâ ruarâ sahaŋc fâsâc ec,' iŋuc sawa gazakac i wemocte mi reŋkecmu?" ¹⁴ Iŋuc mupie e hurâ Anuture ŋic ere micsâcko Jordani opâo arec 7 fo utuckewec; eme izia sahaŋc-ticne fâsâehuc bianiŋkêrâ naru motec gegecne jaŋere sahaŋc iŋucne ewec.

¹⁵ Fâsâerâ e jahacne â ŋicfâcne sasawa Anuture ŋic erao risiembiŋ. Erâ fe mai-ticnao domahuc muwec, "Manakic, mâreŋ gâcnao nemu fârine moc mi juŋgopieŋ, Israe mâreŋko Anutu jukac e mocjahazi fârine, no iŋuc manakopac. Irece kiŋaŋŋicge no bubiante wiac garezo ekopac i rozemec." ¹⁶ Eme Elisazi muwec, "Wofuŋ kiŋaŋ qacneekopac e jâmbomac jukacte ere maio mukopac: No wiac i moc mi ropemu." Zoqac ecne-biŋieme sifu qikiŋnewec. ¹⁷ Iŋuc eme Naemaŋzi muwec, "I mukicte foha moc numu-garepe: Manahan kiŋaŋŋicge no becâsic jajaheczi ââsickene irec sâc mâreŋ mac narepie barazepac; no ocna juhuc nemu mâcne, Wofuŋ e sawa taha bâzi wiac rikecnehuc juzo mukopac. ¹⁸ Wiac mocjaha kecziŋuc sawa epe Wofuŋzi sifu mana urue-narezejec: Kâcŋene-nanezi nemu Rimoni taha nunumu wiac ecneocte ufuŋ-ticnao feocmu, ehuc me ombâŋ-naneo bâsiŋnehuc nemu Rimoni ere maio fodapeocmu, eme no iŋuc jaha nemu Rimoni ere maio fodapepemu, irec sawa Wofuŋzi mana urue-narezejec." ¹⁹ Eme dâŋ ziŋuc bâtikiecmewec: "Wamao razemec."

Eme Naemaŋzi Elisa beherâ rame mi zoraha ²⁰ Anuture ŋic Elisa ere kiŋaŋ motec Gehasizi ziŋuc manasuwc: "Bomboni-nane e Siria ŋic Naemaŋzi wiac bawarewec i mi rohuc wemocte mâc soreme risiekac. Wofuŋ e jujâmbâŋkecacte no bâjâperâ gasacke rahuc eraonec wiac gâcne rozepac." ²¹ Iŋuc murâ Naemaŋ bâjâpewec. Eme Naemaŋ e ŋic moc gasackehuc bâjâpeme hone taraocte keretackonec wahawec. Ehuc wiocnewec, "Wemo wiac?" ²² Wiocneme Gehasizi muwec, "Mâcne, bomboni-nane e ziŋuc gazapemurâ sorecnujec: 'Porofete jaŋere motecfâc jaŋeraonec ŋic jajahec miŋecne mac zi Eferaim tiki mâreŋkonec fisikopirec. Irece go siliwa moneŋ wezimuc mac â hombaŋ ŋaqi jajahec i sâcne jactenzaŋ?'" ²³ Iŋuc mume Naemaŋzi muwec, "Sâcne siliwa moneŋ bocjaha zi roc." Iŋuc murâ fotariecnehuc siliwa moneŋ bocjaha i kânon jajahecko ŋierâ micne zâfickewec, erâ hombaŋ ŋaqi jajahec i mâmâc rorâ kiŋaŋ qaqa jahec-ticne jactewec. Eme jahe i barâ bânepire Gehasizi râpefuŋ-jekicko rawec. ²⁴ Raku tikio fisirâ jaheraonec rorâ ficko râewec. Ehuc ŋic jahe

sorec-jofame risiepic. ²⁵ Eme Gehasi e ficmaŋko ferâ bombon-ticnere maio domame Elisazi wiocnerâ muwec, "Gehasi go wena jumec?" Wiocneme Gehasizi muwec, "Kiŋaŋ qaqage no ira me ira moc mi rapac." ²⁶ Iŋuc mume Elisazi dâŋ ziŋuc bâtikiecnawec: "Ŋic e gohec bâbâfuac enicte keretac-ticnaonec wahajec damenŋ ira maŋnanezi gohec mi jujec me? Go moneŋ â ŋaqi qoruc romenŋ hâcne. Erâ izi oliwa gie â wainŋ gie â lama bulimakao â kiŋaŋ qaqanŋic me ŋokac furine bazo murâ furine bac." ²⁷ Ehame Naemaŋte wicsanaŋ gorao fotâcnerâ qâricfâcge jaŋerao wâc fohuc juzejec sanaŋ." Iŋuc âzâcneme Gehasi e wicsanaŋ qanqanŋ jâmbân sinou iŋucnehec ehuc bombon-ticnere zâŋe maionec hurâ rawec.

Râriczi afeckerâ opâ faio fowec

6 Porofete jaŋere motecfâc jaŋe Elisa âzâcnerâ mumbiŋ, "Manakic, goki micne banâretec juengopenenŋ fic zi nâŋâcne sâc mi ekac. ² Irec nâŋâc Jordaŋko rarâ ru sâc jâc ronzeopenenŋ. Ehuc ficnâŋec moc barâ ira ŋeŋe juju enzepenenŋ." Iŋuc mupie dâŋ ziŋuc bâtikie-jarewec: "Sâcne, raniŋ." ³ Iŋuc mume jaŋeraonec moczi ziŋuc âzâcnawec: "Go kiŋaŋ qaqafâcge nâŋehec razemec." Iŋuc âzâcneme muwec, "Sâcne, no mâmâc ranaŋmu." ⁴ Iŋuc murâ jagehec rawec. Eme jaŋe Jordaŋko fisirâ jâcsiec hembiŋ. ⁵ Eme ŋic moc e jâcsiec hehame râric-ticnezi ŋeunuckerâ opâo huwec. Hume owackehuc muwec, "Oponŋ, bombon-nane, râric i ŋic mocte ropac!" ⁶ Iŋuc mume Anuture ŋiczi wiocnerâ muwec, "Wena hujec?" Iŋuc mume huwec ŋondenŋ i jâutume jâc piticne moc herâ râric huwec ira beheme hume râriczi afeckerâ wefu opâ faio fowec. ⁷ Iŋuc eme âzâcnerâ muwec, "Ajoc, roc!" Iŋuc âzâcneme meticne sicnerâ rowec.

Elisa â Siria ŋic jaŋere binanŋ

⁸ Juku Siria ŋicwofuŋ e Israe ŋic jagehec zika qaocte kiŋaŋ qaqafâcne dâŋ ziŋuc muhuc jazawec: "Mârenŋ ŋondenŋ ira â ira teuŋ-nane fozejec." ⁹ Eme Anuture ŋic e Israe ŋicwofuŋtao dâŋ ziŋuc râeme rawec: "Rucge bahuc mârenŋ ŋondenŋ i mi jâuruzemec, Siria ŋic jaŋe ira hungopienŋ." ¹⁰ Eme Israe ŋicwofuŋ e Anuture ŋiczi mârenŋ ŋondenŋ mutâcnecnewec ira ru baniŋte kiŋaŋŋic sorec-jopawec. E iŋuc ehuc damenŋ sâc ŋeŋezic bâfuahuc juwec.

¹¹ Eme Siria ŋicwofuŋ e wiac i honerâ mana mezac boc ewec. Erâ kiŋaŋ qaqafâcne hefârec-joparâ ziŋuc jazawec: "Ŋone nazaniŋ, nâŋâcnaonec mozi Israe ŋicwofuŋtao roweckerâ juhuc doc bacnâpoekac?" ¹² Iŋuc mume kiŋaŋ qaqafâcne jaŋeraonec moczi dâŋ ziŋuc âzâcnawec: "O ŋicwofuŋ-nane, ŋic moczi moc iŋuc mi eekac. Go-guŋ fofu ficmaŋgao dâŋ muekic i porofete Elisa, Israe mârenŋko jukac, eki Israe ŋicwofuŋ âzâcneekac." ¹³ Iŋuc âzâcneme muwec, "Ŋone rarâ wena jaha jukac i honeniŋ, eme no kiŋaŋ sorec-jopape rarâ ronzeapienŋ." Iŋuc mume ziŋuc âzâcnembiŋ: "Manakic, e Dotanŋ haeo jukac." ¹⁴ Iŋuc âzâcnepie becâsic â keretac â momori guru sâko sorec-jopame ŋafeoa fisirâ hae i orâŋkembiŋ.

¹⁵ Ehame Anuture ŋic ere kiŋaŋ qaqazi furic uupicte fahare hurâ rahuc honeme momori â becâsic â keretac jaŋe hae i orâŋke-fârerâ jumbiŋ. Kiŋaŋ qaqazi iŋuc honerâ muwec, "Oponŋ, bombon-nane, nâŋâc weniŋuc

enagmu?" ¹⁶ Iguc mume zīguc âzâcnewec: "Mi hâwicguoc, nâŋâcnehec jingopien jaje jajehec jingopien i siric-jopangopien." ¹⁷ Iguc murâ Elisazi zīguc numuwec: "O Wofuŋ, no zīguc numu-garekopac: Go zâŋe-ticne bâtâcnetec zâŋe fifi eoc." Iguc muhame Wofuŋzi ŋicmotec ere zâŋe bâtâc-neme Elisa râreckerâ becâsic â keretac zocbârũghec tikio jupie honec-jopawec. ¹⁸ Eme Siria ŋic jaje râsi fisicnepie Elisa e Wofuŋ zīguc muhuc numucnewec: "Go ŋic zi tiŋtuŋ bacjopacmurâ numu-garekopac." Eme Wofuŋzi Elisa nunumu-ticnere sâcko tiŋtuŋ bacjopawec. ¹⁹ Eme Elisazi jazawec, "Hata zira mâcne, erâ wâc hae zi mâcne, bâjâpecnuning; eme jowac-ŋoparâ ra ŋic basangopien erao râec-ŋopape." Iguc murâ Samaria hao jowac-jopa rawec.

²⁰ Eme Samaria hao fisirâ izia Elisazi zīguc muwec: "O Wofuŋ, go ŋic zi jaje zâŋe bâtâcnetec mocwâc zâŋe fifi eniŋ." Eme Wofuŋzi zâŋe-jenic bâtâcneme zâŋe fifi ehuc Samaria hae zâzâŋiŋko jumbiŋ i hone tarambiŋ. ²¹ Eme Israe ŋicwofuŋzi honec-joparâ Elisa zīguc âzâcnewec: "Mamac-nane, no jopape me?" ²² Iguc mume Elisazi dâŋ zīguc bâtikiecnnewec: "Go mi jopazemec. Go zika â tepegezi ŋic kâpâcwârũ bacjopamen jaje wemocko jopacmu, zi nânâ opâ hejarepie nârâ bombon-jenictao mocwâc risieniŋ." ²³ Iguc mume zepec sâko rike bâmoc ejareme nâpie râec-jopame bombon-jenictao risiemiŋ. Eme irec Siria ŋic jaje Israe mâreŋko râsi mocwâc mi fisimiŋ.

Elisa â Samaria hae somâckekicne irec binan

²⁴ Juku Siria ŋicwofuŋ Benhadazi momorifâc-ticne zengoma biric-joparâ micne bajareme ferâ Samaria hae somâckembiŋ. ²⁵ Jaje Samaria hae somâckerâ fohapie hae ira roroc sâko fuarâ fowec. Ehame dongi mocte qizecnere furine siliwa moneŋ 80 râemiŋ â kâte basac râqâc piticne moc irec furine siliwa moneŋ 5 ewec. ²⁶ Eme Israe ŋicwofuŋ e haesac faio fotâcneme ŋokac moczi owackerâ wiracnehuc muwec, "O ŋicwofuŋ-nane, go baficnuc!" ²⁷ Iguc mume ŋicwofuŋzi muwec, "Wofuŋzi mi baficguocmuo no wenigucko sâcne baficgupemu? Padi qaqa tomaonec me waiŋ qaqa nombâŋkonec wiac mocwâc baficgupemu me?" ²⁸ Iguc murâ ŋicwofuŋzi ŋokac zīguc wiocnewec: "Wemo wiac jaha egarekac?" Iguc wiocneme dâŋ zīguc bâtikiecnnewec: "Ŋokac zizi zīguc nazawec: 'Ŋokâge qikiŋnetec miŋecgac nanac, eme tomâcko ine nore ŋokâ nâzeperec.' ²⁹ Iguc mume ŋokâ-nane rikerâ nâpec. Eme hae fureme zīguc âzâcnepo: 'Ŋokâge qikiŋnetec nanac.' Iguc mupe e ŋokâ-ticne sonkejec." ³⁰ Eme ŋicwofuŋ e ŋokacte dâŋ i manarâ haesac faio fotâcnehuc ŋaqi qoruc-ticne bâsuckewec. Ehame ŋic ŋokac jaje zâŋe firâ honepie ŋicwofuŋ e ombâŋnao maten qonaŋkerâ juwec. ³¹ Ehuc muwec, "Safati ŋokâ-ticne Elisa ere qizeczi furu foocmuo Anutuzi bâtiŋnu rahuc juzejec."

³² Eme Elisa e sonaŋ jajehec ficticnao ŋemiŋ. Ŋehapie ŋicwofuŋ e ŋic moc sorewec. Eme kiŋaŋŋic e mi fisihame Elisazi sonaŋ zīguc jazawec: "Ŋoŋe zika qaqa keci e upe-nane qâtâcneniŋte kiŋaŋ sorec-jopajec i moc manangopien me? Erâ mananiŋ, kiŋaŋŋic e fisihame ŋoŋe motâc herâ basanaŋkecnenziŋ. Erâ zi bombon-ticnere kike fânâŋzi râpefuŋnaoa warekac i mi manangopien me?" ³³ E sonaŋ jajehec dâŋ iguc muhuc ŋehame ŋicwofuŋzi fisicnerâ muwec, "Manangopien, wiac hâhâwicne zi Wofuŋtaonec! No wemocte Wofuŋte wonec boc ŋepemu?"

7 Iguc mume Elisazi muwec, "Wofunŋe dāŋ zi mananiŋ: Wofuŋ e ʒiguc mukac: Tomācko damen ʒigucne poroŋ uuc qaqačne ŋemāc-ticne mocjahare sāc i furine siliwa dākāne moc ā padi bābāroŋte uucne ŋemāc-ticne jajahecte sāc i furine siliwa dākāne mocjahazia Samaria haere sac-motācko ronigmu." 2 Iguc mume ŋicwofuŋzi momori jaŋere micne meticnao rowecke jujec eki Anutūre ŋic dāŋ ʒiguc muhuc āzācnewec: "Wofuŋ e sambāŋ motāc baandanŋkeme wiac igucne sācne fuaocmu me?" Iguc mume porofetezi ʒiguc āzācnewec: "Go ʒāŋe fāriŋgezi hone-jāmbāŋkecmu, erā sifu wiac i piticne moc mi nāhungaŋkecmu."

3 Eme ŋic wicsanaŋhec jahec ā jahec jaŋe haesac motācko ŋehuc jumbiŋ. Eme jaŋe hācne jaŋackoan nazaŋ gazaŋ erā mumbiŋ, "Nāŋāc wemocte hāmocte woŋec sawa ʒira boc ŋenaŋmu?" 4 Iguc murā mumbiŋ: "Nāŋāc haemaŋko raʒinaŋ, iguc murā raʒinaŋmuo ine ira roroc fokacte hāmonaŋmu. Me ʒi jaha ŋenaŋ, iguc murā ŋenaŋmuo ine hāmonaŋmu wāc. Irec nāŋāc sahač-nāŋec qaisockehuc Siria ŋic jaŋere teuŋko ranaŋ. Eme jaŋe akic-nāpozo murā akic-nāponzeŋ me nāpozo murā nāponzeŋ." 5 Iguc murā hae fure pārāckeha Siria ŋic jaŋere teuŋko raniŋte hata funkemiŋ. Eme rarā Siria ŋic jaŋere teuŋ qaŋeŋnao fisirā honepie ira moczi moc mi juwec. 6 Siria ŋic jaŋe Wofuŋzi ejaŋeme keretac ā becāsic momori guru sāko jaŋere fānāŋ manarā jaŋe jaŋackoan nazaŋ gazaŋ erā mumbiŋ, "Manangopieŋ, Israe ŋicwofuŋ e Hiti ŋicwofuŋ ā Aigita ŋicwofuŋ sasawa rocjopame rāsi fisi-nārengopieŋ hācne." 7 Iguc murā hae fure pārāckeha wisemiŋ. Ehuc juju-jeŋicte manabāc erā qoruc boze ā becāsic ā doŋgi wiac-jeŋic i teuŋko hetararā wisemiŋ hācne. 8 Eme ŋic wicsanaŋhec jaŋe teuŋ qaŋeŋnao fisirā boze mocko raʒimiŋ. Raʒirā ira nānā opā fowec i nāmbiŋ. Ehuc siliwa ā gol ā ŋaŋi qoruc fowec i rorā bara soŋkemiŋ. Ehuc risierā boze mocko raʒirā ira wiac fowec i wāc iguc jaha rorā bara soŋkemiŋ.

9 Iguc erā jaŋackoan nazaŋ gazaŋ erā mumbiŋ, "Nāŋāc wiac engopeneŋ ʒi mi sāckekac. ʒoan gie bapa ʒi biŋe biane ʒoan. Eme nāŋāc ninigkerā woŋec ŋehapene hae ŋaferā fureocmu ine okacne fisi-nāreocmu. Irec nāŋāc ʒiŋuczia rarā ŋicwofuŋte wiacfāc jazaŋaŋ." 10 Iguc murā ra haesac motāc soŋaŋ wira-jarehuc ʒiguc jazambiŋ: "Nāŋe Siria ŋic jaŋere teuŋko rambeneŋ. Ehuc ira ŋic moc mi jume hone manac embeneŋ, me fānāŋ wiac moc mi manambeneŋ. Māc, boze-jeŋic sawa ine ŋeekac sāc iguc furu jaha ŋejece ā becāsic ā doŋgi ine niŋgiŋ-jopakicne doma rambiŋ." 11 Iguc jazapie haesac motāc soŋaŋ jaŋe wirapie ŋicwofuŋte wiacfāc jaŋerao rawec. 12 Eme ŋicwofuŋ e ŋafeo jaha faharerā kiŋaŋ qaqaŋāc-ticne jazarā muwec, "Siria ŋic jaŋe rāsi enārehuc wiac weniguc jaha engopieŋ i ŋazape mananiŋ. Nāŋāc nānāre hāmongopeneŋ i jaŋe manangopieŋ. Erā irec ʒiguc muhuc kāteo soŋkerā foniŋte teuŋ-jeŋic behemiŋ: 'Jaŋe haeonec wahapie nāŋāc qāricne rocjoparā haemaŋko raʒiŋzepeneŋ.'" 13 E iguc mume kiŋaŋ qaqaŋācne jaŋeraonec moczi ʒiguc muwec: "Ŋic gācnezi becāsic gācne domangopieŋ ʒi jaŋeraonec memoc rocjoparā raniŋ. Jaŋe juniŋmuo ine Israe ŋic ʒanʒaŋne ʒira ŋeniŋmu jaŋere sāc jaha juniŋmu, me hāmoniŋmuo ine biac sipirickemiŋ jaŋere sāc boc mi sirickeniŋmu. Ajoc, ŋic sorec-jopapene ra honeniŋ." 14 Iguc mume jaŋe keretac jajahec rorā becāsic qeticke-jarembiŋ. Iguc epie ŋicwofuŋzi ʒiguc jazahuc sorec-jopawec: "Ŋoŋe rarā hone-hāmoniŋ." 15 Iguc jazame jaŋe Siria ŋic bājāpec-joparā

raku Jordango fisimbiŋ. Erâ zɔŋuc honembiŋ: Siria ŋic jaŋe fâro faio wisehuc ŋaqi qoruc â zikare wiac gâcne hatao ititingepie forawec. Kiŋaŋŋic jaŋe iŋuc honehuc risierâ ŋicwofuŋ dâŋ binaŋ ecnembiŋ.

¹⁶ Eme ŋic ŋokac jaŋe rarâ Siria ŋic jaŋere teŋko nânâ mafa fowec i rofârembiŋ. Ehuc poroŋ uuc qaqacne ŋemâc-ticne mocjahare sâc irec furi i siliwa dâkâne moc râembiŋ â paɖi bâbâroŋte uucne ŋemâc-ticne jajahecte sâc irec furi i Wofuŋte dâŋte sâcko siliwa dâkâne mocjaha jaha râembiŋ. ¹⁷ Eme ŋicwofuŋ e momori jaŋere micne meticnao hesiŋne juŋec eki haesac motâc soŋaŋkeocte râewec. Eme ŋicwofuŋzi Anuture ŋictao fisime Anuture ŋiczi dâŋ muwec irec sâcko ŋic ŋokac jaŋe ira âtekupie hâmowec. ¹⁸ Anuture ŋic e ŋicwofuŋ zɔŋuc hâcne âzâcnewec: "Tomâcko damenŋ zɔŋucne Samaria haere sacmotâcko paɖi bâbâroŋte uucne ŋemâc-ticne jajahecte sâc i siliwa dâkâne mocjahazi furine baniŋmu â poroŋ uuc qaqacne ŋemâc-ticne mocjahare sâc i siliwa dâkâne mocjahazia furine baniŋmu." ¹⁹ Eme micne e damenŋ ira dâŋ zɔŋuc bâtikiecnawec: "Wofuŋ e sambânŋ motâc baandaŋneocmuo wiac zɔŋucne sâcne fuaocmu me?" Iŋuc muhame zɔŋuc âzâcnewec: "Go zâŋe fârigezi wiac i hone-jâmbâŋkecmu, erâ sifu wiac i piticne moc mi nâhungaŋkecmu." ²⁰ Eme iŋuc hâcne fuacnewec. Ŋic ŋokac jaŋe haesac motâcko âtekupie hâmowec hâcne.

Sunem ŋokacte mâreŋ mocwâc bârisiecnembiŋ

(Bin II, 21: 1-20)

8 Elisazi ŋokâ-ticne hâmockonec bâqârewec ŋokac e âzâcnerâ muwec, "Ajoc, go faharerâ wiacfâcge jaŋehac rarâ ira me ira jaba junzepienŋ. Wofuŋ e mâreŋ zira jara 7 roroc fuarâ footce mutarawec fokac." ² Iŋuc âzâcneme ŋokac e faharerâ Anuture ŋiczi dâŋ âzâcnewec irec sâcko ewec. Erâ wiacfâcne jaŋehac Filisa ŋic jaŋere mâreŋko rarâ ira jara 7 jaba jumbiŋ. ³ Jara 7 tarame ŋokac e Filisa mâreŋkonec risierâ fic â mâreŋ-ticnere dâŋgie baocte ŋicwofuŋtao rawec. ⁴ Â ŋicwofuŋ e ine Anuture ŋicte kiŋaŋ qaqa Gehasihec zɔŋuc muc manac epic: "Elisazi mâsi baekac sasawa irec fuŋne nazac." ⁵ Iŋuc âzâcneme Gehasi e Elisazi motec moc hâmockonec bâqârewec irec dâŋ binaŋ ecnehuc juhame ŋokâ-ticne bâqârewec ŋokac eki fic â mâreŋ-ticnere ŋicwofuŋtao dâŋgie baocte fisiwec. Eme Gehasizi muwec, "O ŋicwofuŋ-nane, ŋokac hâcne zi; erâ ŋokâ-ticne zi hâcne Elisazi bâqârewec." ⁶ Iŋuc mume ŋicwofuŋzi ŋokac wiocneme binaŋ bacnewec. Bacneme ŋicwofuŋzi micne moc âkendâŋnehuc zɔŋuc âzâcnewec: "Ŋokac e mâreŋ behehame mâreŋ-ticnao he sarac epie fo wareekac i â wiac-ticne i me i zengoma bârisiecn-fâreniŋ."

Hazaelezi Siria ŋicwofuŋ juwec

⁷ Eme Elisa e Damasko haeo fisiwec. Eme Siria ŋicwofuŋ Beghada e huc bame fowec. Fohame zɔŋuc âzâcnembiŋ: "Anuture ŋic e warejec." ⁸ Iŋuc âzâcnepie ŋicwofuŋzi Hazaele zɔŋuc âzâcnewec: "Go bubiaŋ wiac rorâ Anuture ŋic honezo rac. Ehuc huc bacnukac zi behecneme qiqic qapemu me mâcne irec eki Wofuŋ mu wioc ecneocte âzâcnec." ⁹ Iŋuc muhuc âzâcneme Hazaele e Anuture ŋic honeocte Damasko haere bubiaŋ wiac fuŋne fuŋne bâmockerâ kamele 40 jaŋere faio râe-fârerâ rawec. Ra maŋfuŋ-

nao fisi domahuc ʒiŋuc muwec: “Motecge Siria ŋicwofuŋ Benhada e gorao ʒiŋuc muhuc sorecnujec: ‘Huc bacnukac ʒi behecnuocmu me?’” ¹⁰ Iŋuc mume Elisazi ʒiŋuc âzâcnewec: “Go rarâ ʒiŋuc âzâcnec: ‘Go bianke-jâm-bâŋkecmu!’” Iŋuc murâ zuhuckerâ muwec: “Wofuŋzi ʒiŋuc naza nowatuc ekac: E hâmo-jâmbâŋkeocmu.” ¹¹ Iŋuc murâ hone denderŋekume Hazaelezi weaŋkewec. Eme Anuture ŋic e kiowec. ¹² Kiome Hazaelezi wiocnerâ muwec, “Fekicne-nane, go wemocte kiokomec?” Wiocneme dâŋ ʒiŋuc bâtikiecnec: “Go Israe ŋic wiac repicne ejarecmu i manasurâ kiokopac. Go huec sanaŋ-jegic ʒoczi turuŋketec ʒoacmu â ʒikazi ŋicmotecfâc-jegic âke hâmoc-jopacmu â gegecnecfâc-jegic onʒoŋ jaha jopacmu â ŋokacfâc-jegic kiwechec âke ropiec-jopacmu.” ¹³ Iŋuc mume Hazaelezi muwec, “Kiŋaŋ qaqaŋe no wemo, qâto me? Irec wiac hâhâwicne keci epemu?” Iŋuc mume Elisazi dâŋ ʒiŋuc bâtikiecnec: “Go Siria ŋicwofuŋ jucmu i Wofuŋzi naza nowatuc ejec.” ¹⁴ Iŋuc âzâcneme Hazaele e Elisa beherâ ra bomboŋ-ticnerao fisime wiocne muwec, “Elisa e weniguc gazajec?” Wiocneme muwec: “Go jâmbomac biankecmurâ nazajec.” ¹⁵ Eme hae fureme Hazaelezi bilange moc rorâ opâo âke uruckerâ ŋicwofuŋ ʒâŋe mai-ticne foŋkeme foku hâmowec. Hâmome Hazaelezi tucticne qarâ ŋicwofuŋ juwec.

Joramzi Juda ŋicwofuŋ juwec

¹⁶ Ahaba ŋokâ-ticne Jehoram e Israe ŋicwofuŋ jume jara memoc eha Josafatare ŋokâ Joramzi fuŋkerâ Juda ŋicwofuŋ ewec. ¹⁷ E jara-ticne 32 bazurâ ŋicwofuŋ ehuc Jerusalem haeo jara 8 juwec. ¹⁸ Erâ Ahabare kikefuŋ jaŋe embiŋ irec sâc ehuc Israe ŋicwofuŋ jaŋere hata bâjâpewec. E Ahabare otâzi ŋonâŋ-ticne ewecte iŋuc hâcne ewec. Ehuc Wofuŋte ʒâŋe faio wiac mamakâcne ebac ewec. ¹⁹ Erâ ine Wofuŋ e kiŋaŋŋic-ticne Dawidi â qâric-fâc-ticne lambe moc jareocte mupaŋkewec irec erâ Judaŋic mi bâsirowec-jopawec.

²⁰ Eme ere damenŋko Edomŋic jaŋe Judaŋic jaŋere rurumaŋko zuhuckerâ junigte takic-jopame maŋrâŋgeŋ bâfuârâ jaŋe jaŋacne ŋicwofuŋ moc âkendâŋnembiŋ. ²¹ Iŋuc epie Joram e ŋafeoa faharerâ keretac-fâc-ticne â keretac guriŋ bapafâc-ticne jaŋehet Zairi haeo rahapie Edomŋic jaŋe rârec-jopahuc imac-jopapie wiserâ haeo rambiŋ. ²² Eme Edomŋic jaŋe Juda guriŋbapa-ticnere takic-jopame maŋrâŋgeŋ bâfuambiŋzi bâfuahuc juŋ-gopieŋ jaha. Ehame Libina haeonec jaŋe damen ijaha maŋrâŋgeŋ bâfuambiŋ wâc. ²³ Eme Joramzi wiac gâcne ebac ewec sasawa i Juda ŋicwofuŋ jaŋere Binaŋ Qâhâc papia qizec ira qâreŋke-fârekicne. ²⁴ Eme Joram e apa ŋosafâc-ticne jaŋerao zuhuckehuc hâmome jaŋe fombiŋkoa Dawidire hae qizecko duckembiŋ. Ehame ŋokâ-ticne Ahaziazi tucticne qarâ ŋicwofuŋ juwec.

Ahaziazi Juda ŋicwofuŋ juwec

(Bin II, 22: 1-16)

²⁵ Ahaba ŋokâ-ticne Jehoram e Israe ŋicwofuŋ jume jara 12 eha Joramte ŋokâ Ahaziazi fuŋkerâ Juda ŋicwofuŋ ewec. ²⁶ Ahazia e jara-ticne 22 bazurâ ŋicwofuŋ gie-ticne fuŋkehuc Jerusalem haeo jara mocjaha juwec. E nengoc-ticnere ʒâŋe Atalia. Atalia e ine Israe ŋicwofuŋ Omiri ere ŋosa.

²⁷ Eme Ahažia e Ahabare kikefunfâc jaŋe embiŋ sâc ijaha ehuc jaŋere kike hata âtewec. E Ahabare kikefunfâc jaŋere kimo juwecte Wofunŋe maio wiac mamakâcne ewec.

²⁸ Erâ e Ahaba ŋokâ-ticne Jehoramhec Siria ŋicwofuŋ Hazaele râsi rocnehuc qaqac eniŋte Ramoti-Gileade hao rapic. Eme ira Siria ŋic jaŋe Jehoram zâpâ qambiŋ. ²⁹ Eme ŋicwofuŋ Jehoram e Siria ŋicwofuŋ Hazaelehec qaqac ehapire Siria ŋic jaŋe Rama hao zâpâ qambiŋ irec wic i somieocte Jesere hao risiewec. Ehame Juda ŋicwofuŋ Joramte ŋokâ Ahažia e Ahaba ŋokâ-ticne Jehoramzi huc bame foha honeocte Jesere hao huwec.

Jehuzi Israe ŋicwofuŋ juwec

9 Eme Porofete Elisazi porofete jaŋere motecfâc jaŋeraonec moc hefârehuc âzâcnerâ muwec, "Becsahacge jomarâ wokemaŋ zopo roâ Ramoti-Gileade hao rac. ² Erâ hao fisirâ Josafatare ŋokâ Nimisi ŋosa-ticne Jehu e basazemec. Ehuc ficko ferâ âgofâcne jaŋere guruonec ecnetec fahareme jowatec ficmaŋ zâzâŋiŋ mocko razizepirec. ³ Eme wokemaŋ zopo i roâ qizec-ticnao hogkehuc dâŋ ziguŋc muzemec: 'Wofuŋ e ziguŋc mukac: No Israe ŋic jaŋere ŋicwofuŋ jucmurâ wokemaŋ rua-garekopac.' Iguc erâ damenŋ zora mi juhuc motâc roâ izia wisezemec."

⁴ Iguc muhuc âzâcneme porofete ŋicmotec e Ramoti-Gileade hao rawec. ⁵ Raku hao fisirâ honeme momori micne jaŋe tutumaŋko ŋembiŋ. Ŋepie muwec, "O momori jaŋere micne, no gore dâŋ moc bajukopac." Iguc mume Jehuzi wiocnerâ muwec, "More mukic?" Wiocneme muwec, "O momori jaŋere micne, gore mukopac." ⁶ Iguc mume Jehu e faharerâ ficmaŋko razime porofete ŋicmoteczi ziguŋc muhuc qizec-ticnao wokemaŋ ruacnewec: "Israere Wofuŋ Anutu e ziguŋc mukac: No wokemaŋ rua-garehuc Israe ŋicfâc-nane jaŋere ŋicwofuŋ âkendâŋgukopac. ⁷ Irece go bomborge Ahabare kikefuŋ jaŋe jopazemec. Eme no porofete â kiŋaŋŋicfâc-nane sasawa jaŋere socte okacne Iseberao bazupemu. ⁸ Iguc epe Ahabare kikefuŋ jaŋe hâcne zengoma omaenzepien. Eme no Israe maŋnao Ahabare ŋic sasawa juŋgopien, kiŋaŋ qaqa me rambaŋko juju jaŋe bârâriec-jopa-fârepemu. ⁹ Ehuc Nebate ŋokâ-ticne Jeroboamte kikefuŋ â Ahia ŋokâ-ticne Basa ere kikefuŋ jaŋe wiac ejarepo sâc ijaha Ahabare kikefunfâc jaŋerao bâfuapemu. ¹⁰ Ehame Jesere mârenko Isebere qâŋqâŋ moczi moc mi duckehame qâto jaŋe nâfârenzepien." Iguc mutarârâ motâc roâ hurâ wisewec.

¹¹ Eme Jehuzi mocwâc bombon-ticnere kiŋaŋ qaqafâc jaŋerao fisime wiocnerâ mumbiŋ, "Weniŋuc, ŋic maŋsifucnehec keci wemocte gorao warejec?" Wiocnepie ziguŋc jazawec: "Ŋonge ŋic e manangopien â dâŋ eekac i wâc manaengopien." ¹² Iguc mume mumbiŋ, "Go sioc ekic, dâŋ gazajec i nâzâ-jâmbâŋkec." Iguc mupie jazarâ muwec, "No dâŋ nazajec i jâmbâŋ ŋazape mananiŋ: 'Wofuŋ e ziguŋc mukac: No wokemaŋ rua-garehuc Israe ŋicwofuŋ âkendâŋgukopac.'" ¹³ Iguc jazame jaŋe ŋaqi-ŋeŋic hetarârâ maŋfuŋnao ririo guruckembiŋ. Erâ qeŋ qarâ musokahuc mumbiŋ, "Jehu e ŋicwofuŋ ekac."

Jehuzi Jehoram qâhâmowec

¹⁴ Jehoram â Israe ŋic jaŋe Ramoti-Gileade hae ŋezickehuc Siria ŋicwofuŋ Hazaelehec qaqaç ehuc juhapie Josafatare ŋokâ Nimisi ere ŋosa Jehu e Jehoram qaocce manasu biric ewec. ¹⁵ Â ŋicwofuŋ Jehoram e ine Siria ŋicwofuŋ Hazaelehec qaqaç ehapire Siria ŋic jaŋe zâpâ qambiŋ wic i somieocce Jesere haeo risiewec. Eme irec Jehuzi zɔŋuc muwec: “Ŋoŋe norao qohotangopienko ine moczi moc hae zirecnec fosiroŋnerâ Jesere haeo rahuc biŋedâŋ kosa mi muzejec.” ¹⁶ Iŋuc murâ Jehoram e Jesere haeo fohuc juwecte Jehuzi keretac-ticnao ferâ hae ira rawec. Ehame Juda ŋicwofuŋ Ahazia e wâc Jehoram iqickeocce wahawec.

¹⁷ Eme ruc bapa ŋic e Jesere haere ficzæo domaku Jehure gurufâc fisipie honec-joparâ muwec, “No ŋicguru moc honec-jopakopac.” Iŋuc mume Jehoramzi muwec, “Becâsicko rara ŋic moc bâfuarâ sorepie bâfuac-jopaocte raoc. Ehuc zɔŋuc wio-jareoc: ‘Ŋoŋe wamao warengopien me?’”

¹⁸ Iŋuc mume ŋic moczi becâsic faio ferâ Jehu bâfuaocce rawec. Raku bâfuarâ zɔŋuc âzâcnewec: “Ŋicwofuŋ e zɔŋuc wiokac: ‘Ŋoŋe wamao wareŋgopien me?’” Iŋuc mume Jehuzi muwec: “Wamazi wemo ezo? Go ware fâ râpe-nâŋecko rac.” Eme ruc bapa ŋic e muwec, “Kiŋaŋŋic e ra bâfuac-jopajec, erâ ine mi risiekac.” ¹⁹ Iŋuc mume ŋicwofuŋ e harierâ becâsicko rarâ ŋic moc soreme ra jaŋerao fisirâ zɔŋuc muhuc jazawec: “Ŋicwofuŋ e zɔŋuc wiokac: ‘Ŋoŋe wamao warengopien me?’” Iŋuc mume Jehuzi dâŋ zɔŋuc bâtikiecnawec, “Wamazi wemo ezo? Go ware fâ râpe-nâŋecko rac.”

²⁰ Eme ruc bapa ŋic e mocwâc muwec, “E ra bâfuac-jopajec, erâ ine mi risiekac. Ŋic guriŋ bakac e honepe Nimisi ŋosa-ticne Jehu tinac ekac. E fâro fâro jâmbâŋ guriŋ bakac.”

²¹ Eme Jehoramzi muwec, “Ajoc, zawiezo!” Iŋuc mume keretac-ticne baŋawiembɔŋ. Eme Israe ŋicwofuŋ Jehoram â Juda ŋicwofuŋ Ahazia jahe mâmâc jaha keretac-jekic sâc ferâ rapic. Jahe Jehu bâfuanicte raku Jesere ŋic moc zâŋene Naboti ere gie hatao bâfuapic. ²² Eme Jehoramzi Jehu honerâ wiocnerâ muwec: “Jehu, go wamao warekic me?” Wiocneme muwec, “Nengocge Isebe ere sasec gie â hafec qaŋgeçzi boc fokacko wemo wama jaha foocmu?” ²³ Iŋuc mume Jehoramzi becâsicfâc-ticne ŋâŋârâczi qâzâic-joparâ wisehuc Ahazia âzâcnerâ muwec, “O Ahazia, eeatuc fuakac!” ²⁴ Eme Jehuzi tâpirihec jaha tepe-ticne âpârehuc qâtâcnerâ haporocnao muruhuc buhândâŋne muru fâuckeme keretac-ticnaoa waha fowec. ²⁵ Eme Jehuzi micne-ticne Bidakari âzâcnerâ muwec, “Rorâ Jesere ŋic Nabotire mâreŋ ŋonden zira behetec raoc. Ehuc nâhâc damen mocko mamac-ticne Ahabare râpefuŋko keretac faio decŋiŋ rahapere Wofuŋzi dâŋ zɔŋuc muwec i manasuzemec: ²⁶ ‘Wofuŋzi mukac: No jacne Naboti â ŋokâfâcne jaŋere soc hone-jâmbâŋkepac irec erâ okacne mâreŋ ŋonden zɔŋjaha bazu-garepemu.’ Irec e rorâ Wofuŋte dâŋte sâcko mâreŋ ŋonden zɔŋjaha behezemec.”

Jehuzi Ahazia qâhâmowec

(Bin II, 22: 7-9)

²⁷ Eme Juda ŋicwofuŋ Ahazia e wiac i honerâ Bete-Hagaŋ haeopeç wiserâ rawec. Rame Jehuzi jâpehuc muwec, “E wâc muruzo.” Iŋuc mume ŋicfâcne jaŋe keretac-ticnaoa Guru haere heâŋ Ibeleam hae herirignaõ ira

murumbij. Murupie Megido haeo rarâ ira hâmwec. ²⁸Hâmome kiŋaŋ qaqafâcne jaŋe keretac mocko râerâ Jerusalem haeo barambij. Ehuc Dawidire hae qizecko ɣosafâc-ticne ducjopakicne ira e jahacne zâŋerunɣo duckembij.

²⁹Ahabare ɣokâ Jehoram e ɣicwofuŋ jume jara 11 eha Ahaɣiazi fuŋkerâ Juda ɣicwofuŋ juwec.

Isebe hâmoc-ticnere binanɣ

³⁰Jehuzi Jesere haeo fisime Isebe e biŋe manarâ jâweczi zâŋe-ticne rikerâ qizec-ticne erickewec. Iɣuc erâ qâqâtâc katanɣo fime rawec. ³¹Eme Jehu e haesac motâcko razihame ɣokac e muwec, “ɣimiri, go bombonɣe qameŋzi wamao warekomec me?” ³²Iɣuc mume Jehu e qâqâtâc katanɣo fime feha muwec, “Mozi nore âgo jukac?” Iɣuc mume kiŋaŋɣic jajahec me jahec â moc jaŋe erao fiɣie wahawec. ³³Fiɣie wahame jazarâ muwec, “Sârockepie wahaoc!” Eme jaŋe sârockepie wahame socticne ɣâcne sâpeo â becâsicko hewec. Iɣuc eme jaŋe fainao âtehuc âtenzâŋnembij. ³⁴Eme Jehu e ficmanɣo razirâ nânâ opâ nâwec. Ehuc muwec, “Ŋokac sâwec-kekicne keci e ɣicwofuŋte otâ, irec honerâ duckeniŋ.” ³⁵Iɣuc mume jaŋe rorâ duckeniŋte rarâ ɣokac e basahuc utu siec-ticne â kike jahecne â metape jahecne iɣuc sawa fome honembij. ³⁶Iɣuc honerâ risie âzâcneɣie muwec, “Wofuŋ e kiŋaŋɣic-ticne Tisibe ɣic Elia erao dâŋ ɣiɣuc muwec: ‘Jesere mâreŋko qâto jaŋe Isebe ere biuc nânzepieŋ. ³⁷Ehame Jesere mâreŋko ɣira qânɣân-ticnezi ho iɣucne ɣieo ɣerame moczi zâŋitarâ ɣiɣuc sâcne mi muocmu: ɣi Isebe.’”

Jehuzi Ahabare kikefuŋfâc jopa miziewec

10 Ahabare ɣokâfâc 70 jaŋe Samaria haeo jumbij. Eme Jehu e papia ɣiɣuc qâreŋkerâ Samaria haeo haere fekicne â sonaŋ, erâ Ahabare ɣokâfâc jaŋere wiɣec jumbij jaŋerao râeme rawec: ²“Bombon-ɣeɣicte ɣokâfâc jaŋe ɣoŋehec juŋɣopieŋ, erâ keretac â becâsic foɣarekac â hae sacsanaŋ-ticnehec â ɣikare wiac foɣarekac wâc. ³Irec ɣoŋe bombon-ɣeɣicte ɣokâfâc jaŋeraonec biagne â ɣie irec sâc moc bâwosâenzenpieŋ; ehuc mamac-ticnere ɣicwofuŋ ɣeŋeo heɣie ɣeme bombon-ɣeɣicte kikefuŋfâc jaŋere erâ ɣika qanzeɣieŋ.” ⁴Eme jaŋe mâreteɣ jâmbân hâwic-jopame ɣiɣuc mumbij: “Ŋicwofuŋ jajahec jahe mi sanaŋkeɣicte nânâc wâc sâcne mi sanaŋkenanɣmu.” ⁵Iɣuc murâ ɣicwofuŋ ficte micne juwec â haere micne â sonaŋ, erâ motec jaŋere wiɣec jaŋe mâmâc sasawa Jehurao dâŋ râehuc ɣiɣuc mumbij: “Nâŋe gore kiŋaŋ qaqafâc, irec wiac i me i enaŋte munâreteɣ efârenanɣmu. Nâŋe ɣic moc ɣicwofuŋ mi âkendâŋnenanɣmu. Wiac manateɣ sâckekac sâc enârec.” ⁶Iɣuc mupie Jehu e papia arec moc ɣiɣuc muhuc qâreŋkerâ râeme rawec: “Ŋoŋe norao roweckengopieŋko â micnane reŋkeniŋte afeckengopieŋko ine tomâcko dameŋ ɣiɣucne bombon-ɣeɣicte ɣokâfâc jaŋere qizec barâ Jesere haeo ɣira fisinzeɣieŋ.” Ŋic kâcqene i jaŋe ɣicwofuŋte ɣokâfâc 70 jaŋe gume jowac ejarehapiê sokambij hâcne. ⁷Eme papiazi fisi bâfuac-jopame ɣicwofuŋte ɣokâfâc 70 jaŋe sasawa joparâ qizec-jenji i kâdocko ropie hume Jehurao Jesere haeo râepie rawec. ⁸Ehame kiŋaŋɣic moc e Jehurao fisirâ ɣiɣuc âzâcnewec:

"Ŋicwofuŋte ŋokâfâc jaŋere qizec i biac bawarembiŋ." Iŋuc âzâcneme muwec, "Haesac motâcko guru jajahec guruckepie ŋeha hae fureoc." ⁹ Izi hae fureme ra domahuc ŋic ŋokac dâŋ ziŋuc jazawec: "Ŋoŋe bahacmâc, â noni ine bomboŋ-nane râsi ecnehuc doc bapo. Eme zi jaŋe mozi jopa-fârewec?" ¹⁰ Ŋoŋe ziŋuc manapaŋkeniŋ: Wofuŋ e Ahaba kikefuŋfâcne jaŋere dâŋ sasawa muwec i fârimâc mi eocmu. Wofuŋ e kiŋaŋŋic-ticne Elia ecneme dâŋ muwec irec sâcko efârekac hâcne." ¹¹ Jehu e iŋuc murâ Ahabare kikefuŋfâc, ŋic fekiecne â âgo fuŋfuŋfâc-ticne erâ taha bapafâcne Jesere haeo jumbiŋ jaŋe zengoma jopa-fârewec.

¹² Iŋuc erâ fahare Samaria haeo rawec. Raku hatao lama soŋaŋ jaŋere lama kanzaŋ bâbâtâc fic ŋewec ira ¹³ Juda ŋicwofuŋ Ahaziare soctofafâc bâfuac-jopawec. Ehuc wio-jarerâ muwec, "Ŋoŋe more ŋicfâc?" Wio-jareme mumbiŋ, "Nâŋe Ahaziare soctofafâc. Nâŋe ŋicwofuŋ qârifâc-ticne, erâ nengoc ŋokacwofuŋ qâricfâc-ticne iqic-jopanaŋte wahangopeneg." ¹⁴ Iŋuc mupie Jehuzi muwec, "Qâricne rocjopaniŋ." Iŋuc mume jaŋe qâricne rocjoparâ moc mi akic-jopahuc ŋic 42 jaŋe zengoma lama kanzaŋ bâbâtâc fic ŋewecko nombâŋ moc fowec ira jopa-fârembiŋ.

¹⁵ Eme irecnec rarâ Rekaba ŋokâ-ticne Jonadaba e Jehu bâfuaocte warehuc juha bâfuarâ "zoaŋ bian" mucnewec. Ehuc wiocnewec, "Nore maŋzi gorao fokac irec sâc jaha gore maŋzi norao fokac me?" Iŋuc wiocneme Jonadabazi dâŋ ziŋuc bâtikiecnawec: "Iŋuc hâcne." Iŋuc mume Jehuzi muwec, "Iŋuc fokacko mege narec." Iŋuc âzâcneme meticne sicnecnewec. Sicneme rorâ fâreme keretac-ticnao feme domapic. ¹⁶ Ehuc Jehuzi muwec, "Nohec rarâ Wofuŋte erâ zoqac-nane fuakac i honezemec." Iŋuc mume keretac-ticnao mâmâc rapic. ¹⁷ Raku Samaria haeo fisirâ Jehu e Wofuŋzi Elia dâŋ âzâcnawec i deŋkeocce hae ira Ahabare kikefuŋfâc jumbiŋ jaŋe zengoma jopaku jopa miziewec.

Jehuzi Baali nemu araŋ bapa i hetâtiewec

¹⁸ Iŋuc erâ ŋic ŋokac hetumaŋ-joparâ ziŋuc jazawec: "Ahabazi Baali nemu kiŋaŋ qacnewec i wahakac â noni ine fehuc qacnepemu." ¹⁹ Irec Baali nemu porofetefâc-ticne e fodapecneenggopieŋ â taha bapafâc-ticne jaŋe sasawa hefârec-jopaniŋ. No Baali nemu taha bâzi sâko rikecnezo ekopacte moczi moc mocko mi juzejec. Moc e taha bâzi ira mi juocmu e hâmo-jâmbâŋkeocmu." Jehu e Baali nemure araŋ bapafâc jaŋe bâsirowec-jopaocce maŋkehuc eeatuc gie i bawec. ²⁰ Ehuc muwec, "Baali nemure tutumaŋ dameŋ moc bâtirizo." Iŋuc mume jaŋe dameŋ moc bâtirimbij. ²¹ Eme Jehu e dâŋ râeme Israe mâreŋ sâckerâ rawec. Eme Baali nemure araŋ bapafâc jaŋeraonec moczi moc mi juhuc sasawa jâmbâŋ fisi-fârembiŋ. Fisi-fârerâ Baali nemure ufuŋko fekupie ufuŋ i fusucmarâ qinŋin qawec. ²² Eme Jehuzi ŋaŋi soŋaŋ juwec ŋic e âzâcnerâ muwec, "Baali nemu araŋ bapafâc-ticne jaŋere ŋaŋi bawarec." Iŋuc âzâcneme ŋic e ŋaŋi-jeŋic bawârewec. ²³ Eme Jehu â Rekaba ŋokâ-ticne Jonadaba jahe Baali nemure ufuŋko fepic. Ferâ Jehuzi Baali nemu araŋ bapafâc-ticne dâŋ ziŋuc jazawec: "Ŋoŋe aimuŋ jaha hohone efâreniŋ. Wofuŋte kiŋaŋŋic moczi moc ŋoŋere ŋonderko zira mi ŋezejec, Baali nemure araŋ bapafâc ŋoŋe buc jâmbâŋ ŋenzepieŋ." ²⁴ Iŋuc jaza-fârerâ taha bâzi â qowi bâzi rikeocce raziwec.

Eme Jehu e ŋic 80 ufuŋ râpenao râec-joparâ dâŋ zɪŋuc jazawec: "Moc e ŋicguru keczi meŋeŋicko râec-jopakopac jaŋeraonec moc manacneme wiseocmu e ŋic wiseocmu ere due baocmu." ²⁵ Iguc murâ qowi bâzi rikeme taram e izia soŋaŋ â micne jazarâ muwec, "Ajoc, zi ficmaŋko razirâ jopaniŋ, moczi moc mi wisezejec." Iguc jazame soŋaŋ â micne jaŋe zikazi qâhâmoc-joparâ râpenao beheç-jopambiŋ. Erâ Baali nemu ufuŋ magne zâzâniŋ ira razirâ ²⁶ qâŋwâtufuŋ moc domawec i rorâ bawaha zoçko rikembiŋ. ²⁷ Ehuc Baali nemure qâŋ qâqâtâc â ufuŋ i hetâ qâtâtiepie sesucne fuarâ jawa mâreŋ ewec fokac jaha.

²⁸ Jehu e iguc hâcne ehuc Israe maŋnao Baali nemu hetâtie-fârewec. ²⁹ Erâ Jehu e iguc ehuc sifu Nebatere ŋokâ Jeroboam ere hehesic i mi râpeckewec. Jeroboam e hâcne Israe ŋic ejareme Bete haec â Daŋ haec bulimakao motecnere hawari golzi bakicne gepic ira hehesic bâfuambiŋ. ³⁰ Eme Wofuŋzi Jehu zɪŋuc, âzâcnewec: "Go nore zâŋe faio wiac sasawa etec bianke-fârewec â nore maŋko dâŋ fowec irec sâçko Ahabare kikefuŋ-fâc wiac ejaremeŋte qâricfâcge fua fepie arecne 4 eocmu jaŋe Israe ere gegeo ŋeŋzongopieŋ." ³¹ Erâ ine Jehu e Israe Wofuŋ Anutu ere sâcmutâc dâŋ i maŋticnezi sakarehuc ira mi ninipe-hâmowec. E Jeroboamzi Israe ŋic ejareme hehesic bâfuambiŋ, hehesic i mi râpeckewec.

³² Eme dâmeŋ ira Wofuŋzi fuŋkerâ Israe dâkâne gâcne râpec-jopawec. Iguc eme Haçaelezi Israe mâreŋ zɪŋuc irec rune bawahac-jopa-fârewec: ³³ Gileade â Gadenic jaŋere mâreŋ sasawa Jordaŋ opâonec domarâ zoaŋ wewefunaçpec rakac, erâ Ruber â Manase ŋic jaŋere mâreŋ i Aronoŋ opâo Aroe hae ŋekac irecnec fuŋkerâ raku Gileade â Basaŋ mâreŋko fisikac. ³⁴ Jehuzi wiac sasawa ebac ewec â tâpiri-ticnere fuŋne sasawa i Ŋicwofuŋ jaŋere Binaŋ Qâhâc papia qizeçko qâreŋke-fârekicne. ³⁵ Eme Jehu e apa ŋosafâc-ticne jaŋerao zuhuckehuc hâcome jaŋe fombiŋkoa Samaria haec duckembiŋ. Eme ŋokâ-ticne Joahazi eki tucticne qarâ ŋicwofuŋ juwec. ³⁶ Jehuzi Samaria haec ŋicwofuŋ iuhuc Israe ŋic qaŋeŋ-jopahuc juhame jara 28 tarawec.

Ataliazi Judare kikefuŋ jaŋere eri ŋeŋe ro rauc ewec

(Bin II, 22: 10 — 23: 21)

11 Atalia e ŋokâ-ticne Ahaziazi hâcome honerâ izia faharerâ ŋicwofuŋte garikiŋfâc jaŋe zengoma bâsirowec-jopawec. ² Ehame Ahaziare seŋ, ŋicwofuŋ Joramte otâ Joseba, eki Ahaziare ŋokâ Joasi e ŋicwofuŋte ŋokâfâc gâcne jopazo ehapie jaŋeraonec rorâ soŋaŋ-ticnehec guŋ fofo ficmaŋ mocko soŋjofawec. E iguc eme Ataliazi mi qâhâmowec. ³ Atalia e Juda mâreŋko ŋokacwofuŋ juhame motec e Wofuŋte ficko soŋkekicnere Josebahec jara 6 juwec.

⁴ Eme jara 7 ehame Jojadazi kiŋaŋ sorec-jopame ra Kari momori ŋic 100 â soŋaŋ jaŋere micnefâc rocjopapie Wofuŋte ufuŋko fisimbiŋ. Fisipie jaŋehec zâzâfic moc ehuc Wofuŋte ufuŋko mumupaŋko râec-jopahuc ŋicwofuŋte ŋokâ jowatuwec. ⁵ Ehuc zɪŋuc jaza mutâc ewec: "Ŋoŋe wiac zɪŋuc enzeŋieŋ: Guru moc sabata hombaŋko soŋaŋ juniŋte wareniŋmu ŋoŋe ŋicwofuŋte fic i soŋaŋkenzeŋieŋ. ⁶ Â guru moc ŋoŋe ine Suru sæcmotâçko domanzeŋieŋ â guru moc ŋoŋe ine motâçko soŋaŋ domaniŋmu jaŋere râpeo domanzeŋieŋ. Iguc ehuc ŋicwofuŋte fic i sacfozic

ecnenzepieŋ. ⁷ Ehame guru jajahec sabata hombaŋko gie tâmiric junigmu ŋoŋe ine Wofuŋte ufufko ŋicwofuŋ soŋaŋkenzepieŋ. ⁸ Ehuc zikare wiac meŋeŋicko fefâreme ŋicwofuŋ orâŋkerâ domanzeŋieŋ. Ehame ŋic izi me izi maic-ŋopame qanzeŋieŋ. Ŋoŋe iguc ehuc ŋicwofuŋzi juocmu sâc junzepieŋ.”

⁹ Eme momori micne jaŋe taha bapa Jojadazi mutâcne-jarewec irec sâc efârembiŋ. Ehuc micne jaŋe ŋicfâc-jeŋic sabata hombaŋko gie bapa dameŋ-jeŋic mi fowec jaŋe mecne â hombaŋko gie bapa dameŋ-jeŋic fowec jaŋe mâmâc jowac-joparâ taha bapa Jojadarao fisimbiŋ. ¹⁰ Fisipie taha bapa e ŋicwofuŋ Dawadire sându maro Wofuŋte ufufko fowec i rorâ momori micne jarewec. ¹¹ Jareme soŋaŋ jaŋe zikare wiac i meŋeŋicko fefâreme ufuf ŋifec â ŋifec, faic â juwic erâ alata mâmâc orâŋke-fârêrâ domambiŋ. ¹² Eme Jojada e ŋicwofuŋte ŋokâ jowa waharâ qizec-ticnao eri hendiŋ hecneme huwec. Iguc erâ sâcmutâc dâŋqâhâc râcnawec. Eme ŋicwofuŋ âkendâŋnerâ wokemaŋ ruacnembiŋ. Ehame jaŋe me pocpoc qahuc mumbiŋ, “Ŋicwofuŋ e jurazihuc juzejec sanaŋ!”

¹³ Eme Atalia e soŋaŋ â ŋic ŋokac jaŋere fânâŋ manarâ jaŋerao Wofuŋte ufufko raziwec. ¹⁴ Ehuc ziŋuc honewec: Ŋicwofuŋ âkendâŋ-jopakicne doma jumbieŋ irec sâcko ŋicwofuŋ e wâtuf heririŋko domawec, â momori micne â qeŋ qaqa ŋic jaŋe ŋicwofuŋte gâjoŋko domahapie mâreŋ irec ŋic ŋokac jaŋe sasawa kiwac qawaehuc qeŋ qambiŋ. Jaŋe iguc epie Atalia e ŋaqi qoruc-ticne bâsuckerâ owackehuc muwec, “Doc bapa, doc bapa.” ¹⁵ Iguc mume taha bapa Jojada e momori 100 jaŋere micne âkendâŋ-jopakicne jaŋe ziŋuc jazarâ muwec: “Momori ŋondenŋkonec bârârienieŋ. Ehuc ŋic i me i moczi bâjâpeme e wâc qâhâmozo.” Taha bapa e ziŋuc hâcne jazawec: “Ŋoŋe ŋokac e Wofuŋte ufufko zira mi qâhâmonzepieŋ.” ¹⁶ Iguc mume jaŋe mâc rorâ bara ŋicwofuŋte ficko Becâsic Motâcko fisirâ ira qâhâ-mombiŋ.

¹⁷ Eme Jojadazi ŋic ŋokac jaŋe Wofuŋte ŋicfâc erâ juiŋte Wofuŋ â ŋicwofuŋ erâ ŋic ŋokac jaŋere zâzâfic moc bâfuawec. Erâ ŋicwofuŋ â ŋic ŋokac jaŋere moc bâfuawec wâc. ¹⁸ Eme mâreŋ irec ŋic ŋokac jaŋe heâckerâ Baali nemure ufufko rarâ ufuf i heropiembieŋ. Ehuc alata â qâŋ qâqâtâc-ticne i henzaŋ qanzaŋne-fârembiŋ. Erâ Baali nemure taha bapa Mataŋ e alata gerawec irec maŋfuŋko qapie hâmwec. Iguc epie taha bapa Jojada e ruc bapa ŋic jaŋe Wofuŋte fic soŋaŋkenieŋte râec-jopawec. ¹⁹ Erâ momori micne â Kariŋic â soŋaŋ â ŋic ŋokac sasawa rocjopame Wofuŋte ufufkonec ŋicwofuŋ jowarâ asasai âtehuc soŋaŋ jaŋere motâcko fotâcnerâ ŋicwofuŋ ficko rambiŋ. Eme ŋicwofuŋ e eri ŋeŋe-ticne rorâ ŋewec. ²⁰ Iguc eme mâreŋ irec ŋic ŋokac jaŋe kiwac qawaembieŋ. Erâ ŋicwofuŋte ficko zikazi Atalia qapie hâmwome haezi fânâŋ tâmiric fowec.

²¹ Joasi e jara-ticne 7 bazurâ ŋicwofuŋ ewec.

Joasizi ŋicwofuŋ juwec

(Bin II, 24: 1-27)

12 Jehu e jara 7 ŋicwofuŋ juha Joasizi ŋicwofuŋ gie rorâ Jerusalem hao jara 40 juwec. Nengoc-ticne zâŋene Zibia e Bere-Seba haeonec.

² Joasi e taha bapa Jojadazi wiac sasawa âzâcne qazuc ewecte ebac eme

Wofuŋte zāŋe faio sâcke-fârewec. ³Erâ ine furu mâreŋ i mi imacke-fârekicne. Irec ŋic ŋokac jaŋe zuhuckerâ furu mâreŋko taha â hosâc âsu rike jumbienj.

⁴Eme Joasizi taha bapa zɨŋuc jazawec: "Moneŋ wiac irec me irec taha ufuŋko bafekicne me ŋic moczi wiac irec me irec moneŋ râeocte mukicne, me ŋic moczi e jahacne maŋte Wofuŋte ufuŋko bafisiocmu; ⁵taha bapa ŋoŋe ŋic manac-jopangopienj sâc ronzeŋienj. Ehuc moneŋ izi ufuŋte wiac i me i bâbâpiaŋkenere sâc ekac i honerâ bâpiaŋkenzeŋienj." ⁶Eme ŋicwofuŋ Joasi ere jara 23 tarame taha bapa jaŋe ufuŋ i sifu mi bâpiaŋkembienj. ⁷Irec ŋicwofuŋ Joasizi taha bapa Jojada â taha bapa gâcne hetumaŋ-joparâ zɨŋuc jazawec: "Ŋoŋe wemocte ufuŋ mi bâpiaŋkengopienj? Ŋoŋe âgofâc-ŋeŋic jaŋeraonec moneŋ mocwâc mi ronzeŋienj. Moneŋ i ufuŋ bâpiaŋkezo irec biŋe qanzeŋienj." ⁸Iguc jazame taha bapa jaŋe ŋic ŋokac jaŋeraonec moneŋ mocwâc mi ronienj maŋ mocjaha embienj. Erâ jaŋe ufuŋ i mi bâpiaŋkenienj manapie sâckewec.

⁹Eme taha bapa Jojada e katapa moc rorâ tapanao hawecne bâsurâ ŋic jaŋe Wofuŋte ufuŋko fec wahac ejumbienj ira fâreopec alata heririenj heme ŋewec. Ehame taha bapa motâc soŋaŋ domambienj jaŋe moneŋ Wofuŋte ufuŋko bafisikicne i rofârerâ ira râepie huwec. ¹⁰Eme dameŋ ira me ira katapao moneŋ bocjaha ŋeme honerâ ŋicwofuŋte qâqâreŋ ŋic â taha bapa fekicne jaŋe fisirâ Wofuŋte ufuŋko moneŋ ŋewec i woserâ kânogko ropie hume micne bândeŋne jumbienj. ¹¹Erâ moneŋ i honepie sâckeme gie soŋaŋ jaŋerao râepie jaŋe fic bapa ŋic ufuŋ ira gie bambienj jaŋe ¹²â qânâ rârâe â he qanzaŋ ee ŋic jaŋe gie furi jare jumbienj. Erâ moneŋ gâcne katapa â qânâ he qanzaŋ ekicne erâ wiac i me i Wofuŋte ufuŋ bâpiaŋkenienj basambienj ira rawec. ¹³Erâ Wofuŋte ufuŋko moneŋ bafisimbienj izi Wofuŋte biŋe siliwa râqâc me waha bâbâhâpo gunu me soc titie râqâc me qeŋ me gol â siliwa râqâc gâcne mi bambienj. ¹⁴Moneŋ i Wofuŋte ufuŋ bâbâpiaŋke â ŋic ira gie bambienj jaŋere biŋe sawa ewec. ¹⁵Jaŋe manapie sâckeha gie bambienj ŋic gie furi jarenienj moneŋ mejeŋicko râembienj jaŋerao fuŋnere mu wioc moc mi embienj. Jaŋe gie-jeŋic i aijakic jaha bambienj. ¹⁶Mâc kiŋ â sâqocne tâtâmire taha irec moneŋ i ine Wofuŋte ufuŋko mi bafisimbienj. Moneŋ izi ine taha bapa jaŋere biŋe ewec.

¹⁷Eme dameŋ ira Siria ŋicwofuŋ Hazaelezi ferâ Gati hao zika qahuc hae i rowec. Erâ Jerusalem hao zika qaocte fezo hata fuŋkewec. ¹⁸Ehame Juda ŋicwofuŋ Joasizi mamac apa ŋosafâcne Juda ŋicwofuŋ ranqane Josafata â Joram â Ahazia jaŋe wiac sasawa mumupaŋko râehuc bâtirimbienj i â e jahacne wiac tirine, erâ Wofuŋte ufuŋko â ŋicwofuŋ fictionere kânogko gol fowec i rorâ Siria ŋicwofuŋ Hazaelerao râeme rawec. Iguc eme Hazaele e Jerusalem hae i râpeckerâ rawec.

¹⁹Joasizi wiac sasawa ebac ewec i Juda ŋicwofuŋ jaŋere Binaŋ Qâhâc papia qizecko qâreŋke-fârekicne. ²⁰Joasi e jahacne kiŋaŋ qaqaŋ jaŋe rângeŋkecnehuc faharerâ Sila hao hata rakac ira Milore ficko qâhâmombienj. ²¹Erâ i kiŋaŋ qaqa jahec-ticne Simeatire ŋokâ Jozakari â Somerire ŋokâ Jozabada jahe qapire hâmwec. Hâmome apa ŋosafâcne jaŋerao zuhuckehuc Dawidire hae qizecko duckembienj. Ehame ŋokâ-ticne zâŋene Amazia eki tucticne qarâ ŋicwofuŋ juwec.

Joahazizi Israe ŋicwofuŋ juwec

13 Juda ŋicwofuŋ Ahaziare ŋokâ Joasi e ŋicwofuŋ jume jara 23 eha Jehu ŋokâ-ticne Joahazizi Samaria hao juhuc fuŋkerâ Israe ŋic jaŋere ŋicwofuŋ erâ jara 17 juwec. ²Ehuc Wofuŋte zâŋe faio wiac mama-kâcne ehuc Nebate ŋokâ-ticne Jeroboamzi Israe ŋic ejareme hehesic bâfuambij, hata i mi râpeckewec. ³Irec Wofuŋ e kimbeŋ-ticnezi Israe ŋic bâruŋke-jareha Siria ŋicwofuŋ Hazaele â ŋokâ-ticne, zâŋene Beŋhada, jahere meo zuzuhuc jaha râec-jopahuc juwec. ⁴Iŋuc eme Joahazi e Wofuŋ kio wâwâsic ecneme Wofuŋzi kio wâwâsic-ticne manawec. Wofuŋ e Siria ŋicwofuŋzi fific guguriŋ ejarewec i honewec hâcne. ⁵Ehuc bâbâfirie ŋic moc âkendâŋne-jareme eki Siria ŋic jaŋere meonec batarac-jopawec. Iŋuc ejareme Israe ŋic jaŋe juwicnao jumbij irec sâc hae-jeŋickoa jumbij. ⁶Erâ Jeroboam kikefuŋfâcne jaŋe Israe ŋic ejarepie hehesic bâfuambij i mi râpeckehuc hata ijaha âtembij. Erâ Asera nemure qâŋ qâqâtâczi Samaria hao zuhuckerâ ŋewec. ⁷Eme Joahazire momori bocjaha mocwâc mi jumbij. Momori ziŋuc sawazi jumbij: Becâsicko rara ŋic 50 â keretac 10 â kikezi rara ŋic 10 tauseng! Israe ŋic jaŋe Siria ŋicwofuŋzi jopahuc âtenzaŋ-jopakume rufe iŋucne embij hâcne. ⁸Eme Joahazizi wiac sasawa ebac ewec â tâpiri-ticnere fuŋne i Israe ŋicwofuŋ jaŋere Binaŋ Qâhâc papia qizecko qâreŋke-fârekicne. ⁹Eme Joahazi e hâmome apa ŋosafâcne jaŋerao zuhuckehuc Samaria hao duckembij. Ehame ŋokâ-ticne zâŋene Jehoasi eki tucticne qarâ ŋicwofuŋ juwec.

Jehoasizi Israe ŋicwofuŋ juwec

¹⁰Joasi e Juda ŋicwofuŋ jume jara 37 eha Joahazi ŋokâ-ticne Jehoasizi fuŋkerâ Samaria hao juhuc Israe ŋic jaŋe ŋicwofuŋ ejarewec. Erâ ŋicwofuŋ juhame jara 16 tarawec. ¹¹Erâ e wâc Wofuŋte zâŋe faio wiac mamakâcne ewec jaha. Ehuc Nebate ŋokâ-ticne Jeroboamzi Israe ŋic ejareme hehesic bâfuambij hehesic i mi râpeckehuc ijaha ehuc juwec. ¹²Erâ Jehoasizi wiac sasawa ebac ewec â tâpiri-ticnere fuŋne bataniŋkehuc Juda ŋicwofuŋ Amaziahec qaqa epic i Israe ŋicwofuŋ jaŋere Binaŋ Qâhâc papia qizecko qâreŋke-fârekicne. ¹³Eme Jehoasi e hâmome apa ŋosafâcne jaŋerao zuhuckehuc Israe ŋicwofuŋ jaŋe fombiŋkoa Samaria hao duckembij. Eme Jeroboamzi eri ŋege-ticnao ŋewec.

Elisazi mimic findaŋdâŋ muwec

¹⁴Elisa e huc bame hâmozo ehuc fohame Israe ŋicwofuŋ Jehoasizi erao hurâ ziŋuc muhuc kiowec: "Mamac-nane, mamac-nane! Israere keretac â becâsicko rara ŋic!" ¹⁵Iŋuc mume Elisazi ziŋuc âzâcnewec: "Tepe nengocne â motecne roc." Âzâcneme tepe nengocne â motecne rowec. ¹⁶Rome Elisazi Israe ŋicwofuŋ ziŋuc âzâcnewec: "Tepe âpârec." Iŋuc âzâcneme tepe âpârewec. Âpâreme Elisazi meticne ŋicwofuŋte me faio râewec. ¹⁷Ehuc muwec, "Zoŋ wewefunaopec qâqâtâc katan i motâc roc." Mume e iŋuc ewec. Eme Elisazi ziŋuc âzâcnewec: "Ajoc, qâtâcnec." Âzâcneme iŋuc ewec. Eme Elisazi muwec, "Wofuŋzi bafic-nâpooomu irec tepe motec, Siria mâreŋ bawahahuc bafic-nâpooomu irec tepe motec! Go Siria ŋic Afeke hao jopaku jopa miziecmu hâcne." ¹⁸Iŋuc murâ zuhuckerâ

muwec, "Tepe motec roc." Iguc mume rowec. Rome Israe ŋicwofuŋ ʒiguc âzâcnewec: "Tepe motec izi mâreŋ qac." Âzâcneme arec jahec â moc sawa qarâ behewec. ¹⁹ Iguc eme Anuture ŋic e Israe ŋicwofuŋ ere aarickeme muwec, "Go mâreŋ arec 5 me 6 qanzan. Go iguc etec muzac ine Siria ŋic jopaku jopa mizienzan. ʒi ine go Siria ŋic arec jahec â moc sawa jopacmu."

²⁰ Eme Elisa hânome duckembiŋ. Ehamē jara mocte magnaŋ ʒoan damē funkehame Moabi ŋic jaŋe Israe mâreŋko râsi fisimbiŋ. ²¹ Juku damē mocko ŋic gâcne jaŋe ŋic moc hânome duckezo ehuc juhapie râsi guru fisipie honec-jopambiŋ. Ehuc ŋic hâmocnere qânqân i Elisare nombânko behepie huwec. Eme qânqânzi hu Elisare siec heuwarâ izia qârêrâ fahare domawec.

²² Siria ŋicwofuŋ Hazaele e Joahazire damēŋko Israe ŋic fific guguriŋ mâretēc ejarewec. ²³ Ehamē Wofuŋ e honec-joparâ busâqoc mana-jarehuc buuruc qajarewec. E Abraham, Isaka â Jakobo jaŋehēc ʒâʒâfic ewec irec erâ moc mi bâsirowec-jopahuc jaŋehēc juwec. Me bebehec-jopa sanan i moc mi ewec hâcne. ²⁴ Juku Siria ŋicwofuŋ Hazaele e hânome ŋokâ-ticne Berghadazi tucticne qarâ ŋicwofuŋ ewec. ²⁵ Ehamē Hazaele ŋokâ-ticne Berghadazi Jehoasi mamac-ticne Joahazihec ʒika qahuc hae gâcne jâoc rowec i Jehoasizi mocwâc rowec. Jehoasi e arec jahec â moc Berghada ro waha âte ecnehuc Israe hae i mocwâc rowec hâcne.

Amaziazi ŋicwofuŋ juwec

(Bin II, 25: 1-28)

14 Joahazire ŋokâ Jehoasi e Israe ŋicwofuŋ jume jara jajahec eha Juda ŋicwofuŋ Joasire ŋokâ Amaziazi funkerâ ŋicwofuŋ ewec. ² E jara-ticne 25 bazurâ funkerâ ŋicwofuŋ ehuc jara 29 Jerusalem haeŋ juwec. Nengoc-ticne ʒânene Joadan e Jerusalem haeŋonec. ³ Amazia e Wofunte ʒânē faio wiac sasawa ebac eme sâcke-fârewec. Erâ ine apa-ticne Dawidire sâc wâc mâcne, e wiac gâcne ewec i mamac-ticne Joasizi ewec sâc ijaha ewec. ⁴ Erâ furu mâreŋ mi bârârie-fârewecte ŋic ŋokac jaŋe furu mâreŋkoa taha bâzi â hosâc âsu i rikehuc jumbiŋ jaha. ⁵ E ŋicwofuŋ ŋeŋe-ticnaŋ gesanaŋ-kehuc mamac-ticne ŋicwofuŋ juhamē qâhâmombiŋ, kiŋan qaqafâcne i jaŋe iguc jaha qâhâmoc-jopawec. ⁶ Ehuc Mosere sâcmutâc dânte papia qizecko Wofunte mumutâc dâŋ ʒiguc qâreŋkekiecne fokac irec sâcko mamac-ticne qambiŋ jaŋere qâricfâc mi qâhâmoc-jopawec: "Naru motec jaŋere erâ mamacfâc-jeŋic mi qâhâmoc-jopazo, me mamac jaŋere erâ naru motecfâc-jeŋic mi qâhâmoc-jopazo. Ŋic buc buc jaŋe jaŋacne sâqocnere erâ hâmon-ʒepieŋ."

⁷ Eme Amazia e mâreŋ ŋonden moc ʒânene Hâwec Wâneŋ ira Edomŋic 10 tausen qâhâmoc-joparâ Sela hae ro rauc ehuc ʒânene Joketele muwec. Eme ʒânē i damē ʒi fokac jaha.

⁸ Eme Amazia e Joahazire ŋokâ, Israe ŋicwofuŋ Jehoasi, Jehu ŋosa-ticne hâcne, eraŋ kiŋan sorec-jopahuc ʒiguc muwec: "Go waretec nâhâc tâpiri-nâhecte fune nowac gowatuŋ ezeperēc." ⁹ Iguc mume Israe ŋicwofuŋ Jehoasizi Juda ŋicwofuŋ Amaziarao dâŋ ʒiguc râeme rawec: "Lebanon mâreŋko ʒârâ moczi Lebanon mâreŋkoa jâmâzâc jâctao ʒiguc muhuc dâŋ râewec: 'Go otâge ŋokâ-nanere ŋonân eocte râecnec.' Iguc muhame

Lebanonj marenkonec jaha kâte qowi moczi fotâcnehuc zârâ i âtenzanewec. ¹⁰ Go jâmbomac Edomjic jopamenj; eme irec erâ manfece ekomec. Go eri qarawengere manatec sâckeha haegaoa juc. Go wemocte gahacne mecne â Juda kikefuŋ mecne ŋonje mâmâc jaha waha ŋopaocte suru jâinj ehuc bahac bâfuacmurâ giene bakomec?"

¹¹ Iguc mume Amazia e dân i mi manawec. Eme Israe ŋicwofuŋ Jehoasi e ferâ Amaziahec Juda hae moc zâŋene Bete-Semesi ira bâbâfuac erâ qaqac epic. ¹² Ehuc Israe ŋic jaŋe Judajic bawahac-jopapie wiserâ hae-jeŋic sâc rambij. ¹³ Eme Israe ŋicwofuŋ Jehoasizi Joasire ŋokâ, Ahazia ŋosa-ticne, Juda ŋicwofuŋ hâcne e Bete-Semesi haeo rorâ Jerusalem haeo barawec. Erâ haesac i 400 kubi irec sâc Eferaim Motâckonec heropieha raku Tuturuŋ Motâcko fisiwec. ¹⁴ Ehuc gol â siliwa â kuŋi râqâc wiac Wofunŋte ufunŋko fowec i mecne â ŋicwofunŋte ficko zeŋaŋ wiac fowec i mecne, erâ wâc ŋic ŋokac mecne mâmâc amec susuc-joparâ Samaria haeo risiewec.

¹⁵ Eme Jehoasizi wiac sasawa ebac ewec â tâpîri-ticnere fuŋne irec dân mecne erâ Juda ŋicwofuŋ Amaziahec qaqac epic irec binaj sasawa i mâmâc Israe ŋicwofuŋ jaŋere Binaj Qâhâc papia qizecko qâreŋke-fârekicne. ¹⁶ Juku Jehoasi e hâmome apa ŋosafâcne jaŋerao zuhuckerâ Israe ŋicwofuŋ jaŋe fombiŋkoa Samaria haeo duckembij. Ehame ŋokâ-ticne Jeroboamzi tucticne qarâ ŋicwofuŋ juwec.

¹⁷ Juda ŋicwofuŋ Joasi ere ŋokâ Amazia e Israe ŋicwofuŋ Joahazire ŋokâ Jehoasizi hâmome jara 15 zuhuckerâ juwec. ¹⁸ Eme Amaziâzi wiac sasawa ebac ewec irec binaj i Juda ŋicwofuŋ jaŋere Binaj Qâhâc papia qizecko qâreŋke-fârekicne. ¹⁹ Eme ŋic gâcne jaŋe Jerusalem haeo râsi rocnepie wiserâ Lakisi haeo rawec. Ehame kiŋaŋ sorec-jopapie Lakisi haeo rarâ ira qapie hâmowec. ²⁰ Hâmome becâsicko râerâ bara Dawidire hae qizecko Jerusalem ira apa ŋosafâc-ticne fombiŋkoa duckembij. ²¹ Ehuc Juda ŋic jaŋe ŋokâ-ticne Uzija jara-ticne 16 bazuwec, e rorâ mamac-ticne Amaziare tuc qarâ juocte ŋicwofuŋ âkendâŋnembij. ²² Eki hâcne ŋicwofuŋzi hâmome apa ŋosafâcne fombiŋkoa duckepie foha Elata hae barâ Judajic mocwâc bârisie-jarewec.

Jeroboamzi ŋicwofuŋ juwec

²³ Joasire ŋokâ Amazia e Juda ŋicwofuŋ jume jara 15 eha Israe ŋicwofuŋ Jehoasire ŋokâ Jeroboamzi fuŋkerâ Samaria haeo ŋicwofuŋ gie rorâ jara 41 ŋicwofuŋ juwec. ²⁴ Ehuc Wofunŋte zâŋe faio wiac mamakâcne ewec. E Nebatere ŋokâ Jeroboamzi Israe ŋic ejareme hehesic bâfuambij hehesic i mi râpeckewec. ²⁵ E Israere Wofuŋ Anutuzi kiŋaŋŋic-ticne Amitaire ŋokâ Jona, Gatehefe haeonec, erao dân muwec i denkeocte Israe ŋic jaŋere mâreŋ ma Hamati haeonec raku Araba Hâwecko* fisikac i mocwâc bârisie-jarewec. ²⁶ Wofuŋ e Israe ŋic jaŋere fific guguriŋ hâtâne i honewec hâcne. Ehame ŋic rambaŋko jujune me niŋgiŋko jujune jaŋeraonec moczi moc Israe ŋic babafic-jopare sâc mi juwec. ²⁷ Erâ Wofuŋ e mâreŋko Israe zâŋe biŋe bârârâŋneocte moc mi muwec, irec Jehoasire ŋokâ Jeroboam manacneham eki bafic-jopawec.

²⁸ Eme Jeroboamzi wiac ebac ewec â zika qawec â tâpîri-ticnere fuŋne erâ Damasko â Hamati hae i Judajic jaŋeraonec rorâ Israe ŋic bârisie-jarewec irec binaj i sasawa Israe ŋicwofuŋ jaŋere Binaj Qâhâc papia

*1 Hâwec Hâmocnere mukicne.

qizecko qârenke-fârekicne. ²⁹ Eme Jeroboam e apa ɲosafâc-ticne Israe ɲicwofuŋ jaɲerao zuhuckerâ hâmore ɲokâ-ticne ʒekariazi tucticne qarâ ɲicwofuŋ juwec.

Uɓijazi ɲicwofuŋ juwec

(Bin II, 2: 3-5, 16-23)

15 Jeroboam e Israe ɲicwofuŋ jume jara 27 eha Juda ɲicwofuŋ Amazia ɲokâ-ticne Uɓijazi fuŋkerâ ɲicwofuŋ ewec. ² E jara 16 bazurâ ɲicwofuŋ erâ Jerusalem haeo juhame jara 52 tarawec. Nenggoc-ticne ʒâɲene Jekolia, e Jerusalem haeonec. ³ Eme Uɓija e mamac-ticne Amaziazi ewec irec sâc jaha ehuc Wofuŋte ʒâɲe faio wiac ebac eme sâcke-fârewec. ⁴ Mocjaha, furu mâreŋ i ine mi bârârie-fârewec. Irece ɲic ɲokac jaɲe furu mâreŋko taha bâzi â hosâc âsu rikehuc jumbiŋ jaha. ⁵ Eme Wofuŋzi ɲicwofuŋ qame wicsanaŋ-hec jufekuhame hâmoc dameŋ-ticne maickewec. Eme e irec erâ bâtâcko ɲeɲe juju ewec. Ehame ɲokâ-ticne Jotamzi garikiŋfâcne jaɲere micne juhuc ɲic ɲokac qanɲeŋ-jopawec. ⁶ Uɓija e wiac sasawa ebac ewec i Juda ɲicwofuŋ jaɲere Binaŋ Qâhâc papia qizecko qârenke-fârekicne. ⁷ Juku Uɓija e apa ɲosafâcne jaɲerao zuhuckehuc hâmore jaɲe fombiŋkoa Dawidire hae qizecko duckembiŋ. Ehame ɲokâ-ticne Jotamzi tucticne qarâ ɲicwofuŋ juwec.

ʒekariazi ɲicwofuŋ juwec

⁸ Uɓijazi Juda ɲicwofuŋ jume jara 38 eha Jeroboamte ɲokâ ʒekariazi Israe ɲicwofuŋ ehuc mosa 6 Samaria haeo juwec. ⁹ Erâ e mamacfâc-ticne jaɲe ejumbien irec sâc jaha ehuc Wofuŋte ʒâɲe faio wiac mamakâcne ewec. Ehuc Nebate ɲokâ-ticne Jeroboamzi Israe ɲic ejaɲeme hehesic bâfuambiŋ i mi râpeckewec. ¹⁰ Ehame Jabesi ɲokâ-ticne Salumzi râsi ecnehuc lbeleam haeo qame hâmore tucticne qarâ ɲicwofuŋ juwec. ¹¹ Eme ʒekariazi wiac ebac ewec sasawa i Israe ɲicwofuŋ jaɲere Binaŋ Qâhâc papia qizecko qârenke-fârekicne. ¹² Wofuŋ e dâŋ ʒiɲuc muhuc Jehu mupaŋ-kecnewec i denke-fârewec: "Qâricfâcge fua fepie arecne 4 eocmu jaɲe Israere eri ɲeɲeo ɲenʒoŋgopieŋ."

Salumzi ɲicwofuŋ juwec

¹³ Uɓija e Juda ɲicwofuŋ jume jara 39 eha Jabesi ɲokâ-ticne Salumzi fuŋkerâ ɲicwofuŋ ehuc Samaria haeo mosa mocjaha juwec. ¹⁴ Ehame Gadi ɲokâ-ticne Menahemzi Tiriza haeonec Samaria haeo fisirâ Jabesi ɲokâ-ticne Salum qâhâmohuc tucticne qarâ ɲicwofuŋ ewec. ¹⁵ Eme Salumzi wiac ebac ewec â râsi fisiwec i sasawa Israe ɲicwofuŋ jaɲere Binaŋ Qâhâc papia qizecko qârenke-fârekicne. ¹⁶ Eme Menahemzi Tapua hae â maɲnao wiac sasawa fowec i mecne erâ rârec rârec mâreŋ forawec i mâmâc imacke-fârewec. Jaɲe haesac motâc mi rocnembiŋte iɲuc hâcne ewec. Erâ ɲokac kiwechec jaɲe sâqezi bujeɲic âke ropiewec.

Menahemzi ɲicwofuŋ juwec

¹⁷ Uɓija e Juda ɲicwofuŋ jume jara 39 eha Gadi ɲokâ-ticne Menahemzi

funđerâ ŋicwofuŋ ehuc jara 10 Samaria haeo Israe ŋic jaŋere ŋicwofuŋ ewec. ¹⁸ Ehuc Wofuŋte zâŋe faio wiac mamakâcne ewec. Erâ e juwec sâc Nebatere ŋokâ Jeroboamzi Israe ŋic ejareme hehesic bâfuambiŋ i mi râpeckewec. ¹⁹ Ehame Asiria ŋicwofuŋ Pulizi Israe mâreŋko râsi fisiwec. Fisime Menahemzi zŋuc manasuhuc siliwa moneŋ ŋemâc-ticne 1 tausenŋ râcnewec: Eki baficnume Israe ŋicwofuŋ jusanŋkezepac. ²⁰ Erâ Menahem e moneŋ i sasawa Asiria ŋicwofuŋ râcneocte Israe ŋic moneŋ mafa sâkohec jaŋeraonec ŋic buc buc siliwa moneŋ ŋemâc-ticne 50 sasawa jowac fowec. Irec Siria ŋicwofuŋ e mâreŋ ira mi juhuc risierâ rawec. ²¹ Eme Menahemzi wiac sasawa ebac ewec i Israe ŋicwofuŋ jaŋere Binaŋ Qâhâc papia qizecko qâreŋke-fârekicne. ²² Juku Menahem e apa ŋosafâc-ticne jaŋerao zuhuckerâ hânome ŋokâ-ticne Pekajazi tucticne qarâ ŋicwofuŋ juwec.

Pekajazi ŋicwofuŋ juwec

²³ Uzija e Judâ ŋicwofuŋ jume jara 50 eha Menahemte ŋokâ Pekajazi funđerâ Israe ŋicwofuŋ ehuc Samaria haeo jara jajahec juwec. ²⁴ Ehuc Wofuŋte zâŋe faio wiac mamakâcne ewec. Erâ Nebate ŋokâ-ticne Jeroboamzi Israe ŋic ejareme hehesic bâfuambiŋ, i mi râpeckewec. ²⁵ Ehame momorifâcne jaŋere micne Peka, Remaliare ŋokâ hâcne, e Gileade ŋic 50 jaŋe bafickepie Samaria haeoa ŋicwofuŋ fic sacsanaŋ-ticnehec ira Pekaja qâhâmorâ ekizia moc tucticne qarâ ŋicwofuŋ ewec. ²⁶ Eme Pekajazi wiac sasawa ebac ewec i Israe ŋicwofuŋ jaŋere Binaŋ Qâhâc papia qizecko qâreŋke-fârekicne.

Pekazi ŋicwofuŋ juwec

²⁷ Uzija Judâ ŋicwofuŋ jume jara 52 eha Remaliare ŋokâ Pekazi funđerâ Samaria haeo Israe ŋicwofuŋ juhame jara 20 tarawec. ²⁸ Ehuc Wofuŋte zâŋe faio wiac mamakâcne ewec. Erâ Nebatere ŋokâ Jeroboamzi Israe ŋic ejareme hehesic bâfuambiŋ i mi râpeckewec.

²⁹ Ehame Israe ŋicwofuŋ Pekare damenŋko Asiria ŋicwofuŋ Tigela-Pilesezi fisirâ Ijoŋ â Abe-Bete-Maka â Janoa â Kedesi â Hazoro â Gileade hae â Galilaia mâreŋ, erâ Naftali mâreŋ sasawa i raucke-fârewec. Ehuc ŋic ŋokac rocjoparâ Siria mâreŋko kâpâcwâru bacjopa rawec. ³⁰ Ehame Uzijare ŋokâ Jotam e ŋicwofuŋ jume jara 20 eha Ela ŋokâ-ticne Hoseazi Remaliare ŋokâ Peka râsi ecnehuc qâhâmorâ tucticne qarâ ŋicwofuŋ ewec. ³¹ Eme Pekazi wiac sasawa ebac ewec i Israe ŋicwofuŋ jaŋere Binaŋ Qâhâc papia qizecko qâreŋke-fârekicne.

Jotamzi ŋicwofuŋ juwec

(Bin II, 27: 1-9)

³² Remaliare ŋokâ Peka e Israe ŋicwofuŋ jume jara jajahec eha Judâ ŋicwofuŋ Uzijare ŋokâ Jotamzi funđerâ ŋicwofuŋ ewec. ³³ E jara 25 bazurâ funđerâ ŋicwofuŋ ehuc Jerusalem haeo jara 16 juwec. Nengoc-ticne zâŋene Jerusâ e Zadokore otâ. ³⁴ Jotam e mamac-ticne Uzija ere sâcko Wofuŋte zâŋe faio wiac sasawa ebac eme sâcke-fârewec. ³⁵ Furu mâreŋ ine mi, bârârie-fârewec, irec ŋic ŋokac jaŋe mâreŋ iŋucnao taha bâzi â hosâc âsu

rikehuc jumbiŋ jaha. Eme Jotamzi hâcne Wofunŋe ufuŋ irec motâc faicpec fowec i bawec. ³⁶ Jotamzi wiac sasawa ebac ewec i Juda ŋicwofuŋ jaŋere Binaŋ Qâhâc papia qizecko qâreŋke-fârekicne. ³⁷ Eme dameŋ ira fuŋkerâ Wofunŋi Siria ŋicwofuŋ Reziŋ â Remaliare ŋokâ Peka jahe Juda mâreŋko râsi fisinichte sorec-jofawec. ³⁸ Jotam e juku hâmomme apa ŋosafâcne jaŋerao zuhuckehuc jaŋe fombiŋkoa apa-ticne Dawidire hae qizecko duckembiŋ. Ehame ŋokâ-ticne Ahazizi tucticne qarâ ŋicwofuŋ juwec.

Ahazizi ŋicwofuŋ juwec

(Bin II, 28: 1-27)

16 Remalia ŋokâ-ticne Peka e ŋicwofuŋ gie bahuc jume jara 17 eha Juda ŋicwofuŋ Jotamte ŋokâ Ahazizi fuŋkerâ ŋicwofuŋ ewec. ² Erâ Ahazi e jara 20 bazurâ ŋicwofuŋ gie rorâ jara 16 Jerusalem haeo ŋicwofuŋ juwec. Ehuc apa-ticne Dawidizi wiac ewec irec sâcko mi ehuc Wofuŋ Anutu-ticnere zâŋe faio wiac ebac eme mi sâckewec. ³ E Israe ŋicwofuŋ jaŋere hata bâjâpewec. Ehuc ŋokâ-ticne qarâ taha bâzi rikewec. E Israe ŋic jaŋe ŋic gurune gurune jaŋere mâreŋko raziniŋte Wofunŋi mâreŋ rune jopa jâpec ejarewec jaŋere eebapa sâqocne i hâcne ewec. ⁴ Erâ furu mâreŋko â tiki faio erâ jâc dodomanere fuŋnao taha bâzi â hosâc âsu rikehuc juwec.

⁵ Ehame Siria ŋicwofuŋ Reziŋ â Remalia ŋokâ-ticne Israe ŋicwofuŋ Peka jahe Jerusalem haeo râsi fisirâ Ahazi somâckehuc bawahanichte eipiepic. ⁶ Dameŋ ira hâcne Siria ŋicwofuŋ Reziŋzi Judagi Elata haeonec jâpec-jopahuc hae i Edomŋic bâtikie-jarewec. Ehame Edomŋic jaŋe Elata haeo fisirâ jumbiŋzi dameŋ ziŋuczia juŋgopieg jaha. ⁷ Iguc epie Ahazizi Asiria ŋicwofuŋ Tigela-Pileserao kiŋaŋ sorec-jopahuc ziŋuc muwec: "No kiŋaŋ qaqa â ŋokâge. Irec go wefurâ Siria ŋicwofuŋ â Israe ŋicwofuŋ kisâ enarekopirec jahere meonec bataracnuc." ⁸ Ahazi e iguc murâ Wofunŋe ufuŋko â ŋicwofuŋ ficticnere kânongko siliwa â gol fowec i rorâ Asiria ŋicwofuŋ bubiaŋ qacnehuc râeme rawec. ⁹ Eme Asiria ŋicwofuŋ e Damasko haeo râsi fisirâ hae i rohuc hae rune rocjoparâ Kiri haeo bacjopa rawec â Reziŋ ine qâhâmowec.

¹⁰ Ehame ŋicwofuŋ Ahazi e Damasko haeo Asiria ŋicwofuŋ Tigela-Pilese bâfuaocŋe rarâ hae ira alata gewec i honewec. Ehuc alata irec hawari i sâcticnehec aimuŋ jaha bafârerâ taha bapa Uriarao râeme rawec. ¹¹ Eme Uria e ŋicwofuŋ Ahazizi Damasko haeo juhuc alatare mumutâc râecnewec irec sâcko ŋicwofuŋ e biac mi risiehame baku bafârewec. ¹² Eme ŋicwofuŋ e Damasko haeonec risierâ alata i honewec. Ehuc alata ira raferâ ¹³ qowi bâzi â nânâ bâzi rikewec. Erâ waiŋ hoŋkerâ wamare soc alata fainao tiwec. ¹⁴ Erâ aeg bâbâronzi Wofunŋe alata bakicne, Wofunŋe ufuŋ motâc maickehuc e jahacne alata â Wofunŋe ufuŋ ŋoŋonden-jekicko ŋewec i bârârierâ e jahacne alata faicnaopec hewec. ¹⁵ Ehuc ŋicwofuŋ Ahazi e taha bapa Uria ziŋuc muhuc sâcmutâc ecnewec: "Go alata sâko zirec faio furic bâzi â ŋafe bâzi rikezemec. Erâ ŋicwofunŋe qowi â nânâ bâzi rikehuc ŋic ŋokac jaŋere qowi â nânâ bâzi erâ waiŋ bâzi i mâmâc rikezemec. Erâ qowi bâzi rikecmu irec soc mecne â qowi taha bacmu irec soc i mâmâc alata faio tiezemec. Â aeg bâbâronzi alata bakicne i ine Wofuŋ mu wioc eecnere biŋe ŋenarezejec." ¹⁶ Eme taha bapa Uria e ŋicwofuŋ Ahazizi mutâcne newec i sasawa efârewec.

¹⁷ Eme ŋicwofuŋ Ahazi e keretac bakicne irec jâc wiac i hetâtierâ râqâc rorâ bârârie-fârewec. Erâ bulimakao hawari doma rambij jaŋere faio opâ râqâc sâko aen bâbârŋzi baple ŋewec i wâc bârârierâ hobeteng fowec qânâ irec faio râewec. ¹⁸ Erâ sabata hombarŋko rac warec eniŋte ufunŋko hata qagengne bupunehec bakicne i mecne erâ wâc ŋicwofunŋte motâc ufunŋ sahacnao fowec i mâmâc Asiria ŋicwofunŋzi maname sâckeocte Wofunŋte ufunŋkonec bârârie-fârewec. ¹⁹ Eme Ahazizi wiac sasawa ebac ewec irec binarŋ i Juda ŋicwofuŋ jaŋere Binarŋ Qâhâc papia qizecko qârenŋke-fârekicne. ²⁰ Eme Ahazi e hâmomme apa ŋosafâc-ticne jaŋerao zuhuckehuc jaŋe fombiŋkoa Dawidire hae qizecko duckembij. Ehame ŋokâ-ticne Hisikiaziz tucticne qarâ ŋicwofuŋ juwec.

Samaria hae hetâtiehuc Israe ŋic kâpâcwâru bacjopa rakicne

17 Ahazi e Juda ŋicwofuŋ jumejara 12 eha Ela ŋokâ-ticne Hoseaziz funkerâ Samaria haeo Israe ŋic jaŋere ŋicwofuŋ juhamejara 9 tarawec. ² Ehuc Wofunŋte zâŋe faio wiac mamakâcne ewec. Erâ i Israe ŋicwofuŋ bâbâni juwarembij jaŋere sâc wâc mi bâfuawec. ³ Ehame Asiria ŋicwofuŋ Salimanesezi râsi rocnehuc fisime Hoseaziz kiŋarŋ qaqa-ticne erâ juhuc moneng râcnehuc juwec. ⁴ Juku ine eeatuc gie bahuc kiŋarŋ sorec-jopame Aigita ŋicwofuŋ Soerao rambij, erâ jara sâc ejujec iŋuc ehuc Asiria ŋicwofuŋ moneng moc mi râcnewec; irec Asiria ŋicwofunŋzi funŋne-ticne iŋuc manahuc rorâ kâpâcwâru ficko râewec. ⁵ Asiria ŋicwofuŋ e iŋuc erâ Israe mârenŋ sâcke-fârehuc ro rauc eraku Samaria haeo fisirâ hae i somâckera fohuc juhamejara jahec â moc tarawec. ⁶ Eme Hosea e ŋicwofuŋ gie bahuc jumejara 9 eha Asiria ŋicwofunŋzi Samaria hae rorâ Israe ŋic Asiria mârenŋko bacjopa rawec. Ehuc Hala haeo â Gozarŋ mârenŋte opâ moc zâŋene Haboro ira erâ Medenŋic jaŋere hae sâko ŋerawec sâc ira mâmâc râec-jopa rawec.

⁷ Israe ŋic jaŋe Wofuŋ Anutu-ŋenŋiczi Aigita mârenŋko ŋicwofuŋ Faraore meonec batarac-joparâ bacjopa wefuwec e bunao bahuc sâqocne bambiŋte â nemu gâcne dape-jarembiŋte iŋuc fua-jarewec. ⁸ Erâ Israe ŋic jaŋe mârenŋ ira fisiniŋte Wofunŋzi ŋic gurune gurune jâpec-jopawec jaŋere sâcmutâc â eebapao ŋiŋkembij irec iŋuc fua-jarewec. Jaŋe iŋuc ehuc Wofuŋ Anutu-ŋenŋic nifepupu ecnembij hâcne. ⁹ Ehuc Wofuŋ Anutu-ŋenŋicte maio wiac kecziŋuc epie mi sâckewec: Hae-ŋenŋic sâc mârenŋ hepie feme mutirihuc furu murambij, erâ hae sacsanaŋ-ticnehec â zae wiac i wâc mutirimbij. ¹⁰ Ehuc nemu wâtunŋ â qâŋ qâqâtâc wiac furu mârenŋko â jâc dodomanere funŋnao râepie doma rawec. ¹¹ Iŋuc ehuc Wofunŋzi zâŋe fai-ŋenŋicko ŋic gurune gurune jopa jâpec ejarewec jaŋe mâsi ehuc jumbij irec sâc jaha ehuc Israe ŋic jaŋe mârenŋ iŋucnao hosâc âsu rike jumbienŋ. Wiac hehesicne iŋuc hâcne ehuc Wofuŋ marbâiŋ ecnembij. ¹² Ehuc qâŋ qâqâtâc jaŋere kiŋarŋ mi qaniŋte Wofunŋzi dâŋ ziŋuc jazawec i sifu mi manambij: “Ŋoŋe wiac zi mi enzeŋpieŋ.” ¹³ Erâ Wofuŋ e porofete â findanŋdâŋ mumu ŋic jaŋere micko dâŋ ziŋuc râehuc Israe â Judanŋic un sawarŋ ejarewec: “Ŋoŋe eebapa-ŋenŋic sâqocnaonec risierâ apa ŋosafâc-ŋenŋic sâcmutâc dâŋ mutâcne-jarepo â kiŋarŋ qaqaŋâc-nane porofete jaŋe ŋaza qazuc embij, sâcmutâc â mumutâc dâŋnane i ŋoŋe paŋnea bajunzeŋpieŋ.” ¹⁴ Iŋuc jazamejara jaŋe apa ŋosafâc-ŋenŋic jaŋe Wofuŋ Anutu mi manasiŋkembij irec sâc jaha dâŋticne

mi mamana maŋsanaŋ bāfuambij. ¹⁵ Ehuc apa ŋosafâc-ŋeŋic jaŋehec zâzâfic ewec â uŋ sawaŋ ejarewec i â mumutâc dāŋticne māmâc qikiŋnembij hâcne. Ehuc qāŋ qâqâtâc burecne mai ejarehuc burecŋic jaha embij. Erâ Wofuŋzi ŋic gurune gurune rârec-joparâ juhuc wiac ebac embij sâc ijaha enzipiŋte aka hejarewec i sifu huckembij. ¹⁶ Iguc ehuc Wofuŋ Anutu-ŋeŋicte sâcmutâc râpecke-fârerâ jaŋe jaŋac aeŋ wiac rike dockerâ bulimakao motecne jajahec jahere hawari ba akic embij â Asera nemure qāŋ barâ sambāŋko mosa bâpiŋ dape-jarembij, erâ Baali nemu wâc dapecnembij. ¹⁷ Iguc ehuc otâ ŋokâfâc-ŋeŋic joparâ taha bâzi rikec-jopambij. Ehuc Wofuŋte zāŋe faio hehesicko huutuckerâ Wofuŋ maŋbāiŋ ecnembij. ¹⁸ Irec Wofuŋzi Israe ŋic aaric mana-jarehuc zāŋe mai-ticnaonec bârârie- jopawec. Eme jaŋeraonec moczi moc mi jujâmbāŋkewec. Juda guru jaŋe sawa jumbij.

¹⁹ Erâ Judanŋic jaŋe wâc Wofuŋ Anutu-ŋeŋicte sâcmutâc dāŋ i paŋpaŋnea mi bajumbij. Ehuc Israe ŋic jaŋe eebapa gâcne bāfuambij ira ninipembij jaha. ²⁰ Iguc epie Wofuŋzi Israe qâricfâc sasawa qikiŋ-joparâ fific bacjopahuc ima bapa ŋic jaŋere meo rârec-joparâ juku zāŋe mai-ticnaonec bârârie- jopa-fârewec.

²¹ Wofuŋ e iguc ehuc Israe ŋic Dawidire kikefuŋkonec bârâc qârâwiŋ-jopame jaŋe Nebate ŋokâ-ticne Jeroboam ŋicwofuŋ âkendāŋnembij. Eme eki Israe ŋic fârec-jopame Wofuŋ râpeckerâ bahac sâko bāfuambij. ²² Ehuc Jeroboamzi wiac hehesicne ebac ewec i mi râpeckehuc ira qohota-fârembij. ²³ Iguc epie Wofuŋ e kiŋaŋŋicfâc-ticne porofete dāŋ jazawec irec sâcko Israe ŋic jaŋe zāŋe mai-ticnaonec bârârie- jopawec. Israe ŋic mâreŋ-ŋeŋic-konec rocjoparâ Asiria mâreŋko kâpâcwârû bacjopa rakicne jaŋe damenŋ zi juŋgopieŋ jaha.

Samaria mâreŋko ŋicguru gâcne jaŋe fisirâ jumbij

²⁴ Ehame Asiria ŋicwofuŋzi Israe ŋic jaŋere okacne Babe â Kuta, Awa â Hamati erâ Sefarawaim mâreŋkonec ŋic ŋokac rocjoparâ Samaria hae ŋerawec ira guruc-jopawec. Eme jaŋe Samaria mâreŋ rauckerâ hae ŋerawec ira jurambij. ²⁵ Erâ ira fisi juhuc Wofuŋ araŋ mi bacnembij. Eme irec Wofuŋzi laiŋ ejareme guru-ŋeŋicko fisirâ jaŋeraonec gâcne ki qâsuc ejarembij. ²⁶ Iguc ejarepie Asiria ŋicwofuŋ dāŋ ziŋuc âzâcnembij: "Ŋic gurune gurune goki rocjoparâ bacjopa ra Samaria hae ŋerakac sâc guruc-jopamenŋ jaŋe mâreŋ irec nemure sâcmutâc mi mananggopieŋ. Irec erâ nemuzi laiŋ ejareme guru-ŋeŋicko fisirâ ŋic ŋokac gâcne ki qâsuc ejaren-gopieŋ." ²⁷ Iguc âzâcnepie Asiria ŋicwofuŋzi dāŋ ziŋuc jazawec: "Ŋoŋe mâreŋ irecnec taha bapa bacjopa warekicne jaŋeraonec moc bârisiepie ra ijaha juhuc mâreŋ irec nemure sâcmutâc qazu-jarezejec." ²⁸ Iguc mume Samaria mâreŋkonec taha bapa bacjopa rakicne jaŋeraonec moczi mocwâc risierâ Bete haeo juhuc Wofuŋ araŋ bacnehuc juniŋte qazu-jarewec.

²⁹ Ehame ŋic gurune gurune jaŋe hae-ŋeŋic sâc jurahuc sifu nemuqāŋ barâ Samaria ŋic jaŋe furu mâreŋ barambij ira rârec-jopambij. ³⁰ Ehuc Babenŋic jaŋe Suko-Beno nemu araŋ bacnembij â Kutinŋic jaŋe Neregali nemu araŋ bacnembij â Hamati ŋic jaŋe ine Asima nemu araŋ bacnembij. ³¹ Â Awinŋic jaŋe nemu jahec-ŋeŋic Nibahazi â Taratac jahe araŋ bajactembij â Sefarawaim ŋic jaŋe wâc iguc jaha nemu jahec-ŋeŋic Adiramelec â Ana-

melec jahe araŋ bajactehuc naru motecfâc-jenŋic joparâ bâzi rike-jactembij.
³²Jaŋe iŋuc ehuc Wofuŋ wâc araŋ bacnerâ guru-jenŋickonec ŋic fuŋne fuŋne bâwosâec-jopapie jaŋe furu mârenŋe taha bapa juhuc ŋic ŋokac jaŋere erâ furu mârenŋo taha bâzi rike jumbienŋ. ³³Iŋuc ehuc ŋifec Wofuŋ araŋ bacne jumbienŋ â ŋifec ine mârenŋuŋ-jenŋicte eebapa i bâjâpehuc nemufâc-jenŋic kiŋaŋ qajare jumbienŋ jaha. ³⁴Erâ eebapa raŋqane i ziŋuczia bajungopienŋ jaha. Jaŋe Wofuŋ araŋ mi bacneengopienŋ, ehuc Wofuŋzi dâŋsanaŋ â mumutâc erâ sâcmutâc dâŋ Jakobo, zâŋe-ticne Israe muwec, ere qâricfâc jarewec i wâc mi reŋkeengopienŋ. ³⁵Wofuŋ e jaŋehec zâzâfic ehuc ziŋuc mutâcne-jarewec: "Ŋoŋe nemu gâcne araŋ mi bajarenzepienŋ, me mi dape-jarenzepienŋ, me kiŋaŋ qajarehuc taha bâzi wâc mi rike-jarenzepienŋ. ³⁶Ŋoŋe Wofuŋ e jahac tâpiri sâko-ticnao meticnezi bacŋopa wefuwec e sawa araŋ bacnenzepienŋ â e sawa fodapecnehuc taha bâzi rikecnenzepienŋ. ³⁷Ehuc dâŋsanaŋ â mumutâc â sâcmutâc dâŋ qâreŋke-ŋarewec i aimuŋ jaha soŋaŋkehuc ebac enzepienŋ. Ŋoŋe nemu gâcne araŋ mi bajarenzepienŋ. ³⁸Erâ ŋoŋehec zâzâfic epo irec mi nŋic-ŋopazejec. Ŋoŋe nemu gâcne araŋ mi bajarenzepienŋ. ³⁹Ŋoŋe Wofuŋ Anutu-ŋenŋic no araŋ banarepie kisâfâc-ŋenŋic jaŋere meonec batarac-ŋopapemu." ⁴⁰Iŋuc jazame jaŋe sifu eebapa raŋqa-jenŋic i ebac ehuc Wofuŋte dâŋ mi manambij.

⁴¹Ŋic guru i jaŋe iŋuc ehuc ŋifec Wofuŋ araŋ bacnembij â ŋifec ine nemuqâŋfâc-jenŋic kiŋaŋ qajarembij. Ehame qâricfâc-jenŋic jaŋe apa ŋosafâc-jenŋic jaŋe embij irec sâc jaha embijzi ehuc juŋgopienŋ jaha.

Hisikiazi ŋicwofuŋ juwec

(Bin II, 29: 1-2)

18 Elare ŋokâ Hosea e Israe ŋicwofuŋ jume jara jahec â moc eha Juda ŋicwofuŋ Ahazire ŋokâ Hisikiazi fuŋkerâ ŋicwofuŋ ewec. ²E jara 25 bazurâ ŋicwofuŋ gie rorâ jara 29 Jerusalem haeo juwec. Nengoc-ticne zâŋene Abia e Zeŋariare otâ. ³Hisikia e apa-ticne Dawidizi ewec irec sâc jaha ehuc Wofuŋte zâŋe faio wiac sasawa ebac eme sâcke-fârewec. ⁴Erâ furu mâreŋ bârârie-fârerâ nemu wâtuŋ â Asera nemure qâŋ qâqâtâc wiac i henzaŋ qanzaŋne-fârewec. Erâ Israe ŋic jaŋe Mosezi aenŋ bâbârŋzi homa hawari bawec e hosâc âsu rikecne jumbienŋte iŋuc jaha qanzaŋnewec. Homa hawari irec zâŋe Nehusitaŋ mujumbienŋ. ⁵Hisikia e Israere Wofuŋ Anuturao rowecke-jâmbâŋkewec. Irece Juda ŋicwofuŋ ere juwicnao juwarembij me ere faicnao juŋfembij jaŋeraonec e iŋucne moc mi juwec. ⁶E Wofuŋtao qohota sanâkewec. Ehuc Wofuŋzi Mose sâcmutâc dâŋ mutâcnecewec i aimuŋ jaha soŋaŋkewec. ⁷E iŋuc eme Wofuŋzi ehec juha wiac i me i ebac ewec sâc fârio qafârewec. E Asiria ŋicwofuŋ maŋrâŋŋenŋ bâfuacnehuc kiŋaŋ mi qacnewec. ⁸Erâ Filisa ŋic imac-jopa raku Gaza hae mârenŋo fisirâ zae â hae sacsanaŋ-ticnehec i mâmâc ima bafârewec.

Samaria hae tâtiawec

⁹Elare ŋokâ Hosea Israe ŋicwofuŋ jume jara 7 ewec â Hisikia e Juda ŋicwofuŋ jume jara 4 ewec dameŋ ira Asiria ŋicwofuŋ Salimanesezi Samaria hae rasi rocnehuc fisirâ hae i somâckewec. ¹⁰Somâckerâ fokuhame jara jahec â moc tarama hae rowec. Hosea e Israe ŋicwofuŋ

jume jara 9 ewec â Hisikia e Juda ŋicwofuŋ jume jara 6 ewec damen ira hâcne Samaria hae rokiŋe. ¹¹Eme Asiria ŋicwofuŋzi Israe ŋic mâren-
-ticnao bacjopa rarâ Hala haeo mecne â Gozan mârenŋe opâ moc zâŋene
Haboro ira mecne erâ Medenŋic jaŋere hae ŋerawec ira mâmâc râec-jopa
rawec. ¹²Jane Wofuŋ Anutu-ŋenŋicte dâŋ qatarahuc zâzâfic-ticne hetâcnem-
biŋ, erâ Wofuŋte kiŋaŋŋic Mosezi wiac sasawa mutâcne-jarewec i mana
reren mi ehuc qâsua-fârembiŋte iŋuc hâcne ejarekiŋe.

Sanheribezi râsi fisiwec

(Bin II, 32: 1-19; Jes 36: 1-22)

¹³Hisikia e ŋicwofuŋ jume jara 14 eha Asiria ŋicwofuŋ Sanheribe eki râsi
fisirâ Juda hae basanagkekiŋe sasawa ro rauc ewec. ¹⁴Iŋuc eme Juda
ŋicwofuŋ Hisikiazi Lakisi haeo Asiria ŋicwofuŋtao dâŋ râehuc zŋuc
muwec: “No wiac epe sâqorewec, irec sifu behecnurâ rac. Go ŋemâc i me i
depemurâ munaretac depemu.” Iŋuc mume Asiria ŋicwofuŋ e Juda ŋic-
wofuŋ Hisikiazi siliwa moneŋ ŋemâc-ticne 300 â gol ŋemâc-ticne 30
râcneocte mucnewec. ¹⁵Eme Hisikia e Wofuŋte ufungko â ŋicwofuŋ
ficticnere kânŋko siliwa fowec i râcne-fârewec. ¹⁶Erâ damen ira Juda
ŋicwofuŋ Hisikia e Wofuŋte ufung motâcko erâ e jahacne ficmotâcne
wâtungko gol qorockekiŋe fowec i bâhockerâ Asiria ŋicwofuŋ râcnewec.
¹⁷Eme Asiria ŋicwofuŋ e Lakisi haeo ŋehuc Taratan â Rabasarisi erâ
Rabasake momori guru dindinhec sorec-jopame raku Jerusalem haeo
Hisikiarao fisimbiŋ. Fisirâ faicpec riŋicte opâwâc qoruc qaqajac ŋic ere
mâren herirignao hata fokac ira domambiŋ. ¹⁸Ehuc ŋicwofuŋte mupie ŋic
micne zŋuc jaŋe fisimbiŋ: Ŋicwofuŋ fichte micne sâko Eliakim, Hilikiare
ŋokâ hâcne, â qâqârenŋic ŋic Sebena erâ Asafare ŋokâ Joa micne sâko-ŋenŋic
hâcne.

¹⁹Eme Rabasakezi zŋuc jazawec: “Hisikia âzâcnenŋic, ŋicwofuŋ sâko,
Asiria ŋicwofuŋ hâcne, e zŋuc mukac: ‘Zi wemo wiaczi dapeŋ egareha
roweckehuc jueki?’ ²⁰Go manatec dâŋ sawazi zikare mamana â tâpiri
bâfuacmu ekac me? Go morao roweckehuc no râpecnumen? ²¹Ojai, go
kâcbin gunu herickekiŋe keci, Aigita hâcne, erao roweckekomec; eme
gunu ira roweckeenŋopien jaŋe mejenŋic âke mârânkeekac i. Eme Aigita
ŋicwofuŋ Farao e ŋic sasawa erao roweckeenŋopien jaŋe iŋuc hâcne
ejareekac. ²²Go zŋuc mecne nazacmu, “Nâŋe Wofuŋ Anutu-nâŋec erao
roweckeenŋopenenŋic.” Hâc, eme wenŋuc? Hisikia e furu mâren â Wofuŋ
taha babacnere alata wiac ŋerawec i bârâriehuc Juda â Jerusalem ŋic zŋuc
jazawec, “Ŋonŋe Jerusalem haeo alata kecziŋec manŋungko sawa dapehuc
numunzeŋienŋic,” Wofuŋ Anutu ere mukomec me? ²³Ajoc, bomboŋ-nane,
Asiria ŋicwofuŋ hâcne, ehuc fuŋne babatanŋic gie banic me! Eme honenŋic:
No becâsic 2 tausenŋic garepemu, goki ine becâsicko rara ŋic irec sâc jaha
sâcne bâfuac-jopacmu me wenŋuc? ²⁴I eiŋiehuc ine wemocko bomboŋ-
-nanere kiŋaŋŋic wawahane jaŋeraonec momori micne mocjaha mac sâcne
jâpetec risieocmu? Eme go iŋucnezi ine keretac â ŋic becâsicko rarare
Aigita jaŋerao zâŋe fihuc jueki! ²⁵Me wenŋuc? No Wofuŋzi mi mana-
-hareha mâren zi râsi ecnehuc ima qapemurâ wefupo me? Aricne, Wofuŋ e
zŋuc nazawec: Go ferâ mârenŋic keci râsi ecnehuc ima qazemec.”

²⁶Eme Hilikiare ŋokâ Eliakim â Sebena â Joa jaŋe Rabasake zŋuc

âzâcnembiŋ: “Kiŋaŋŋicfâcge nâŋe Aramaio dâŋko dâŋ nâzâzemec, nâŋe dâŋ i sâcne manangopeneg; ŋic ŋokac qânâsacko ŋengopieŋ jaŋere maio nâŋehac Hebiraio dâŋko muc manac mi ezemec.” ²⁷ Rabasakezi ine muwec: “Hâc, dâŋ bajukopac i bombon-nanezi ŋoŋe â bombon-ŋeŋic ŋoŋe sawa ŋazapemurâ sorecnuwec me? Aricne, e ŋic qânâsacko ŋengopieŋ â ŋoŋehac mâmâc ho fâzi-ŋeŋic nânigte mukicne jaŋerao mâmâc mupemurâ sorecnuwec.”

²⁸ Rabasakezi iguc murâ ra mai domahuc Hebiraio dâŋko hahagne bahuc zŋiguc muwec: “Ŋicwofuŋ sâko, Asiria ŋicwofuŋ hâcne, ere dâŋ mananiŋ! ²⁹ Eki zŋiguc mukac: ‘Ŋoŋe Hisikia manacnepie mi eatuc-ŋopazejec, e nore meonec batarac-ŋopaocte tâpiri mi focnekac. ³⁰ Erâ zŋiguc muhuc Wofuŋtao roweckenigte gazame mi mananzepieŋ wâc: Wofuŋ e jâmbomac batarac-nâpoocmu, ehuc hae sâko zi Asiria ŋicwofuŋte meo feocte mi manaoctu.’ ³¹ Asiria ŋicwofuŋzi zŋiguc mukacte Hisikia dâŋticne mi mananzepieŋ: ‘Ŋoŋe nohec wama babac erâ haeonec wahanzebieŋ; iguc erâ ŋoŋe sasawa ŋaŋacne waiŋ â nemuja nâhuc junzebieŋ, erâ opâ i ŋaŋacne nombâŋkonec fiarâ nâhuc junzebieŋ wâc. ³² Iguc ehuc juhapie noni fâ fisirâ mâreŋ mocko jowac-ŋopa rapemu, mâreŋ i ŋaŋacne mâreŋ igucne, ira padi mecne, waiŋ mecne, nânâ mecne, waiŋ gie mecne oliwa jâc mecne â baŋac mâmâc forakac hâcne. Irec ŋoŋe ira mi hâhâmo jurazihuc junzebieŋ. Eme Hisikiazî eatuc-ŋopahuc zŋiguc mume mi mananzebieŋ: Wofuŋzi batarac-nâpoocmu. ³³ Ŋicguru gâcne jaŋere nemuzi mâreŋ-ŋeŋic Asiria ŋicwofuŋ ere meonec moc batarambiŋ me? ³⁴ Hamati â Arapada hae jahere nemufâc weni? Sefarawaim â Hena erâ Iwa hae jaŋere nemu jaŋe weni? Â Samaria mâreŋte nemufâc jaŋe weni? Jaŋe Samaria nore meonec moc batarambiŋ me? ³⁵ Me mâreŋ irec nemu sasawa jaŋeraonec mozi mâreŋ-ticne nore meonec batarawecte Wofuŋzi Jerusalem hae nore meonec bataraocte muŋgopieŋ?’”

³⁶ Jaŋe ine mâc fâsâerâ domahuc dâŋ moc mi bâtikiecnembiŋ, i ŋicwofuŋte dâŋ moc zŋiguc fowecte iguc embiŋ: “Ŋoŋe dâŋ moc mi bâtikiecnenzebieŋ.” ³⁷ Eme Hilikiare ŋokâ Eliakim, ŋicwofuŋ fichte micne juwec, e â qâreŋŋic Sebena erâ Asafare ŋokâ, micne sâko Joa hâcne, jaŋe ŋaqi-ŋeŋic bâsuckerâ Hisikiarao risierâ Rabasakezi dâŋ muwec irec binag bacnembiŋ.

Judaŋic Sanheribe ere meonec batarac-jopakicne

(Bin II, 32: 20-23; Jes 37: 1-38)

19 Eme ŋicwofuŋ Hisikia e dâŋ i manarâ ŋaqi-ticne bâsuckerâ târuzi mateŋ heme hume Wofuŋte ufuŋko fewec. ² Erâ ŋicwofuŋ fichte micne Eliakim â qâreŋŋic Sebena erâ taha bapa kâcŋene sasawa jaŋe wâc târuzi mateŋ hepie hume Amozire ŋokâ, porofete Jesaja hâcne, erao sorec-jopame rambiŋ. ³ Rarâ âzâcnembiŋ: “Hisikiazî zŋiguc mukac: Ŋoan zizi fuŋmoc, fific guguriŋ â bâbâtiŋ erâ miminehec, erâ naru motec fuazo ehapie ŋokac jaŋe rocjopanigte eipiengopieŋ irec sâc. ⁴ Rabasake e Anutu jujune musorigkeocte bombon-ticne, Asiria ŋicwofuŋ hâcne, eki soreme ware dâŋ muwec sasawa i Wofuŋ Anutugezi manawec mecne; manawecko mume okacne fuacnezejec. Irec go ŋic nâfocne juŋgopieŋ jaŋere erâ numuzemec.” ⁵ Eme ŋicwofuŋ Hisikia kiŋaŋŋicfâcne jaŋe Jesajarao ftsirâ ⁶ dâŋ âzâcnepie Jesajazî zŋiguc jazawec: “Bombon-ŋeŋic âzâcneniŋ,

‘Wofuŋzi zɪŋuc mukac: Asiria ŋicwofuŋ kiŋaŋŋicfâcne jaŋe musoriŋnuhuc dâŋ mupie manameŋ irec mi hâwicguzejec. ⁷Manakic, no maŋ bâsifuc ecnepemu eme sawadâŋ manarâ mâreŋ-ticnao risiezejec, risieme mupe e jahacne mâreŋko zikare nânâ ezejec.’”

⁸ Asiria ŋicwofuŋzi Lakisi hae biac behewec, Rabasake e risiehuc dâŋ iŋuc manarâ ra Libina hae rune jaŋehuc qaqaac eha bâfuawec. ⁹ Asiria ŋicwofuŋ e Etiopia ŋicwofuŋ Tirihaa ere dâŋ biŋe zɪŋuc manawec: “Manakic, e gohec zika qaocce biac warehuc jukac.” Eme Hisikiarao zɪŋuc muhuc kiŋaŋ râec-jopame rambiŋ: ¹⁰ “Ŋoŋe Juda ŋicwofuŋ Hisikia zɪŋuc âzâcneniŋ: ‘Anutugezi mi eatucguzejec; go erao roweckehuc zɪŋuc mukicte mukopac: Jerusalem haezi Asiria ŋicwofuŋ ere meo mi feocmu. ¹¹ Manakic, Asiria ŋicwofuŋ jaŋe mâreŋ sâc wiac qacne gâpâcne ejarehuc sipiric-jopambiŋ i go gahac biŋene manameŋ. Irec go wemocko sisipiriczi hetiricguocmu? ¹² Me mamacfâc-nane jaŋe ŋic gurune gurune bâsirowec-jopambiŋ i jaŋere nemuzi moc bafic-jopambiŋ me? Ine Gozaŋ, Harâŋ, Rezeŋe â Eden hae rune Telasa mâreŋko jumbiŋ jaŋere mukopac. ¹³ Me Hamati â Arapada â Sefarawaim â Hena â Iwa hae i jaŋere ŋicwofuŋ jaŋe weni?’”

¹⁴ Eme Hisikia e kiŋaŋ fisimbiŋ jaŋere meonec papia rorâ wosehuc Wofuŋte ufufko ferâ Wofuŋte maio qaratiwec. ¹⁵ Qaratierâ zɪŋuc muhuc Wofuŋ numucnewec: “Anutu Tâpiri Quŋqasaŋ Wofuŋ, Israere Anutu, go kerubim jaŋere faicnao gehuc juekic, go mocjahazi mâreŋ biŋne biŋne jaŋere Anutu, goki hâcne sambâŋ â mâreŋ bâfuac-jofameŋ. ¹⁶ O Wofuŋ, go hazec râerâ manac; o Wofuŋ, zâŋe firâ honec; erâ Sanheribezi Anutu jujune go musoriŋguocce dâŋ râeme warewec i mana-fârezemec. ¹⁷ O Wofuŋ, Asiria ŋicwofuŋ jaŋe jâmbomac biŋne biŋne mâreŋ-jebiŋhec imac-jopambiŋ. ¹⁸ Ehuc nemu qâŋ qâqâtâcfâc-jeniŋ i zocko beheç-jopapie zacjopa-fârewec; jaŋe nemu fârine aricne, jaŋe jâc â qânâ, biŋmezi ba akic ekicne hâcne; irec bâsirowec-jopaniŋte mi eipiambiŋ. ¹⁹ O Wofuŋ, Anutu-nâŋec, zi ine ere meonec batarac-nâpoc, eme mâreŋ biŋ gurune gurune jaŋe gore zɪŋuc mana taranzeŋeŋ: Wofuŋ e mocjahazi Anutu.”

²⁰ Eme Jesaja, Amozire ŋokâ hâcne, e Hisikiarao dâŋ zɪŋuc râeme rawec: “Wofuŋ Israere Anutu eki zɪŋuc mukac: Go Asiria ŋicwofuŋ Sanheribe ere numu-naremeŋ. ²¹ Irec Wofuŋ no ere dâŋ zɪŋuc mukopac:

“Ŋokac zeŋoŋ, Zionte otâ hâcne,
e qaisocguhuc mu âke sisic egarekac,
â Jerusalemte otâ eki râpefufuŋgao gâwie-garekac.

²² “Go mo âke sisic ecnemeŋ â mo sâke itic ecnemeŋ?
Go mo musoriŋkehuc penaroŋ zâŋe fitec fewec?
Israere Tiri rune no hâcne iŋuc enaremeŋ!

²³ Go kiŋaŋŋicfâcge jaŋere micko dâŋ râehuc
Wofuŋ no musoriŋnumeŋ, ehuc mumeŋ,
‘No keretac-nane bocjahare tiki botâŋne fefârepo,
erâ Lebanon qanernao fisipo.
No jâmâzâc-ticne zorice zora
â wetejâc-ticne biarne i qafarapo;
no tiki-ticne zorice zora fejâmbâŋkepo
â jâckâte-ticne fârine ira wâc hupo.

²⁴ No nombân rope opâ fuame nâpo,
erâ kike tape-nanezi Aigita mârenge opâ sâko sasawa
âtec-jopape kereŋ senŋenkembij.

²⁵ "No iŋuc fuaocŋe eŋecne manape fowec
â mârâc sasac jaha mana biric epo i go mi manameŋ me?
Ŋi ine mupe fuakac,
eme go hae sanan ima bacjopatec tuhu fuazejec.

²⁶ Ŋecjuŋcâc-ticne jaŋe ine tâpiri-jeŋic wahame
fâfârehuc qurutuambij,
jaŋe gieo monzan wiac â kecqan geune
erâ wâc ficbupuo hoŋâ qinŋin luarâ soka sokahuc
jaha ururuckeekac, irec sâc embij.

²⁷ "Go waha ŋeekic me fahare raekic me ware fisiiekic
i no manaekopac,
erâ kimben qahuc râsi enarehuc juekic
i kâuc mi baekopac wâc.

²⁸ Go râsi enarehuc jukicte
â pepec penarongere biŋe hazec-naneo huwecte
no hawic-nanezi sâkegao hehawicguhuc
micko kiki-nane micgao râepe razime
hata waremen ijaha egarepe risie razemec.

²⁹ "Hisikia go ine wiac kecŋiŋuczi ma egarezejec: Jara zirec maŋnao wiac
sasawa e jahac fuakac i nânzeŋien, jara faicnao sâc ijaha enzeŋien, erâ
jara namba 3 ira ine ŋoge ŋanac he sarac â qa roro enzeŋien, ehuc waŋ
gie sarapie fârine fuame nânzeŋien. ³⁰ Eme Juda kikefuŋte zikare nâfocne
junimmu, ŋic zanŋagne hâcne, jaŋe juwicpec gâtâ mocwâc baniŋmu â faic-
pec fârine bâfuanimmu. ³¹ Eme Jerusalem haeonec ŋic zanŋagne â Zion
tikionec zikare nâfocne jaŋe ŋeratierâ junimmu hâcne. Wofuŋ nore zoqaczi
wac iŋuc bâfuaocmu.

³² "Irec Wofuŋ no Asiria ŋicwofuŋte zŋuc mukopac: E hae kecziŋec
maŋnao mi wefuzejec, ehuc tepe wâc qâtâcneme maŋnao mi fisizejec, erâ
marohec warerâ sac huckeocŋe zae mi bazejec. ³³ E hae zirec maŋnao moc
mi wewefu hata ware fisiweckoa risiezejec, Wofuŋ nore dâŋ iŋuc. ³⁴ Iŋuc
ecnehuc no nahacnere â kiŋanŋic-nane Dawidi ere erâ hae ŋi ŋezickehuc
râsire meonec batarapemu."

³⁵ Eme Asiria momori jaŋe teŋ-jeŋicko tumannerâ ŋehapie Wofuŋte
aŋelozi ŋafe ira fua-jarerâ ŋic 185 taŋen qâhâmoc-jopawec, eme hae
fureme ŋic gâcne jaŋe faharerâ mi qânqân sasawa forapie honec-jopan-
zeŋien i! ³⁶ Iŋuc fuame Asiria ŋicwofuŋ Sanheribe e hae i beherâ mâren-
ticnao risie rawec erâ Niniwe haeo ŋec juc ewec. ³⁷ Eme ira dameŋ mocko
nemu-ticne Nisiroka ere ufunŋko numuhuc juhame ŋokâ jahec-ticne
Adiramelec â Sareze jahe zikazi qâhâmopic. Eme Ararata mârenko wiŋepire
ŋokâ-ticne Esahadon eki tucticne qarâ ŋicwofuŋ juwec.

Hisikia hucsâko bawec*(Bin II, 32: 24-26; Jes 38: 1-22)*

20 Dameŋ ira Hisikia e hucsâko bame hâmozo ewec. Ehame Amozire ŋokâ, porofete Jesaja e erao fisirâ zɔŋuc âzâcnewec: “Wofuŋ e zɔŋuc mukac: Go wiacfâcge mâzoc-joparâ zawiec, go qiqic mocwâc mi qahuc hâmo-jâmbâŋkecmu hâcne.” ²Iɲuc mume Hisikiazɪ sâpeopec forisierâ Wofuŋ wira wâwâsic ecnewec. ³Ehuc zɔŋuc muwec: “O Wofuŋ, no gore maio siocmâc â manhâcbuc jupo, ehuc goki manatec biagkeekac i hâcne ebac epo, go irec manasuc mac!” Hisikia e iɲuc murâ ki kâcqene kiowec. ⁴Eme Jesaja e hae zoŋa zâzâŋiŋ i mi behehame Wofuŋte dâŋzi erao zɔŋuc fuawec: ⁵“Go risierâ ŋic ŋokacfâc-nane jaŋere fekicne Hisikia zɔŋuc âzâcne: Apage Dawidire Wofuŋ Anutu e dâŋ zɔŋuc mukac: No nunumuge â kiuuge i hone manac ekopac. Manakic, no qiqicne bacgupe; zoaŋ gie bapa jahec â moc tarame go Wofuŋte ufufko fecmu. ⁶Eme no jara 15 mocwâc zuhucke-garepemu. No go â hae zirec rune ŋoŋe Asiria ŋicwofuŋte meonec batarac-ŋopapemu. Erâ no nahacnere â kiŋaŋŋic-nane Dawidire erâ hae zi ŋezickepemu.” ⁷Eme Jesajazi muwec, “Jâmba poroŋ bawarerâ wiczâhâcko râepie qiqic qazejec.”

⁸Iɲuc mume Hisikiazɪ Jesaja zɔŋuc wiocnewec: “No Wofuŋzi bâpiaŋnume zoaŋ gie bapa jahec â moc tarame Wofuŋte ufufko fepemu irec ma i wemo wiac jaha fuaocmu?” ⁹Iɲuc wiome Jesajazi muwec, “Wofuŋ e mupaŋkewec irec sâc eraonec wemo ma moc gorao fuaocte mukic? Nâkumuczi zuhuckerâ zoraocte me risierâ bembengeocte mukomec?” ¹⁰Iɲuc mume Hisikiazɪ muwec, “Nâkumuczi zoraocmu i wiac afecnè, irec sifu bembengezejec.” ¹¹Iɲuc mume porofete Jesajazi Wofuŋ wâsickewec. Iɲuc eme Wofuŋzi nâkumuc bâmbembengkeme Ahazire ufuf zaeo dameŋ zorice fowec.

Babe ŋicwofuŋte kiŋaŋŋic Hisikiarao fisimbɔŋ*(Bin II, 32: 27-31; Jes 39: 1-8)*

¹²Dameŋ ira Baladaŋte ŋokâ zâŋene Merodac-Baladaŋ, Babe ŋicwofuŋ hâcne, e papia â bubiante wiac Hisikiarao râeme rawec. E Hisikia huc bame foku mocwâc qiqic qawec irec biŋe manawecte iɲuc ewec. ¹³Eme Hisikia e irec bubiŋ manarâ kiŋaŋŋic jaŋe boreŋ zegaŋfic-ticne jowatuwec, ine siliwa mecne, gol mecne, wiac âsu biaghec mecne, wokemaŋ furi sâko mecne â zikare wiac irec fic mecne, erâ wâc moneŋ boreŋficko wiac forawec i sasawa jowatu-fârewec. Ŋicwofuŋ ficticnao â mâreŋ-ticne sasawao wiac fofârewec i Hisikiazɪ moc mi hesoŋke-jarehuc jowatu-fârewec hâcne. ¹⁴Eme porofete Jesaja e ŋicwofuŋ Hisikiarao ra zɔŋuc mu wioc ecnewec: “Ŋic keci jaŋe wemo dâŋ gazambieŋ erâ wenirec ware fua-garembieŋ?” Hisikiazɪ muwec: “Jaŋe mâreŋ zorickonec, Babe haeonec hâcne norao ware fisimbieŋ.” ¹⁵Eme muwec: “Jaŋe ficgao wemo wiac honembieŋ?” Hisikiazɪ muwec: “Jaŋe ficnaneo wiac fokac sâc hone-fârembieŋ, no boreŋ zegaŋfic-naneo wiac moc mi hesoŋke-jarepac.”

¹⁶Iɲuc mume Jesajazi Hisikia zɔŋuc âzâcnewec: “Anutu Tâpɪri Quŋqasaŋ Wofuŋ ere dâŋ manac! ¹⁷Manakic, dameŋ moc maickeocmu ira wiac sasawa ficgao fokac i mecne, erâ mamacfâcge jaŋe juwefuhuc boreŋ mafa wiac râe guruc ejumbieŋ i mâmâc Babe mâreŋko barâ raniŋmu; wiac huŋ-

gaŋne mac moc mi foocmu, Wofuŋzi iŋuc mukac. ¹⁸ Ehame ŋokâfâcge fua-gareniŋmu jaŋeraonec gâcne wâc bacjopa ranigmu, eme jaŋe Babe ŋicwofuŋ ere ficko kiŋaŋ qaqa erâ junigmu." ¹⁹ Eme Hisikiazi Jesaja ziŋuc âzâcnewec: "Wofuŋte dâŋ nazakomec i biagne." E ziŋuc manahuc muwec: No nahacne juju damenŋo wama â jujuhâmo foocmu hâcne.

Hisikiazi hâmowec

(Bin II, 32: 32-33)

²⁰ Hisikiazi wiac sâsawa ebac ewec â tâpiri-ticnere fuŋne, erâ opâ kanaŋ bawec â opâ hata bahuc fâreme hao fisiwec irec binâŋ sasawa i Juda ŋicwofuŋ jaŋere Binâŋ Qâhâc papia qizecko qârenŋe-fârekicne. ²¹ Eme Hisikia a apa ŋosafâc-ticne jaŋerao zuhuckehuc hâmowec. Ehame ŋokâ-ticne Manasezi tucticne qarâ ŋicwofuŋ juwec.

Manasezi ŋicwofuŋ juwec

(Bin II, 33: 1-20)

21 Manase e jara-ticne 12 bazurâ fuŋkerâ ŋicwofuŋ ehuc Jerusalem hao juhame jara 55 tarawec. Nenggoc-ticnere zâŋe Hefiziba. ² Manase e Israe ŋic jaŋe ŋic gurune gurune jaŋere mârenŋo raziniŋte Wofuŋzi mârenŋ rune jopa jâpec ejarewec jaŋere eebapa repicne i Wofuŋte zâŋe faio ebac ewec. ³ Erâ mamac-ticne Hisikiazi furu mârenŋ hetâtie-fârewec i mocwâc heqârerâ barawec. Ehuc Israe ŋicwofuŋ Ahabazi ewec irec sâc ehuc Baali nemure alata barawec â Asera nemuqâŋ herâ âkendângehuc sambânŋo bâpiŋ guru dindiŋ jaŋe dape-jarehuc kiŋaŋ qajarewec. ⁴ Erâ Wofuŋte ufuŋko alata bame ŋerawec. Alata iŋucnere hâcne Wofuŋzi ziŋuc muwec: "Jerusalem hao nore zâŋezi sawa fozejec." ⁵ Erâ Wofuŋte ufuŋ irec hae zonga jajahec ira sambânŋo bâpiŋ guru dindiŋ jaŋere alata bame ŋerawec. ⁶ Erâ ŋokâ-ticne qâhâmorâ taha bâzi rikewec. Erâ faŋfaŋ â sowidân mumu i ebac ehuc faŋfaŋdân mumu â qanŋec bapa ŋic jaŋehac muc manac ewec. E Wofuŋte zâŋe faio hehesic boc ehuc Wofuŋ manbânŋ ecnewec. ⁷ Wofuŋ e Dawidi â ŋokâ-ticne Salomo ufuŋte dâŋ ziŋuc jasawec, i Manasezi qâsuahuc Asera nemure qân qâqâtâc baakic erâ ufuŋko heme ŋewec: "Zâŋe-nanezi ufuŋ â hae zira ranŋa ranŋa footce Israe ŋic gurune gurune jaŋeraonec Jerusalem hao bâwosâepo. ⁸ Erâ no Israe ŋic apa ŋosafâc-ŋenŋic mârenŋ jarepo zirencac ejarepe kosa rac warec mocwâc mi eniŋmu. Jaŋe wiac sasawa mutâcne-jarepo irec sâcko aimuŋ jaha ebac ehuc kiŋaŋŋic-nane Mosezi sâcmutâc ejarewec i mana rerenŋ eniŋmuo ine iŋuc hâcne fuaocmu." ⁹ Eme jaŋe sifu dâŋ irec hazec mi râembiŋ. Ehuc Wofuŋ e Israe ŋic jaŋere maio ŋic gurune gurune bâsirowec-jopawec jaŋere hehesic i Manasezi bâdoc-jopame sirickehuc enqârânkemiŋ.

¹⁰ Eme Wofuŋzi kiŋaŋŋicfâc-ticne porofete jaŋere micko dâŋ râehuc ziŋuc muwec: ¹¹ "Juda ŋicwofuŋ Manase e Amori ŋic juwicnao jumbiŋ jaŋe wiac ebac embiŋ i sirickehuc wiac hehesicne â repic qapicne zi ebac eekac. Ehuc Juda ecneme qân qâqâtâc-ticnao siŋkehuc sindaŋ eekac. ¹² Eme irec Israere Wofuŋ Anutu e ziŋuc mukac: Mananŋgopier, no Jerusalem mecne â Juda kikefuŋ mecne jaŋerao wiac hâhâwicne bâfuape moc e irec bige manarâ fâfâreocmu. ¹³ No Ahaba uucmaŋ-ticnere fuŋne bataniŋkehuc â Samaria mârenŋte sâc bapa muc fârepo. Ijaha Jerusalem hao fârepemu. Ehuc ŋic moczi oto wiac-ticne zure bâkerenŋ eekac irec sâc noni hae i zure

bâkeren erâ herisiepemu. ¹⁴Erâ bigefâc-nane zanzagne jage beheç-jopa sanankehuc kisâfâc-jenç jaçere meo râec-jopapemu. Inuç ejarepe jaçe zikare biçe ehuc kisâfâc-jenç jaçere nânâ enzepein. ¹⁵Wiac i apa ŋosafâc-jenç jaçe Aigita mârenkonec wefumbin irenc fupkerâ juwarehuc mai-naneo wiac hehesicne ehuc maŋbâin enarembinzi enareengopiente inuç hâcne fua-jarezejeç.”

¹⁶Manase e bahacmâçko soc mâreteç hoŋkeme Jerusalem hae qaçençe ŋifeckonec ŋifeç qatarawec. Erâ ekizia wâc Juda kikefun ejareme Wofunçe zâçe faio hehesic bâfuambin.

¹⁷Eme Manasezi wiac sasawa ebac ewec â hehesic bâfuawec, i sasawa Juda ŋicwofun jaçere Binaŋ Qâhâc papia qizecko qârençe-fârekicne.

¹⁸Manase e juku apa ŋosafâc-ticne jaçerao zuhuckehuc hâcome e jahacne fic heririnçko Uzare gie fowec ira duckembin. Ehame ŋokâ-ticne Amonzi tucticne qarâ ŋicwofun juwec.

Amonzi ŋicwofun juwec

(Bin II, 33: 21-25)

¹⁹Amon e jara-ticne 22 bazurâ funkerâ ŋicwofun ehuc jara jajahec Jerusalem haeo juwec. Nengoc-ticne zâçene Mesulemi Jotiba haeonec ŋic moc zâçene Haruzi ere otâ. ²⁰Amon e mamac-ticne Manasezi ewec irec sâc jaha ehuc Wofunçe zâçe faio wiac mamakâcne ewec. ²¹E mamac-ticnezi hata âtehuc qân qâqâtâc kinan qajarewec ijaha âte-fârehuc kinan qajarewec â aran bajarehuc dape-jarewec. ²²E apa ŋosafâc-ticne jaçere Wofun Anutu ere hatao mi rahuc e jahacne wâc râpeckewec. ²³Eme kinan qaqaçâc-ticne jage kamierâ râsi rocnehuc ŋicwofun e ficticnaoa qâhâmombin. ²⁴Eme ŋic ŋokac jaçe ŋicwofun Amon kamierâ râsi rocnehuc qapie hâmowec ŋic i jaçe wâc qâhâmoc-jopambin. Ehuc ŋokâ-ticne Josiazi tucticne qarâ ŋicwofun juocte âkendânembin. ²⁵Eme Amonzi wiac sasawa ebac ewec irec binan i Juda ŋicwofun jaçere Binaŋ Qâhâc papia qizecko qârençe-fârekicne. ²⁶Eme Amon e hâcome e jahacne zâçerun gufukicne Uzare gie fowec ira duckembin. Ehame ŋokâ-ticne Josiazi tucticne qarâ ŋicwofun juwec.

Josiazi ŋicwofun juwec

(Bin II, 34: 1-2, 8-33)

22 Josia e jara-ticne 8 bazurâ funkerâ ŋicwofun ehuc Jerusalem haeo juhame jara 31 tarawec. Nengoc-ticne zâçene Jedida e Bozikata haeonec ŋic moc zâçene Adaja ere otâ. ²Eme Josia e Wofunçe zâçe faio wiac sasawa ebac eme sâcke-fârewec. Erâ apa-ticne Dawidire kike hata i âte sifuckehuc raçi âte wefu âte moc mi ehuc ijaha bâjâpe-fârewec.

³Eme Josia e ŋicwofun jume jara 18 eha Mesulamte ŋosa Azalia ŋokâ-ticne qârençinç Safaŋ e ŋicwofunzi zinuç muhuc Wofunçe ufunçko sorewec: ⁴“Go taha bapa sâko Hilikiarao rarâ âzâcnetec Wofunçe ufunçko moneç bafisipie motâc sonan jaçe ŋic ŋokac jaçeraonec rorâ qâzuckembin i wosezejeç. ⁵Erâ moneç i Wofunçe ufunç hone sonan eengopien jaçere meo râezejeç. Eme jaçe gienç Wofunçe ufunç bâpiançkeninçmu jaçe gie furi jarenzepein. ⁶Ine hâcne, kamunda â fic bapa â qânâ rârae ŋic, erâ katapa

me ufuf bāpiangkezore qānā he qāfāuc ekicne irec furi wāc māmāc ezejec. ⁷ Moneግ raocmu irec fuጅne manazore mu wioc mi ejarezo. Jaje moneግ mejeጅicko rāenigmu i aijakic jaha ebac enigmu hācne.”

⁸ Eme taha bapa sāko Hilikiazī qāreጅጅic Safaጅ dāጅ zīguc āzācnewec: “No Wofuጅte ufufko sācmutāc dāጅte papia qizec bāfuapo.” Iguc āzācnerā papia qizec i Safaጅ rācneme wosewec. ⁹ Eme qāreጅጅic Safaጅ e ጅicwofuጅtao risierā dāጅ bināጅ ecnehuc zīguc āzācnewec: “Kiጅaጅ qaqaጅācge jaje ufufko moneግ foekac i rofārerā Wofuጅte ufuf hone soጅaጅ eengopieጅ ጅic i jaጅere meo rāembig.” ¹⁰ Iguc murā zuhuckerā ጅicwofuጅ dāጅ zīguc āzācnewec: “Taha bapa Hilikia e papia qizec moc narejec.” Safaጅ e iguc murā ጅicwofuጅ wosecnewec.

¹¹ Eme ጅicwofuጅ e sācmutāc papia qizecko dāጅ fowec i manarā ጅaqi qoruc-ticne bāsuckewec. ¹² ጅicwofuጅ e iguc ehuc taha bapa Hilikia ā Safaጅte ጅokā Ahikam ā Mikajare ጅokā Akaboro, erā qāreጅጅic Safaጅ ā ጅicwofuጅ e jahacne kiጅaጅ qaqa, zāጅene Asaja, jaje dāጅ zīguc muhuc jaza sorec ewec: ¹³ “Apa ጅosafāc-nāጅec jaje papia qizec zira dāጅ qāreጅጅekicne fokac i reጅkehuc irec sācko wiac ebac mi embiጅte Wofuጅte kimbeጅ hāhāwicnezi fai-nāጅecko fekac. Irece ጅoጅe rarā papia qizec zira dāጅ fome bāfuakicne irec erā ጅo nahacne ā ጅic ጅokac ā Judāጅic sasawa nāጅere erā Wofuጅ mu wioc ecnenzeጅieጅ.”

¹⁴ Iguc jazame taha bapa Hilikia ā Ahikam ā Akaboro ā Safaጅ erā Asaja jaje Harihasire ጅosa Salum, Tikiwa ጅokā-ticne hācne, ere ጅonāጅ Hulidazi Jerusalem hae ጅondeጅne moc zāጅene Dākāne Jajahec ira porofete ጅokac juwec erao rapie dāጅ muc manac embig. ጅowe-ticne Salum e ine ጅicwofuጅte ጅaqi soጅaጅ juwec. ¹⁵ Eme ጅokac eki zīguc jazawec: “Israere Wofuጅ Anutu e zīguc mukac: ‘Norao sorec-ጅopajec ጅic e ra āzācneniጅ, ¹⁶ Wofuጅ e zīguc mukac: Manakic, no Juda ጅicwofuጅzi papia qizecko dāጅ sasawa wosejec irec fārine i hae māreጅ ā ጅecjuጅfāc-ticne jaጅerao bāfuapemu. ¹⁷ Jaje no rāpecnuhuc mejeጅiczi qāጅ qāqātāc wiac bahuc aaric bāfua-narerā nemu gācne hosāc āsu rike-jarembig, irec kimbeጅ-nanezi mi hāhāpo bāruጅkehuc jaha foocmu hācne. ¹⁸ Eme ጅoጅe no mu wioc enareniጅte sorec-ጅopajec Juda ጅicwofuጅ e zīguc āzācnenzeጅieጅ: Go dāጅ wosemeጅ irec Israere Wofuጅ Anutuzi zīguc mukac: ¹⁹ No hae māreጅ ā ጅecjuጅfāc-ticne zi jaje sāwecte biጅe ehuc omaeniጅte dāጅ mupo i manarā ጅaqi qorucge bāsuckehuc nore maio kiomeጅ ā magge bārisiehuc norao rume-jāmbāጅkemeጅte no wāc mana-garepo. ²⁰ Irece go zīguc manac: No apa ጅosafācge jaጅerao zuhucgurā zāጅeruጅgao wamao rāecጅupemu. Ehame hae māreጅ zira wiac repicne bāfuapemu i zāጅe fārigezi moc mi honecmu.’” Iguc jazame jaje risierā dāጅ ጅicwofuጅ āzācnembig.

Josiazī eemasāጅ ጅie bawec

(Bin II, 34: 3-7)

23 Eme Josia e dāጅ rāeme rame Juda ā Jerusalem soጅaጅ jaje erao tumagne-fārembig. ² Tumagne-fāreጅie ጅicwofuጅ ā Judāጅic ā Jerusalem hae rune, erā taha bapa ā porofete ā ጅic ጅokac fekicne ā wahakicne jaje zengoma Wofuጅte ufufko fembig. Ferā ጅehuc manahapie ጅicwofuጅzi Wofuጅte ufufko zāzāጅicte papia qizec bāfuakicne ira dāጅ fowec i wose-fārewec. ³ Wose-fārerā ጅicwofuጅ e wātuጅ herirignao domahuc Wofuጅ

bâjânehuc maŇ â mamasasu-ticnezi sâcmutâc â mumutaniŇ dâŇ â dâŇsanaŇ soŇaŇkerâ zâzâfic papia qizecko dâŇ qâreŇkekiecne fowec i ebac eocte WofuŇte maio mupaŇkewec. Eme ȳic ȳokac jaŇe iȳuc jaha mupaŇke-fârembiŇ.

⁴ Iȳuc epie ȳicwofuŇzi taha bapa sâko Hilikia â taha bapa ȳâcne sasawa erâ motâc soŇaŇ jaŇe Baali â Asera nemu â sambâŇko bâpiŇ guru dindiŇ jaŇere manasuhuc râqâc bapie ȳerawec i WofuŇte ufuŇkonec bârârieniŇte jazawec. Ehuc wiac i Jerusalem hae upeo KidoroŇ mâreŇko rikec-joparâ zafe-ȳeȳic hezurâ Bete haeo barawec. ⁵ Erâ Juda ȳicwofuŇ juwarembiŇ jaŇe Juda hae sâc â Jerusalem hae rârec rârec ira furu mâreŇko hosâc âsu rikeniŇte taha bapa âkendân-jopambiŇ i ekizia bârâriec-jopawec. Ehuc Baali nemu, mosa 3oaŇ erâ bâpiŇ zâŇe-ȳeȳichec â guru dindiŇ ȳâcne jaŇere hosâc âsu rikehuc jumbiŇ ȳic i jaŇe bârâriec-jopa-fârewec hâcne. ⁶ Erâ Asera nemure qâŇ qâqâtâc i WofuŇte ufuŇkonec rorâ Jerusalem hae upeo KidoroŇ opâo bahu rikerâ henzaŇ qanzaŇnerâ uucne ameckerâ ȳic ȳokac omane jaŇere zâŇeruŇ ȳieo tiawec. ⁷ Erâ WofuŇte ufuŇko ȳokac jaŇe Asera nemure ȳaqi wiac fujumbiŇ ira boe sau ȳic jaŇere fic ȳerawec i wâc hetâtie-fârewec. ⁸ Erâ Juda hae sâc nemu araŇ bajarembiŇ taha bapa i jaŇe mume fisirâ honehapie hosâc âsu rikehuc jumbiŇ furu mâreŇ i Geba haeonec fuŇkerâ ima baraku Bere-Seba haeo fisiwec. Erâ haesac motâc qanaopec, hae irec kia kâcȳene, zâŇene Josua, ere motâcko faŇfaŇ jaŇere furu mâreŇ fowec i wâc imackewec. ⁹ Eme taha bapa keci jaŇe Jerusalem haeo WofuŇte alatao bâzi rikenziȳiŇte aka hejarekiecne. Mâc taha bapa âȳofâc-ȳeȳic jaŇere ȳondenȳko juhuc poroŇ goreŇ tâmiric nâniŇte mana-jarekiecne. ¹⁰ Erâ ȳic moczi ȳokâ me otâ-ticne Moleke nemure bâzi rikezacte Hinom ȳokâfâcne jaŇere wâneŇko Tofete hae ȳewec i wâc iȳuc jaha imackewec. ¹¹ Erâ ȳicwofuŇte fic irec soŇaŇ moc juwec, zâŇene NataŇ-Melec, ere fickopec WofuŇte ufuŇ motâc heririŇ ira Juda ȳicwofuŇ jaŇe 3oaŇ araŇ bacnehuc ere biȳe becâsic mutiric-jopapie jumbiŇ i wâc bârâriec-jopa-fârewec. Erâ 3oaŇte biȳe keretac ȳerawec i wâc iȳuc jaha rike-fârewec. ¹² Erâ Juda ȳicwofuŇ jaŇe Ahaȳire fic fengâŇne faic irec bupunao alata bapie ȳewec i mecne â Manasezi WofuŇte ufuŇ hae 3oŇa jajahec ira alata bame ȳewec i wâc mâmâc hetâtierâ henzaŇ qanzaŇneme uucne eme rorâ KidoroŇ opâo beheme huwec. ¹³ Erâ Oliwa tiki juwicnao Jerusalem hae 3oaŇ wewefunao ira Israe ȳicwofuŇ Salomozi Sidonȳic â Moabi ȳic â Amonȳic jaŇere nemu repicne Asitorete â Kemosi â Milikom jaŇere furu mâreŇ barawec i wâc hetâtie-fârewec. ¹⁴ Ehuc qâŇ wâtuŇ â Asera nemure qâŇ qâqâtâc doma rawec i hetâtierâ henzaŇ qanzaŇnehuc jaŇere dodoma tacko ȳic jaŇere siec guruckewec.

¹⁵ Erâ 3uhuckerâ Bete haeo Nebate ȳokâ-ticne Jeroboamzi Israe ȳic ejareme hehesic bâfuahuc alata â furu mâreŇ bapie ȳerawec i wâc iȳuc jaha hetâtierâ qânâ wiac i henzaŇ qanzaŇnekume uucne fuawec. Erâ Asera nemure qâŇ qâqâtâc i wâc 3oczi rikewec. ¹⁶ Josia e iȳuc erâ forisie tikio zâŇeruŇ gufukicne ira siec fome honewec. Honerâ kiŇaŇ sorec-jopame ra ro bafisiȳie Anuture ȳiczi wiac sasawa irec findaŇdâŇ muhuc WofuŇte dâŇ mutaniȳkewec irec sâcko alata faio rikehuc bâbiwec. ¹⁷ Iȳuc erâ muwec, "Raeccko ocna wemo wiacte qânâ ma honekopac?" Iȳuc wiome hae rune ȳic jaŇe 3iȳuc âzâcnemiŇ: "I Anuture ȳic ere zâŇeruŇ. Eki hâcne Juda mâreŇkonec warerâ, Bete hae 3ira alata henzaŇ qanzaŇnekomec irec

findaŋdāŋ muwec.” ¹⁸ Iguc mupie Josiazi muwec, “Behepie fozejec. Moczi moc siec-ticne rorā mi bārāriezejec.” Eme irec jaŋe siec-ticne mi bārāriehuc Samaria mārēŋkonec porofete moc fisirā hāmowec ere siechec behepie ijaha fowec. ¹⁹ Eme Israe ŋicwofuŋ jaŋe Wofuŋ maŋbāiŋ ecnehuc Samaria hae sâc furu mārēŋko ufūŋ bapie ŋerawec i wâc Josiazi bārāriewec. E Bete hao ewec irec sâc jaha ejarewec. ²⁰ Erā furu mārēŋte taha bapa hae mārēŋ ira jumbiŋ jaŋe alata faio joparā fai-jeŋicko ŋicsiec gâcne rikewec. E iguc efârērā Jerusalem hao risiewec.

Josiazi aakic hombaŋ mocwâc fuŋkerā ŋewec

(Bin II, 35: 1-19)

²¹ Eme ŋicwofuŋzi ŋic ŋokac ziŋuc jaza mutâc ewec: “Ŋoŋe zâzâfic papia qizec zira dāŋ qārēŋkekiecne fokac irec sâcko Wofuŋ Anutu-ŋeŋicte aakic hombaŋ i mocwâc soŋaŋkenzepieŋ.” ²² Aakic hombaŋ igucne i mumutara ŋic jaŋe ŋic jaŋerao mumutara gie bahuc jumbiŋ, me Israe â Juda ŋicwofuŋ juwarembiŋ damēŋ ira moc mi fuawec. ²³ Ŋicwofuŋ Josia e gie bahuc jume jara 18 eha fuŋkerā Jerusalem hao Wofuŋte aakic hombaŋ i soŋaŋkepie fowec.

Wofuŋzi Juda aaric manacnehuc juwec

²⁴ Eme Josia e zuhuckerā faŋfaŋdāŋ mumu ŋic â hafec qanŋec bapa ŋic â qāŋ qâqâtâc â nemuqāŋ, erā wiac mamakâcne sasawa Juda mārēŋko â Jerusalem hao fowec i bārāriec-jopa-fârewec. Erā i taha bapa Hilikiazia Wofuŋte ufūŋko papia qizec bâfuawec ira sâcmutâc dāŋ qārēŋkekiecne fowec i dopeckehuc iguc ewec. ²⁵ Juwicnao ŋicwofuŋ juwarembiŋ jaŋe e igucne juhuc Mosere sâcmutâc dāŋte sâcko maŋ â mamasasu â tâpiri-jeŋic furu jaha Wofuŋtao râepie mi fowec. Me faicnao e igucne wâc moc mi fuarā jumbiŋ.

²⁶ Erā sifu Wofuŋ e Juda kimbeŋ sâko qacnewec i mi fâre wahawec. E Manasezi maŋbāiŋ ecnewecte iguc hâcne ewec. ²⁷ Irece Wofuŋzi ziŋuc muwec: “No Israe zāŋe mai-naneonec bārāriepo irec sâc jaha Juda bārāriepemu. Erā Jerusalem hao no nahac bâwosâepo i wâc behe sananŋkepemu. Erā zāŋe-nanezi ufūŋ zira foocte mupo ufūŋ i wâc iguc jaha behepemu.”

Josia hāmowec

(Bin II, 35: 20-27)

²⁸ Eme Josiazi wiac sasawa ebac ewec irec binaŋ i Juda ŋicwofuŋ jaŋere Binaŋ Qâhâc papia qizecko qārēŋke-fârekicne. ²⁹ Josia e ŋicwofuŋ juhame Aigita ŋicwofuŋ Farao Neko e Asiria ŋicwofuŋtao Eufрата opâo fewec. Ehamē ŋicwofuŋ Josia e bâfuaocte rame Farao Nekozi honerā Megido hao qâhāmowec. ³⁰ Qâhâmome kiŋaŋ qaqaŋâcne jaŋe qāŋqāŋ-ticne keretac mocko râerā Megido haeonec Jerusalem hao barambiŋ. Erā e jahacne zāŋeruŋ gufukicne ira duckembiŋ. Ehuc ŋic ŋokac jaŋe Josia ŋokâ-ticne Joahazi rorā wokemaŋ ruacnehuc mamac-ticnere tuc qarā juocte ŋicwofuŋ âkendāŋnembiŋ.

Joahazizi damen bemberne mac ńicwofuń juwec*(Bin II, 36: 1-4)*

³¹ Joahazi e jara 23 bazurâ ńicwofuń ehuc mosa jahec â moc Jerusalem hao juwec. Nengoc-ticne zâġene Hamutali Libina haeonec ńic moc zâġene Jeremia ere otâ. ³² Eme Joahazi e apa ńosafâc-ticne jaġe embiġ irec sâcko Wofuńte maio mamakâcne ewec. ³³ Eme Farao Neko e Joahazizi Jerusalem hao ńicwofuń mi juocte manasuhuc Hamati mâreńko hae moc, zâġene Ribela, ira kâpâcwâru ficko râewec. Ehuc Juda mâreń rune jaġe siliwa ġemâc-ticne 100 â gol ġemâc-ticne 100 jaha Farao e jahacne biġe râcnehuc juniġte mujarewec. ³⁴ Erâ Josiare ġokâ Eliakimzi mamac-ticnere tuc qarâ juocte ńicwofuń âkendâġnehuc zâġe-ticne herisierâ Jojakim muwec. Ehuc Joahazi rorâ Aigita mâreńko barame ira hâmwec. ³⁵ Eham Jojakimzi Farao siliwa â gol râcneniġte mukicne i râcnehuc juwec. Erâ e Faraozi muwec irec sâc moneġ râcneniġte mâreń ira sahac taha rârâe hata i funķewec. Ehuc Farao Neko râcneocte mâreń irec ńic ġokac jaġe siliwa â gol fojarewec sâc râeniġte mupańke-jarewec.

Jojakimzi ńicwofuń juwec*(Bin II, 36: 5-8)*

³⁶ Jojakim e jara 25 bazurâ ńicwofuń ehuc Jerusalem hao jara 11 juwec. Nengoc-ticne zâġene Żebida e Ruma haeonec ńic moc zâġene Pedaja ere otâ. ³⁷ Eme Jojakim e apa ńosafâcne jaġe embiġ irec sâcko Wofuńte maio wiac mamakâcne ewec.

24 Eme Jojakim e ńicwofuń juhame Babe ńicwofuń Nebukanezazi fisime jara jahec â moc ere kiġańġic juwec. Juku ine maġrâńġeń bâfuacnewec. ² Eme Wofuńzi kiġańġicfâc-ticne porofete jaġere micko dâġ râewec irec sâcko râsi fisihuc Juda bâsiroweniġte Wofuńzi ńic guru zĩġuc sorec-jopawec: Kaldea ńic â Siria ńic â Moabi ńic erâ Amońġic. ³ Erâ Manasezi hehesic sasawa ebac ewec irec erâ Wofuńzi zâġe mai-ticnaonec bârâriec-jopaocte e jahac mutâcnewec ińuc hâcne Judarao fuawec. ⁴ Erâ Manase e bahac tâmiricko soc hońķewec irec wâc mâmâc. E bahac tâmiricko soc hońķeme Jerusalem hae sâcke-fârewec hâcne. Irec wemocko Wofuńzi kiġ bebehere moc muzac. ⁵ Jojakimzi wiac sasawa ebac ewec irec binaj i Juda ńicwofuń jaġere Binaġ Qâhâc papia qizecko qâreńke-fârekicne. ⁶ Eme Jojakim e apa ńosafâcne jaġerao zuhuckehuc hâmome ġokâ-ticne Jojakiġzi tucticne qarâ ńicwofuń juwec. ⁷ Ińuc eme Babe ńicwofuńzi Aigita ńicwofuńte mâreń sasawa Aigita opâonec raku Eufрата opâo micķekac i rofârewecte Aigita ńicwofuń e mâreń-ticne beherâ ira me ira mocwâc mi rawec.

Jojakiń â ńic fekicne Babe mâreńko kâpâcwâru bacjopa rakicne*(Bin II, 36: 9-10)*

⁸ Jojakiń e jara 18 bazurâ funķerâ ńicwofuń ehuc mosa jahec â moc Jerusalem hao juwec. Nengoc-ticne zâġene Nehusita e Jerusalem haeonec ńic moc zâġene Elenataġ ere otâ. ⁹ Jojakiń e mamac-ticnezi wiac

sasawa ebac ewec irec sâc jaha ehuc Wofunŋe zâŋe faio wiac mamakâcne bâfuawec.

¹⁰ Ehame damenŋ ira Nebukanezare kinŋan qaqafâc jaŋe Jerusalem haeo fisirâ hae i somâckembiŋ. ¹¹ Eme somâckehuc fohapie jaha Babe ŋicwofuŋ Nebukaneza e Jerusalem haeo fisiwec. ¹² Ehame Juda ŋicwofuŋ Jojakinŋ e jahacne nengoc-ticne â kinŋan qaqafâcne, erâ ŋic fekicne â ŋicwofuŋ ficticnere micne jaŋe zengoma Babe ŋicwofunŋe meo fefârembiŋ. Jojakinŋ e ŋicwofuŋ jume jara 8 ehame Babe ŋicwofunŋi kâpâcwâru barâ barawec. ¹³ Ehuc Wofunŋe ufunŋko â ŋicwofunŋe ficko zengon wiac ŋewec i mâmâc bawisewec. Erâ Wofunŋi mutâcnewec irec sâcko Israe ŋicwofuŋ Salomozi Wofuŋ-ufuŋ-ticnere râqâc wiac golzi bawec i wâc mâmâc henzanŋ qanzanŋ-nerâ bawisewec. ¹⁴ Erâ Jerusalem hae rune â ŋic fekicne erâ tai tâpiri-jeŋichec 10 tausenŋ kâpâcwâru bacjopa rawec. Erâ metâ bapa ŋic â aenŋi wiac bapa ŋic jaŋe wâc mâmâc, ŋic tâpirihec moczi moc mi juhunganŋewec. Mâc, ŋic ŋokac hapetac jâmbân jaŋe sawa beheç-jopame mârenŋ ira jumbiŋ. ¹⁵ Eme ŋicwofuŋ e Jojakinŋ rorâ Babe mârenŋko barawec. Ehuc nengoc-ticne â ŋonânŋfâc-ticne â micnefâc-ticne erâ mârenŋ irec ŋic fekicne jaŋe rocjopa-fârerâ kâpâcwâru bacjopahuc Jerusalem haeonec Babe mârenŋko amec-jopa rawec. ¹⁶ Babe ŋicwofuŋ e ŋic ziŋuc kâpâcwâru bacjoparâ Babe mârenŋko amec-jopa rawec: Ŋic tai tâpiri-jeŋichec 7 tausenŋ, erâ metâ bapa â aenŋi wiac bapa ŋic 1 tausenŋ. Jaŋe tâpirihec â zika qaqare sâc sasawa. ¹⁷ Erâ Babe ŋicwofunŋi Jojakinŋe mamac pitic, zâŋene Matania e Jojakinŋe tuc qarâ ŋicwofuŋ juocŋe âkendânnewec. Ehuc zâŋe-ticne herisierâ Zedekia muwec.

Zedekiazi ŋicwofuŋ juwec

(Bin II, 36: 11-16; Jer 52: 1-3)

¹⁸ Zedekia e jara-ticne 21 bazume ŋicwofuŋ âkendânnepie juwec. Erâ Jerusalem haeo ŋicwofuŋ gie-ticne bahuc jukuhame jara 11 tarawec. Nengoc-ticne zâŋene Hamuta e Libina haeonec Jeremia wase-ticnere otâ. ¹⁹ Zedekia e Wofunŋi wiac honeme sâqoreekac i hâcne ehuc juwec, ine Jojakimzi ejujec irec sâcko jâmbân. ²⁰ Eme Wofuŋ e juku kimbeŋ-ticnere erâ Jerusalem â Juda beheç-jofawec.

Eme Zedekiazi Babe ŋicwofuŋ manŋranŋen bâfuacnewec.

Jerusalem hae bawahakicne

(Jer 39: 1-7; 52: 3-11)

25 Zedekia e ŋicwofuŋ juhame jara 9 irec mosa 10 â zoanŋ gie bapa 10 jaha ewec damenŋ ira Babe ŋicwofuŋ Nebukanezazi momorifâcne rocjopa-fâreme Jerusalem hae râsi fisicnembiŋ. Fisirâ hae somâckehuc rârec rârec zae bambiŋ. ² Iguc erâ somâ bahuc juwefukuhapie Zedekia ŋicwofuŋ juju damenŋ-ticnere jara 11 maickewec. ³ Eme mosa jahec â jahec irec zoanŋ gie bapa 9 ira haeo roroc sâkozi qârânkeme hae mârenŋ irec ŋic jaŋe nânâ basambiŋ. ⁴ Ehame râsi jaŋe haeo feninŋe tunŋi sac âeckeku âkezuŋie hata fuawec. Eme ŋicwofuŋ e iguc epie honec-joparâ momorifâc-ticne jaŋeheç ŋafeo sac jajahec ŋondenŋ-jekicko ŋicwofunŋe zariŋ gleo motâc moc domawec i fotâcnerâ wisembiŋ. Kaldea ŋic jaŋe hae sâko orânŋ-

kehuc juhapie jaŋe mâreŋ burocnaopec rambij. ⁵ Eme Kaldea momori jaŋe jicwofuŋ jâperâ raku Jeriko wâneŋko bâfuambij. Ehame momorifâcne jaŋe beherâ siŋsaŋ qambij. ⁶ Siŋsaŋ qapie râsi jaŋe jicwofuŋ rorâ Ribela haeo Babe jicwofuŋtao barapie eki dânticne mutarawec. ⁷ Ehame zâŋe fai-ticnao ŋokâfâcne qâhâmoc-jopambij. Erâ Zedekia e jahacne ine zâŋe-ticne riporâ kâpâcwâruzi ninggikerâ Babe mâreŋko barambij.

Judaŋic kâpâcwârui bacjopa rakicne

(Bin II, 36: 17-21; Jer 39: 8-10; 52: 12-30)

⁸ Nebukaneza e Babe jicwofuŋ juhame jara 18 irec faicnao mosa memoc â irec 30aŋ gie bapa 7 ewec dameŋ ira Nebuzaradaŋ e Babe jicwofuŋ momori fuŋfuŋfâc-ticne jaŋere micne juhuc jicwofuŋte kiŋaŋ qahuc juweczi Jerusalem haeo ware fisiwec. ⁹ Fisirâ Wofuŋte ufuŋ â jicwofuŋte erific erâ Jerusalem haere fic kâcŋene i zengoma 3oczi turuŋkeme zafârewec. ¹⁰ Â Jerusalem hae râreckehuc qânâsac fowec i Kaldea momori, jicwofuŋ momori fuŋfuŋfâcne jaŋere micne ehac jumbij jaŋe heroc qâropiembij. ¹¹ Eme Babe jicwofuŋte momori fuŋfuŋfâc jaŋere micne Nebuzaradaŋzi jic ŋokac zanzagne gâcne haeo beheç-jopapie jumbij i jaŋe mecne â wiserâ Babe jicwofuŋtao zuhuckembij jaŋe, erâ jic ŋokac guru sâko gâcne jaŋe mâmâc bacjopa rawec. ¹² Ehuc jicwofuŋte momori fuŋfuŋfâc jaŋere micne e mâreŋ irec jic wahakicne jaŋeraonec gâcne jaŋe waig gie bahuc he sarac eniŋte beheç-jopame gembij.


¹³ Â Wofuŋte ufuŋko aej bâbâroŋzi wâtuj bakicne domawec erâ râqâc irec ŋeŋe wiac â opâ râqâc sâko aej bâbâroŋzia bakicne i Kaldea jic jaŋe henzaj qanzaŋnerâ aej bâbâroŋ i furu jaha Babe haeo barambij. ¹⁴ Erâ kuzi â sapac â sâqe â hosâc âsu ririkere râqâc, erâ aej bâbâroŋzi râqâc bakicne taha ufuŋko gie bahuc bajumbij i mâmâc sasawa bara-fârembij. ¹⁵ Erâ 3oc uucnere râqâc â oto piic piic i wâc mâmâc barambij. Ine hâcne, wiac sasawa gol â siliwazi bakicne i jicwofuŋte momori fuŋfuŋfâc jaŋere micnezi bara-fârewec. ¹⁶ Wâtuj jajaheç â opâ râqâc sâko â Wofuŋ ufuŋ-ticnere râqâc irec ŋeŋe wiac Salomozi mume bambij, wiac i sasawa irec aej bâbâroŋ i sigelio rârâere sâc mi ewec. ¹⁷ Eme wâtuj moc zoricne-ticnere sâc i 18 kubi.* Eme wâtuj irec fainao utune moc aej bâbâroŋzi barâ hepie ŋewec. Wâtuj utunezi 3 kubi irec sâc ferâ domawec. Ehame utune rârec rârec ine eri qâreŋ minimize hawari iŋucne bapie fowec, â wiac moc jâchândâŋ tinac birickepie doma rawec; wiac i aej bâbâroŋzi bafârekcicne hâcne. Eme wâtuj moc sâc ijaha bakicne.

¹⁸ Jicwofuŋte momori fuŋfuŋfâc jaŋere micne e taha bapa sâko Seraja â babafic-ticne Zefania erâ motâc soŋaŋ jaheç â moc jaŋe rocjopawec. ¹⁹ Erâ Jerusalem haeonec micne sâko moc momori jaŋere soŋaŋ juwec e â juwicnao jicwofuŋheç jumbij jic i jaŋeraonec 5 jaŋe haeoa juhapie mâmâc rocjopawec. Erâ zuhuckerâ momori micne ere qâreŋjic, mâreŋ irec jic jaŋe zika gie baniŋte qâreŋ-jopa jujec, e erâ jic 60 haeoa juhapie bâfuac-jopambij jaŋe iŋuc jaha rocjopawec. ²⁰ Momori fuŋfuŋfâcne jaŋere micne Nebuzaradaŋ e jic i jaŋe hâcne rocjoparâ Ribela haeo Babe jicwofuŋ erao bacjopa rawec. ²¹ Eme Babe jicwofuŋzi mume Hamati mâreŋko Ribela hae ŋewec ira hâcne qâhâmoc-jopambij. Ehuc Juda kikefuŋ gâcne jaŋe mâreŋ-jeŋickonec kâpâcwârui bacjopa rambij.

* 1 kubi i sâcmeta moc 18 inses me 46 senti meta irec sâc.

Դիւ չառնը յառ Եալա մառնո ռաւիւ

²² Եառ Դիւիւմ Եառնառառ Դիւ յոկառ Եառ մառնոա յառնը եառ-
-յոաաա Ի յառ հոն մառն Եառառառ Եառնառ յոկառ Եառառ, Տառնը յոա
հառն, Ե մառն յոռնն առնառնաա. ²³ Եառ մոմոռ մառն յառ Դիւիւ-
-յառն յառառ հառ մառն Իա յոռնն յառառ Եառ Դիւիւմն Եառառ



Եառ հառ սառնո մոռառ

mâreŋ soŋaŋ âkendâŋnewec irec biŋe manarâ ŋicfâc-jeŋic jaŋehec Mizipa haeo Gedaliarao ra fisimbiŋ. Ŋic ziŋuczi fisimbiŋ: Netaniare ŋokâ Isimae â Kareare ŋokâ Johanaŋ, erâ Netofati ŋic moc zâŋene Tanahumeti ere ŋokâ Seraja e â Makati ŋic moc ere ŋokâ Jazania. ²⁴ Eme Gedaliazi jaŋe jaŋacne â ŋicfâc-jeŋic mupaŋke-jarehuc ziŋuc jazawec: "Ŋoŋe Kaldea ŋic micne jaŋere mi hâwic-ŋopaoc. Ŋoŋe mâreŋ zira juhuc Babe ŋicwofuŋ kiŋaŋ qacnehuc sâcne juhâmoniŋmu." ²⁵ Ehame mosa 7 ira Netaniare ŋokâ Isimae, Elisama ŋosa-ticne hâcne, e ŋicwofuŋ garikiŋfâc-ticne jaŋeraoneczi ŋic 10 jaŋehec râsi fisirâ Gedalia qahuc Judaŋic â Kaldea ŋic Mizipa haeo ehac jumbiŋ jaŋe wâc mâmâc jopambiŋ. ²⁶ Iŋuc epie ŋic ŋokac kâcŋene â piticne, erâ momori jaŋere micnefâc jaŋe faharerâ Aigita mâreŋko rambiŋ, jaŋe Kaldea ŋic jaŋere hâwic-jopame iŋuc hâcne embiŋ.

Jojaŋiŋ firueŋicne

(Jer 52: 31-34)

²⁷ Eme Juda ŋicwofuŋ Jojaŋiŋ e kâpâcwârueo jukuham e jara 37 â mosa 12 â 30aŋ gie bapa 27 taram e ine Babe ŋicwofuŋ Ewi-Merodaczi akickehuc mume kâpâcwârueonec wahawec. Ine ŋicwofuŋ gie-ticne fuŋkewec jara ira iŋuc ewec. ²⁸ Erâ âgo ecnehuc ŋeŋe-ticne baŋeme ŋicwofuŋ gâcne ehac Babe haeo jumbiŋ jaŋere ŋeŋe biri irec micnao ŋewec. ²⁹ Eme Jojaŋiŋ e kâpâcwârueo ŋaŋi-ticne hetararâ ŋicwofuŋhec nânâ nâhuc jukuham e hâmoc damen-ticne maickewec. ³⁰ Sahacte dope wiac irec ziŋuc ekicne: Babe ŋicwofuŋ e 30aŋ sâc dope wiac-ticne râcnehuc juham e hâmoc damen-ticnao tarawec.